

澎湖紀略序



由廈門海道七百二十  
里至臺灣而澎湖扼其  
衝澎湖四面踞海無所  
不通在臺灣之西凡五

十五嶼有居民設文  
武官副將通判治之遙  
屬臺灣蓋其地錯出海  
面盤踞無幾而據海道  
之咽喉與金廈二門遙

王師

相犄角實形勢之最也  
往年羊宜督有書白却  
平鄭逆及朱一貴之亂  
皆駐跡於此而曲時既  
昇平海疆富庶宦賈臺

灣者相望往來之艘皆  
泊澎湖其水道曲折風  
潮占候及民俗土宜政  
事沿革宜皆有書向時  
附見臺灣志中舉大意

而已未能詳也今通判  
三水胡君示余所著澎  
湖紀畧一書余讀而深  
嘉之蓋近日所傳星槎  
勝覽瀛涯雜志言海事

者類皆搜尋怪異不切  
民生日用至內地郡縣  
之志所陳多民事矣而  
時因仍吏牘諛語猥雜  
無紀或取辨衆手前後

乖舛者有之是書提綱  
擘目部署編次悉中條  
理而天時地利氣候不  
齊一一圖注取海道者  
時有資焉至於述民生

王化

之勤苦叙

之漸深咨嗟咏嘆之意

見於言外所以宣

上德

而達下情固為吏之道

宜爾亦文字之勝概也

命巡

歲庚午余奉

視臺灣由澎抵臺道途

所歷閱是書一一如在

目前時方兼督學政歷

試四縣頗異臺處海外

而士多秀出其能文者  
有中土風獨澎湖無聞  
焉今書述澎湖士入學  
者至十餘人則知  
國家文教久而益昌我

皇上壽考作人之化無遠弗  
屆無微不燭宇內淪浹  
矣夫事有舉一隅而可  
以見全體者此類是也  
余與胡君同官斯土雖

職有崇卑而事惟一  
致每念承流宣化  
責任重鉅自顧恆  
懍懍焉惟以欣逢  
不圖宇內命也

聖時民安物阜中外同風一

皇靈

切張弛俱稟

以從事其庶幾可以無  
隕越也夫是爲序


乾隆三十六年辛卯秋

八月七閩承宣仁和

錢琦撰



澎湖紀畧序



古之善治者每務乎其大而籌  
乎其所以不及備迨疆所措  
施往往立言不為一時而收  
效期諸數世此豈括地家所  
能涉筆哉則如勉亭胡公所  
撰澎湖紀


略是已澎湖為臺郡郭郭別駕  
分駐其地有司土責故事隣內  
吏之廉而能者畀焉而君實膺  
是職既蒞三閱歲凡所為奠毗  
業詰澳匿釐懋遷程誨肄諸大  
端靡弗張舉於編中窺崖畧焉


下運勺泉孟井六必辨其齡冽  
而識其所在其用意周而籌綦  
備矣昔歐陽文忠公作唐書地  
理志凡一渠之開一堰之立無  
不記於其縣之下論者謂其詳  
而有體君殆得是意歟夫以環

瀛絕島粲然疆索又得賢通守  
精心擘畫所措施具有本末而  
復以公餘研成一書義例井然  
持論精卓足使後之司是土者  
資所考鏡是真合古之善治者  
余故樂為之序

賜

乾隆庚寅歲春三月  
進士出身中憲大夫分巡臺澎  
兵備道兼提督學政前翰林院  
檢討金竹蔣允焄撰





精心  
愈信金文錄久燕  
兵前真乘是管學如首餘林列  
類士出良中選大夫公  
陳創真寫為春三月

澎湖紀略序

在昔志輿地者率祖禹貢  
周官嗣是扶風紉為史體  
而別於史者則有辛氏三  
秦常璽華陽國以及三輔  
黃圖法書其分志體之一

者則又有洛陽伽藍建康  
宮殿襄者舊汝南先賢誥  
書至名十洲洞冥真臘佛  
國之屬又述其支別而恢  
詭焉者夫奇編臭記掌  
錄區隅其黷凡起例要無

當於通都大邑所撰著然  
鄙善長注水經往、取財  
於二百四十四家豈非擷其  
菁華規其輪廓足以徵故  
實而廣聽睹且於其因革  
雜翕土宜風俗之故有不

失禹貢周官之遺而一為甄  
綜歟臺郡之有澎湖海中  
一島也宛溪顧氏謂險要  
而紆迴莫如此島信然往  
時隸者不一

國朝 康熙二十三年始定有其

地屬臺郡雍正五年設別駕  
於此資彈壓焉夫五服有  
要荒謂要宵荒曾不可以  
內治也今澎湖隸版圖迄  
百年宅其土者戶籍日增絃  
歌四徹環巨浸為樂國於此

境覘之是其因革雜翕土  
宜風俗之未可以恢詭載  
筆也可知己僚友 胡勉  
亭先生以通守駐斯境三  
稔於茲矣境之士庶樂其  
治 先生亦以清暇排纂澎

湖紀略一書凡十二卷既  
歲事郵以示余余卒業  
服其掌錄區隅體例一準  
乎通都大邑而事核而旨  
深舉所為矜竒炫奧者  
雜糅之在 先生紀略名

書第以為述其支別也者  
而史裁脗合於是乎在  
夫禹貢以敷奠挈經周官  
以藪浸標目略云乎哉  
莫備于此矣志輿地者尚  
津通斯編也可

乾隆歲次庚寅清和望日

賜進士出身朝議大夫知福建

臺灣府事前知浙江杭

州嘉興紹興三郡事加一級

年家眷寅弟梁溪鄧應元

拜手摺



澎湖紀略序

甘肅通志

澎湖紀略十卷 水胡公

通判澎湖時所著史公以名進

士歷和五縣曾齊惠政且以振

興文教為亡任由閩邑陞判澎

湖澎湖在海中居民僅數千家

小島空濶爲臺廈咽喉鼻坎故  
任公以鎮撫之公官澎湖五載  
公餘之暇因成此書書中述澎  
民爲生之苦地驟艸木率以牛  
糞爲薪男升杷守鰾井之立後  
先虜歆以救旱渴早夜嗷嗷然

其言咨嗟太息曲盡晴態令心  
惻然不忍卒讀又載市肆區目  
致意守土者之加惠商心招致  
其來以給居民之用其用心惻  
惻畫畫周至如護弱學惟恐  
傷之詩所云民之父母者矣至

于祿除鄙僊開牖闇泐尤尚文  
教公創建書院條設學規教以  
心備方別義利勗之躬行以志  
爲賢心君學非僅興藝取科第  
榮名而亡嘗曰十室之邑必齊  
忠信斯地雖小亦和後不齊耶

文莊後忠不其心者出哉識者  
因是知公所思之遠待世之厚  
彷彿古心驟斲之義而文翁常  
衣不待專美于前定澎亦赴試  
臺灣多蟬遠涉風濤以致皓首  
窮經不待預董子試者公詳請

列憲就澎考試送道免其縣府  
兩試守悒之苦科歲式試獲雋  
入學者十有三人澎之文風實  
公開之也蓋都會關津四方之  
輿區官某地者知置力焉至乎  
海外邊徼跋遠京師見謂不足

觀聽足而百棄者各之或地瘠  
風陋慙憂驟聊朝夕俟代而亡  
公所云乃式式可書如此蓋誦  
語曰出門如見大賓使民如承  
大祭故所在驟怨也公其深體  
此意也乎紀志體本史氏繁者

病亏猥雜取簡又傷太略公是  
聿曾霖之汰嚴爭覈精文並美  
蔚蔚彬彬是又著迹之譔者矣  
余得并誦之云  
乾隆二十卯季季夏原翰林院  
庶吉士朱任琇頤皆琴撰



澎湖紀畧

凡例

一集以紀畧名者紀對綱而言畧則詳之反也凡作志乘者必先挈其大綱然後詳其節目此班志之例由來尚矣茲集就事論事無煩立綱發明取其紀以記事之體而已故不稱志而稱紀也况澎地無文可考無獻可詢事屬草創則畧而不詳者亦勢之所不得不然者耳

一集內分十有二門其先後次序首天文次地理天尊地卑之義也高卑陳斯貴賤位故次官師

官師立然後教化行故次文事文教興則賢材  
出故次人物有文事者必有武備故次武備經  
文緯武由是而俗美風清故次風俗風俗醇者  
厥心臧必由土物愛故次土產物產饒則任土  
作貢故次貢賦賦以人戶爲籍故次戶口人戶  
盛則績貯不可不裕故次倉儲倉廩實然後知  
禮節故以藝文終焉

一每一門類務尋源委自覺迂蔓無當於簡潔也  
但鄙意竊計斯爲草創之編合從訓詁之例俾  
後之作者流覽今昔知所因革芟繁就簡不亦

事半而功倍乎

一援引典籍或用以開端或取以徵實勢所不免  
集內俱一一標出微獨知所由來亦用以彰前  
賢之美也其澎湖原有志畧一本三二十篇然  
事多不核集中並未引入僅列其觀海賦文石  
賦二章而已

一澎洋島嶼向傳三十有六昔人亦祇言其槩耳  
以今考之實五十有五焉卽臺志載澎湖全圖  
方隅亦多淆舛率皆耳食未經身履目擊之故  
也余悉爲更正至於各嶼水陸程途均未的確

茲一以廳署爲主由近及遠一一註明於各嶼之下俾披圖而閱者勝槩悉在目前可以臥遊而得之也

一水乃至便之物昏暮叩門求無弗與者也茲於井泉一節不啻三致意者誠以澎地居瀛海之中盡皆鹹鹵又無溪澗流泉足資挹注所得甘泉甚難故於各澳井眼一一臚列俾知渴飲與饑食同艱也遊海壖者必載水以行入島嶼者必問泉流所自何莫非此意也哉

一藝文一門鉅製鴻章雖堪千古必其有關於澎湖者方爲採入集中所錄僅得諸臺郡志內而已此外因澎島題咏者或業經問世或尚貯錦囊散見壘出諒必甚富但余限於耳目致有遺珠應俟搜羅或承惠教自當源源增入以昭全璧

一祥瑞災異事多荒誕如董子劉向所說春秋多著事應每爲昔賢所議餘可知矣况澎湖乃海心撮土並無有所謂芝草醴泉等類卽間或風雨期愆陰陽道錯微災小眚亦與郡邑所同似可毋庸另立門類應從省文之例可耳

一澎湖舊為鄭逆所踞其僭竊逸事已備載於臺郡志內茲不復贅庶免文字雷同數見不鮮之謂故與外洋番島一併刪除槩不載入

一談元說空所謂外教也服其教者禪林精舍窮幽極致徧布川原人士亦樂與居遊此郡乘邑志所以有外教一門以紀靈蹤而誌勝槩也惟澎湖一十三澳各澳祇有土神廟宇以供香火並無僧尼庵寺亦無清修道觀故茲門亦闕焉

澎湖紀畧總目

天文紀

地理紀

官師紀

文事紀

人物紀

武備紀

風俗紀

土產紀

賦稅紀



戶役紀

倉儲紀

藝文紀

遊園紀

入學紀

文獻紀

官制紀

風俗紀


天文紀

地理紀

澎湖全

澎圖





澎湖紀畧卷之一

天文紀目錄

星野

氣候

風信

日月

雲霓雨露

雷電霜雪

天文
星野
地理
風俗
物產
藝文
雜錄
澎湖紀畧卷之二

澎湖紀畧卷之一



嶺南胡建偉勉亭纂著

天文紀

星野

易曰仰以觀於天文俯以察於地理在天為分星  
 在地為分野此精氣之相通亦理之有可信者也  
 周禮保章氏以星土辨九州之地所封封域皆有  
 分星以觀祥妖夫九州既應星土則三百餘度皆  
 有驗何獨十二次乎又曰封域皆有分星則千八  
 百國與夫荒服海隅皆有屬何但十二國乎此古

今之所通疑也聞自漢初始隸職方後之疏星野者大都指禹貢維揚而以星紀之次屬之爲會稽域內云星紀者斗牛也古之言天者由斗牛以紀星故曰星紀紀爲十二次之首而斗牛女二十八宿之首也考星經云周天之數每星一度轄地一千四百六里有奇闕在會稽東南距揚州三千里已在分度一千四百六里之外計自揚州而南終斗歷牛至女凡前史所載史記天官書前漢天文志皆云屬牽牛婺女之分後漢郡國志云自斗十一度至婺女七度一名須女曰星紀之次于辰在

丑謂之赤奮若於律爲黃鐘斗建在子爲吳越分野晉天文志云自南斗十二度至須女七度爲星紀吳越分野屬揚州隋志亦以爲屬斗牛須女之分唐天文志云東南負海爲星紀負海者以其雲漢之陰也又云南斗牽牛星紀也初南斗九度餘千四十二秒十二太中南斗二十四度終女四度爲星紀之分古吳越及東南百粵之國南斗當雲漢下流當淮海間爲吳分牽牛去南河寢遠自豫章迄會稽踰嶺徼爲越分宋史天文志天市垣二星十四星東西藩各列十一星其東南垣第六星曰

吳越亦爲星紀之次元史歷志亦云起斗四度三十六分六十六秒外入吳越爲星紀之次明天文志以福建郡縣並屬斗牛之分明一統志又以爲屬斗牛女之分以及劉向蔡邕皇甫謐所謂統在斗牛女中者俱爲未得其詳也春秋元苞經云牽牛流爲揚州分爲越國范曄後漢志曰牽牛主吳唐僧一行以爲天下山河之象存乎兩戒北戒自三危至朝鮮是謂北紀爲胡門南戒自岷嶓至東甌閩中是謂南紀爲越門張守節又以牛女不專屬閩越據此則魏陳卓所云會稽入牛一度似可

類推蓋牽牛跨浙粵閩三省閩九郡西屆樵川北盡柘浦東抵長溪而清漳襟當嶺南距會稽不上數百里實在周天分度數一千四百六里之內卽謂九閩咸隸會稽牛一度也固宜以歷家仰儀之理推之則星紀在北而光燭於南其以吳越當之者從星紀之所燭也亦何疑南北相配之未協耶今閩越正從其所燭耳惟澎湖孤懸海中向屬荒島分野所屬未有指定無可考據隋開皇中遣虎賁陳稜畧地至澎湖三十六島其名始見元末置巡司迨明初隸泉州郡星土從泉

國朝平定鄭逆改隸臺灣郡說者謂臺灣海島之地不在九州之限按古四譯館因外彝來貢以外彝分方紀星臺灣原屬島彝其次爲鶉尾其宿爲翼其辰爲巳宋天文志云鶉尾在翼軫之交居南方七宿之末隨南極而半入海且臺灣背接呂宋右連日本其爲值翼九度無疑占驗家概以臺灣同彝島一體測驗謂呂宋居巽巳入翼十度日本在寅艮入軫八度臺灣與彼相接實爲翼九度也今澎湖改隸臺郡則星當爲翼不得從泉郡爲星紀之次也噫是說也則是籍可轉而星亦可移矣

豈通論哉僧一行曰郡縣有變山河無改星之與土精氣相屬不係方隅占測以山河爲限而不主於州國談理者推爲定論况星土自當以土占星計里道而推儘可得其確據也夫臺距呂宋水道七十更其去日本也水道亦七十更以每更六十里計之則四千二百里矣若臺至澎不過五更由澎至廈七更止矣是臺距泉郡僅七百二十里臺卽爲彝島亦在周天度數一千四百六里之內豈得據呂宋日本四千二百里之外而謂其爲翼九度也澎更密邇泉郡舊隸同安其分星係屬牛女

又何疑焉按此則臺郡宅東南其臺鳳諸彰四縣分野均屬牛女更無庸聚訟也夫黃帝堪輿之書後世無傳代有作者亦非古法而張衡所云風后經緯三辰及風后十三篇俱讖緯家臆說不足信從應以周禮爲斷可耳

### 氣候

三日一候五候一氣漸積而成歲功當寒而寒當暑而暑陰陽不忒風雨以時此天道之自然也然西北高燥東南卑濕氣候每因而轉移此四方之氣所以各殊焉澎湖僻處東南居大海之中地勢

最下其氣候不特與燕齊秦晉吳楚諸省懸殊卽與閩中內郡亦覺迥別閩中春則多雨澎則頻旱夏日西北風則有雨語云夏北風雨太公澎則北風無雨必待東南風方得有雨此兩暘氣候之不同也內郡中四季草木長青澎則自立春以至清明草芽不發至夏方生立秋以後草則漸黃更無花卉此生植之氣候不同也內郡春風融和夏日南薰溫煦秋日清肅天高氣爽最足宜人冬日北風雖寒亦無栗烈之威摧折之勢澎則春時東南風起入人腠理以致頭暈土人每以青布裹頭禦

之夏日則赤日炎蒸無高山樾蔭暑氣襲人與瘴  
厲相似土人多嚼檳榔以解之至秋則西風時作  
稍晴仍似夏日冬日雖無所寒然風聲水聲無日  
不聒耳甚至飛沙走石此寒暑之氣候不同也左  
傳曰天有六氣隆爲五味蓋氣候旣殊則飲食自  
別董子曰陰陽之氣常漸人者若水常漸魚也澹  
澹不可見耳凡物漸則變氣化之漸非直水也而  
人以治亂之氣相淆動無已時於是搖蕩失常徙  
其故跡矣夫暑之變寒也始於微涼積百八十一  
日而暑始盡寒之變暑亦然此積漸之驗也澎之

人其爲氣候之變者非其漸耶人自不覺耳殆亦  
如魚之在水或淡或鹹或清或濁惟其所際魚且  
如何哉又廣東志云嶺南陰少陽多故四時之氣  
關多於闔一歲間溫暑過半元府常開毛腠不掩  
每因汗溢卽致外邪蓋汗爲病之媒風爲汗之本  
二者一中寒瘧相乘其疾往往爲風淫又云盛夏  
士庶出入率以青布包頭蓋南風爲厲一侵陽明  
則病不可起余官斯土將及兩載驗其氣候畧與  
相彷彿云

風信

易通卦驗曰冬至廣漠風至立春條風至春分明  
庶風至立夏清明風至夏至景風至立秋涼風至  
秋分閭闔風至立冬不周風至八風以時至則陰  
陽變化之道成萬物得以生育王者順八風以行  
八政當八卦也風之有信豈非天道之常哉惟澎  
湖風信不惟與內地不同亦與他海迥異周歲獨  
春夏風信稍平可以種植然有風之日已十居其  
五矣一交秋分直至冬底則無日無風其不沸海  
覆舟斯亦幸矣臺志云風之大而烈爲颶又甚者  
爲颶颶則倏發倏止颶常連日夜其正二三四月

發者爲颶五六月發者爲颶九月則北風初  
烈或至連月爲九降過洋以二四八十月爲穩二  
四月少颶八月秋中十月小春天氣多暖故也然  
以余官此兩載丙年八月十八覆敗多船丁年八  
月自初二日起風直至月杪皆烈中間稍靜者不  
過三兩日耳則八月中秋之說未敢盡信也惟二  
月渡洋最爲第一凡事得之耳聞不如得之親見  
此類是也凡六月多颶九月多九降颶颶俱多挾  
雨而來九降多無雨而風至於颶風將至則天邊  
斷虹先見一片如船帆者曰破帆稍及半天如鰲

尾者曰屈鬻稗海紀遊云颶之尤甚者曰颶颶無定期必與大雨同至至必拔木壞垣飄瓦裂石久而愈勁舟雖灣泊常至齏粉海上人甚畏之惟得雷聲卽止占颶風者每視風向反常爲戒如夏月應南而北秋冬與春應北而反南三月二十三日媽祖颶後應南風白露後至三月皆應北風惟七月北風多主颶旋必成颶幸其至也漸人得早避之或曰風四面皆至曰颶不知颶雖暴無四方齊至理譬如北風颶必轉而東東而南南又轉西或一二日或二五七日不四面轉徧不止是四面遞至非四面並至也颶驟而禍輕颶緩而禍

久且烈春風畏始冬風慮終又非常之風常在七月而海上鱗介諸物遊翔水面亦風兆也海外紀畧云颶風乃天地之氣交逆地鼓氣而海沸天風烈而雨飄故沉舟傾檣若海不先沸天風雖烈海舟順風而馳同鯤鵬之徒耳六月有雷則無颶諺云六月有雷止三颶七月一雷九颶來澎湖灣船之澳有南風北風之別時當南風悞灣北風澳時當北風悞灣南風澳則舟必壞癸亥興師正當盛夏南風大作之候僞都督劉國軒將戰艦盡泊南風澳時我師到澎舟盡悞泊北風澳國軒得計可

謂不戰而勝也豈知天眷忽北風大作我師舟楫無損而僞敵連踪覆沒因得乘時進攻克取澎湖

風暴日期開列于左

正月初三日真人暴 初四日接神暴 初九日

玉皇暴是日有暴則各暴皆驗否則至期或有

或無靡所準也 十三日劉將軍暴 十五日

上元暴 二十四日小妾暴 二十八日洗炊

籠暴 二十九日烏狗暴又云龍神會

凡正月初三日初八日十一日二十五日月

晦日皆龍會日主風

二月初二日白鬚暴 初七日春明暴 初八日

張大帝暴 十七日馬和尚渡江暴 十八日

達摩渡江暴 十九日觀音暴 二十五日龍

神朝天暴一云是二十九日

凡二月初三日初九日十二日皆龍神朝上

帝之日

三月初三日元帝暴 初七日閻王暴 十五日

真人暴又名真君暴 十八日后土暴 二十

三日媽祖暴真人多風媽祖多雨 二十八日

東嶽暴又曰諸神朝天暴

凡三月初三日初七日二十七日皆龍神朝  
星辰之日

四月初一日白龍暴 初八日佛子暴又云太子  
暴 十三日太保暴 十四日純陽暴 二十  
三日又云太保暴 二十五日龍神太白暴  
凡四月初八日十二日十七日皆龍神會太  
白之日

五月初一日南極暴 初五日係大暴名屈原暴  
初七日朱太尉暴 十三日關帝暴 十六  
日天地暴 二十一日龍母暴 二十九日威

顯暴

凡五月初五日十一日二十九日皆天帝龍  
王朝玉帝之日

六月初六日崔將軍暴 十二日彭祖暴 十八  
日彭婆暴 十九日觀音暴 二十三日小姨  
暴 二十四日雷公暴此暴最狠又最准 二  
十六日二郎神暴 二十八日大姨暴 二十  
九日文丞相暴

凡六月初九日二十九日皆地神龍王朝玉  
帝之日

七月初七日乞巧暴 初八日神煞交會暴又云

十八日 十五日中元暴 十八日王母暴

二十一日普庵暴

凡七月初七日初九日十五日二十七日皆神煞交會之日 又六月多主颶海上人謂

六月防初七月防半雖未必盡然有時而驗

八月初一日竈君暴 初四日伽藍暴 初五日

九皇暴又係大暴旬 十四日伽藍暴 十五

日魁星暴 二十一日龍神大會暴

凡八月初三日初八日二十七日皆龍王大

會之日

九月初九日重陽暴 十六日張良暴 十七日

金龍暴又云冷風信 十九日觀音暴 二十

七日冷風暴

凡九月十一日十五日十九日皆龍神朝玉

帝之日 又九月自寒露至立冬止常乍晴

乍陰風雨不時謂之九降又曰九月烏

十月初五日風信暴又名朔風信 初六日天曹

暴 初十日水仙王暴 十五日下午元暴 二十

十日東嶽朝天暴 二十五日雪棲暴 二十

六日翁爹暴

凡十月初八日十五日二十七日皆東府君朝玉皇之日

十一月十四日水仙暴 二十七日普庵暴 二十九日西嶽朝天暴

凡十一月時朔風司令無日無風然而南風盡絕凡背北處皆可泊船

十二月初八日臘八暴 二十四日送神暴 二十九日火盆暴

凡十二月自二十四日至二十九日凡有南

風則應來年如二十四日則應四月二十五日則應五月二十九日則應九月俱不差爽大凡遇風暴日期不在本日則在前後三日之中又箕壁翼軫四宿亦主風皆當謹避之

澎臺之風與內地相反而適相宜者內地多早西晚東惟澎臺之風則早東午西名曰發海西四時皆然臺灣船隻來澎湖必得東風方可揚帆出鹿耳門澎湖船隻往臺必得西風纔可進港設早西晚東則來澎船過日中始能放洋去臺船隻昏暮不能進口此風信有天造地設之奇也

日月

易曰懸象著明莫大乎日月傳曰日月所照蓋言  
明照四方無遠弗届無處弗周也然而日暄月皎  
在澎地蓋亦有不同焉者如冬日可愛夏日可畏  
此日之恒也澎則冬日多風日不着地負背不溫  
夏日則砂磧一片熱晒如火又無高山峻阜林木  
陰蔽行人喘息甚於吳牛此爍石流金所以過於  
內地也然時當子夜銀濤浴日遙望東海紅光璀  
燦雲霞繚繞日如車輪載沉載浮波瀾隱躍是亦  
一竒觀也至於月有謂澎湖月色分外獨明者非

也夫澎湖撮土孤懸巨海之中如鷗鳥泛泛四面  
八方汪洋萬頃月爲水之精水爲月之魄上天下  
水瀕瀕洞洞月與水相盪摩人在其間如蟻行鏡  
面爲光芒所觸故覺獨明耳余于丙歲中秋之夕  
曾駕扁舟泛海觀月水天相連茫無涯涘滄波鱗  
映莫名其狀所謂琉璃殿宇瓊瑤宮闕者其在斯  
乎吾不得而知也若夫內郡當月色正濃之候散  
步林間花篩蟾影風送香來又別有一種幽致也  
豈澎島之不若哉

雲霓雨露

記曰天將時雨山川出雲今海上無時無雲雖濃雲黓黓但有雲脚可見必不雨雲脚者如畫家繪水口石其下橫染一筆爲水石之界者是也無脚之雲如畫遠山但見山頭不見所止至日出有雲蔽之辰刻後雲漸散必大晴日初出卽開朗是日必不晴暑月久晴則不拘也如日落時西方有雲氣橫亘天上或作數十縷各不相屬日從雲隙中度過是謂日穿經緯來日大晴或雲色一片相連其中但有一二點空竇得現紅色是謂金烏展晴亦主晴又日落時西方雲色黯淡一片如墨全無

罅竇又不見雲脚者主來日雨若雲色濃厚當夜必雨若昧爽時雨俗云開門雨是日必晴諺云雨灑鷄啼候行人不用憂若已飯時雨是日必主久雨竟夕又雲蓋山頭定主雨久雨後暫止猶見細雨如霧縱令開朗旋卽雨至俗云雨前濛濛雨不終雨後濛雨不晴久雨忽見星月必尚有大雨久雨後近晚遍天紅色來日便晴俗云火燒薄暮天者是也若夫虹霓則宋務光有曰虹霓紛錯陰陽之沴也爾雅云凡虹雙出色鮮者爲雄闇者爲雌詩曰朝濟於西崇朝其雨朱子註云雨久而晚見

於東則晴晴久而早見於西則雨諺曰東鸞日頭西鸞雨又斷頭虹不相連者俗名爲破篷又名颯母見於東方來日不免大風雨此皆虹霓致雨之驗也然澎地多風少雨雲霓之兆固亦有難卜焉者論五風十雨之常每歲以三十六雨爲均調澎地則無需於此自二月中旬起至八月底止得均調透雨十次卽爲豐年蓋澎湖自八月秋分以後卽無日無風不能種植晚收故雨水至此而足用也至於露乃陰陽之盛氣亦能滋長百物當雨水稀少之時得露以潤澤之自不致旱乾之苦臺灣則露如小雨十分濃沃是以彼處高岡尚可栽植澎地之露甚微少沾濡之功求所謂湛湛露斯匪陽不晞者則何有焉

### 雷電霜雪

張衡云豐隆軒其震霆列缺曄其照夜豐隆者雷神列缺者電神也蓋有雷必有電或雷先而電後或雷後而電先或雷電交作正楊雄所稱霹靂列缺吐火施鞭者是也乃神仙傳以爲天公與玉女投壺天爲之笑則電不亦誕乎總之雷出地奮雷聲之疾綏視乎地氣之厚薄凡地氣厚者雷聲則

海濱紀畧 卷一  
三  
緩薄則疾澎湖當大海之中地氣最薄而絕無轟  
烈之聲卽電光飛閃亦無內郡火蛇滾地之威此  
雷電之異也若夫陰陽之氣結而爲霜凝而爲雪  
詩曰蒹葭蒼蒼白露爲霜又曰上天同雲雨雪雰  
雰澎之人雖云所已聞實見所未見也况乎柳絮  
因風花飛六出此種逸韻風流極雅人深致亦烏  
能慨想而得之也哉

澎湖紀畧卷之一終

澎湖紀畧卷之二

地理紀目錄

建置

形勝

海道

潮信

潮圖說

島嶼

城池

公署

澎湖紀畧

署制

澳社

廟祀

街市

井泉

遊覽

藝文

賦役

雜錄

澎湖紀畧卷之二

嶺南胡建偉勉亭纂著

地理紀

建置

澎湖在閩省東南大海之中距會城水陸程途一

千二十里

陸程自閩縣至同安縣五百四十里自同安至廈門水陸程六十里自廈門至

澎湖水程七更以六十里為一更計之則四百二十里

為古荒服之地也自隋

開皇中遣虎賁將陳稜畧地至澎湖其名始見於

中國迨元末時始置巡檢司以官斯地隸屬泉州

郡同安縣治此建置之所自始也明洪武五年信

國公湯和經畧海上以澎島居民叛服靡常因盡徙歸內郡置于漳泉之間廢巡檢而墟其地繼而不逞之徒復潛聚其中倭奴往來停泊取水亦必經此窺伺嘉隆間曾一本嘯聚爲寇天啟元年海寇顏思齊亦竊踞焉思齊以澎湖地狹不足以逞狂謀因引倭奴剽掠海上并有臺灣之地以爲巢穴臺灣之有內郡人民實自思齊始時鄭芝龍弟芝虎亦爲海寇依附思齊後思齊死賊衆遂擁立芝龍爲賊首鄭氏遂有澎臺之地焉崇正元年九月鄭芝龍率所部降于督師熊文燦然猶遷延海

### 上迨

國朝順治三年丙戌秋八月平閩鄭芝龍乃就撫歸降將澎臺之地稅與紅夷此紅夷有澎臺之所自也舊云紅夷借居給得一牛皮之地者非也順治七年芝龍子鄭成功自江南敗歸遂襲澎湖乘潮水漲大進鹿耳門據安平城紅夷以死拒成功告以此地乃先人之業應歸于我財物仍聽爾載歸紅夷乃遁去僞鄭置澎湖安撫司踞有三世康熙二十三年六月靖海侯施琅率舟師由銅山直抵澎湖並克臺郡僞鄭投誠澎湖遂改隸臺郡臺

灣縣屬焉

形勝

易曰王公設險以守其國澎湖屹峙巨浸之中幅員不過百里而島嶼森列巨細相間砂線廻環坡隴相望古稱長江天塹不足以喻其險也昔鄭成功竊之而喘延三世朱一貴失之而六日可平此其大較也方輿紀要云海島嶼最險要而紆廻則莫如澎湖蓋其山周回委折險口不得方舟內溪可容千艘非熟悉水道者稍差一線舟船則立爲齏粉且與海壇南灣夙稱海外三山爲全閩喉

咽然占形勢者則以澎湖爲最云誠以澎湖西則控制金廈爲犄角之聲援東則屏蔽臺灣居上游之扼要北而薊遼江浙南而琼州交趾以至日本呂宋諸番莫不四達在在可通故漳州志云澎湖島北起北山南盡八罩北山龍門港丁字門西與頭倭所必由爲最要地媽宮湧嵗裡湧爲次要地春汛冬汛浯銅二寨分兵爲聲援防守是澎湖實爲東南半壁之鎖鑰也烏得以黑子彈丸而輕之也哉

海道

自澎湖航海西至廈門水程七更東至臺灣鹿耳門水程五更志約六十里爲一更然亦無據也樵書二編云更也者一日一夜定爲十更以焚香幾枝爲度船在大洋風潮有順逆行駛有遲速水程難辨以木片於船首投海中人從船首速行至尾木片與人行齊至則更數方准若人行至船尾而木片未至則爲不上更或木片反先人至船尾則爲過更皆不合更也舟子各洋皆有秘本云係明王三保所遺名曰洋更凡厦船來臺必以澎湖爲關津從西嶼入或寄泊嵵裡或媽宮或八罩然後

渡東吉洋凡五更至臺灣入鹿耳門行舟者皆以北極星爲準黑夜無星則以指南車按定子午格巽向而行倘或子午稍錯南犯呂宋或暹羅或交趾北則飄蕩莫知所之此入臺者平險遠近之海道也放洋全以指南針爲信認定方向隨波上下曰針路船由浯嶼或大寮門放洋用羅經向巽已行總以風信計水程遲速望見澎湖西嶼猫嶼花嶼可進若過黑水溝計程應至澎湖而諸嶼不見定失所向仍收泊原處候風信由澎湖至臺灣向巽方行近鹿耳門隙仔風日晴和可以泊舟若爲東

風所逆不得入而門外鐵板沙又不可泊勢必仍返澎湖若遇月黑莫辨島嶼又不得不重回廈門以待天明者往往有之矣海上不得順風尺寸爲艱然海風無定亦不一例常有兩舟並行一變而此順彼逆禍福之所攸分也渡洋舟楫固畏逆風又甚畏無風大海無搖櫓撥棹之理千里萬里祇藉一帆風耳自大壘放洋後初渡紅水溝再渡黑水溝澎湖海道惟黑水溝最險自北南流不知源出何所海水正碧溝水獨黑如墨勢又稍窪故謂之溝廣約百里湍流迅駛時覺腥穢襲人又有紅

黑間道蛇及兩頭蛇繞船遊泳舟師時時以楮鏹投之屏息喘喘懼或順流而南不知所之耳紅水溝不甚險人頗泄視之然二溝在大洋中風濤鼓蕩與綠水終古不淆理亦難明渡溝良久聞鈺鼓作舷間舟師來告望見澎湖矣登鷓尾高處凭眺祇覺天際微雲一抹如綫徘徊四顧天水相連一舟蕩漾若織埃在明鏡之中也至于獨坐舷際時近初更皎月未上水波不動星光滿天與波底明星相映上下兩天合成圓器身處其中遂覺宇宙皆寬若海上黑夜不見一物則擊水以視一擊而

水光飛濺如明珠十斛傾撒水面晶光熒熒良久始滅亦一奇觀也哉又大海洪波止分順逆凡往異域船皆順勢而行惟自厦往臺藏岸七百里號曰橫洋經紅黑溝驚濤鼎沸險冠諸海外海見聞錄云黑溝東順流七百里卽爲弱水昔有閩船飄至弱水之東閱十有二年始得還鄉續文獻通考又云水至澎湖漸低近琉球謂之落漈漈者水趨下而不回也凡西岸漁舟到澎湖以下遇颶風發漂流落漈回者百無二返焉放洋時離澎湖水自深碧轉爲淡黑回望澎湖諸島猶隱隱可見頃之漸

入烟雲之外前望臺灣之山已在隱現間更進水變爲淡藍轉而爲白而臺灣山巒畢陳目前矣凡船隻到澎湖寄棹停泊者當南風時四五六七八月必于八罩將軍澳停泊北風時九月至三月底必于西嶼頭內外塹灣泊一有錯悞船卽不可保矣惟媽宮一灣無論南風北風俱可泊船凡放洋不見飛鳥則漸至大洋若近島嶼則先見白鳥飛翔舟人以此爲得岸之驗也又海吼俗名海叫小叫如擊花鞞鼓點點作撒豆聲乍遠乍近若斷若續臨流聽之殊有成連鼓琴之致焉大吼如萬

馬奔騰鉦鼓響震三峽崩流萬鼎共沸惟錢塘八月怒潮差可彷彿觸耳駭愕余嘗臨海岸俯瞰溟渤而靜淥淵渟曾無波潏不知聲之從何出也然遠海雲氣已漸興風雨不旋踵至矣海上人習聞不怪曰是雨徵也若冬月吼常不雨多主風焉

### 潮信

邵子曰海潮者地之喘息也所以應月者從其類也余襄公海潮圖序云月臨卯酉則潮長乎東西月臨子午則潮平于南北一月則潮盛于朔望之後一歲則潮盛于春秋之中春夏晝潮常大秋冬

夜潮常大蓋歲之春秋猶月之有朔望天地之常數也此潮之消息乃係月之進退非因地之浮沉也張子之意以天包水水承地地承天水與天氣相為升降氣升而地沉則海溢上而為潮氣降而地浮則海水縮而為汐然張子驗氣之升降非論潮也按以月論潮此先儒一心寔通天地乃能理透根宗而發此至論也蓋月屬陰水之象也以陰類推之潮應于月自是鐵板道理澎湖地盡東海地而既東則月常早上十七八夜月臨卯酉僅在初昏故潮水長退視他處亦較早焉通志載同厦

初一十六潮滿子午而盡竭于卯酉初八二十三潮滿卯酉而盡竭于子午臺灣則初一十六潮滿已亥而盡竭于寅申初八二十三潮滿寅申而盡竭于巳亥是臺灣之潮較同廈早一個時候矣澎湖之潮亦與臺灣同時但臺灣初一日滿于巳初三刻十六日滿于亥初三刻初八日滿于申初一刻二十三日滿于寅初一刻澎湖則初一日滿于巳正二刻十六日滿于亥正二刻初八日滿于申正初刻二十三日滿于寅正初刻澎湖之潮與臺廈相較遲臺灣三刻早廈門五刻此澎湖之潮信也至通志稱臺郡南北亦有不同處半線以下潮流過北汊流過南與澎湖同半線以上則潮流過南汊流過北相反如此余未至半線其與澎湖同否則姑以俟之可耳慣海道者狎知潮候據其上游方無虞也

# 澎湖潮

初七月初一刻滿  
初八日正初刻滿  
初九日正一刻滿

申

初十月初一刻滿  
十一日正三刻滿

酉

十二月初二刻滿  
十三日正一刻滿

戌

十四日初初刻滿  
十五日初二刻滿  
十六日正二刻滿

亥

十二月初二刻長  
十三日正一刻長

十四日初初刻長  
十五日初二刻長  
十六日正二刻長

十七日初一刻長  
十八日正一刻長  
十九日正三刻長

二十日初二刻長  
廿一日正一刻長

初五月初二刻滿  
初六日正一刻滿

澎湖之潮早於廈門  
五刻遲於臺灣三刻

十七日初一刻滿  
十八日正一刻滿  
十九日正三刻滿

未

按圖查考即得潮信

子

初十月初一刻長  
十一日正三刻長

時刻毫不差爽今圖

廿二月初一刻長  
廿三日正初刻長  
廿四日正二刻長

初一日初一刻滿  
初二日正一刻滿  
初三日正二刻滿  
初四日正三刻滿

內僅列潮長至滿而

二十日初一刻滿  
廿一日正一刻滿

午

已至於潮退潮涸以  
及汝之長消俱可按

丑

初七月初一刻長  
初八日正初刻長  
初九日正二刻長

圖推算而得之也

廿五月初一刻長  
廿六日正三刻長

初一日正二刻滿  
廿九日初初刻滿  
三十日初二刻滿

廿七月初二刻滿  
廿八日正一刻滿

廿五月初初刻滿  
廿六日正三刻滿

廿二日初一刻滿  
廿三日正初刻滿  
廿四日正二刻滿

巳

辰

卯

寅

初五月初一刻長  
初六日正二刻長

初二日初一刻長  
初三日正二刻長  
初四日正三刻長

初一日正二刻長  
廿九日初初刻長  
三十日初二刻長

廿七月初二刻長  
廿八日正一刻長

# 信之圖

圖說

類篇云海濤早曰潮夕曰汐每日十二時分爲兩潮早潮則三時滿三時涸汐亦三時滿三時涸此一日潮汐歷十二時而周也然世人率云早潮晚潮而不言汐者以汐統于潮也按圖而稽由初長而至滿由始退而至涸循環考索自無遺義此乃天地之盈虛消息理之自然者也至于圖內所定總以二八月朔望爲準以其時當春分秋分晝夜均平並無盈縮而潮痕則豎標于海以占長落準以時刻毫髮不爽焉爰將每日潮信時刻開列于

後俾得一目瞭然云

初一日潮初長於卯正二刻歷辰至巳正二刻而滿退于午歷未至申正二刻而涸再長於酉正二刻歷戌至亥正二刻而滿退於子歷丑至寅正二刻而涸

初二日潮初長於辰初一刻歷巳至午初一刻而滿退於未歷申至酉初一刻而涸再長於戌初一刻歷亥至子初一刻而滿退於丑歷寅至卯初一刻而涸

初三日潮初長於辰正一刻歷巳至午正一刻而

滿退於未歷申至酉正一刻而涸 再長於戌  
正一刻歷亥至子正一刻而滿退於丑歷寅至  
卯正一刻而涸

初四日潮初長於辰正三刻歷巳至午正三刻而  
滿退於未歷申至酉正三刻而涸 再長於戌  
正三刻歷亥至子正三刻而滿退於丑歷寅至  
卯正三刻而涸

初五日潮初長於巳初二刻歷午至未初二刻而  
滿退於申歷酉至戌初二刻而涸 再長於亥  
初二刻歷子至丑初二刻而滿退於寅歷卯至

辰初二刻而涸

初六日潮初長於巳正一刻歷午至未正一刻而  
滿退於申歷酉至戌正一刻而涸 再長於亥  
正一刻歷子至丑正一刻而滿退於寅歷卯至  
辰正一刻而涸

初七日潮初長於午初一刻歷未至申初一刻而  
滿退於酉歷戌至亥初一刻而涸 再長於子  
初一刻歷丑至寅初一刻而滿退於卯歷辰至  
巳初一刻而涸

初八日潮初長於午正初刻歷未至申正初刻而

滿退於酉歷戌至亥正初刻而涸 再長於子  
正初刻歷丑至寅正初刻而滿退於卯歷辰至  
巳正初刻而涸

初九日潮初長於午正二刻歷未至申正二刻而  
滿退於酉歷戌至亥正二刻而涸 再長於子  
正二刻歷丑至寅正二刻而滿退於卯歷辰至  
巳正二刻而涸

初十日潮初長於未初一刻歷申至酉初一刻而  
滿退於戌歷亥至子初一刻而涸 再長於丑  
初一刻歷寅至卯初一刻而滿退於辰歷巳至

午初一刻而涸

十一日潮初長於未正初刻歷申至酉正初刻而  
滿退於戌歷亥至子正初刻而涸 再長於丑  
正初刻歷寅至卯正初刻而滿退於辰歷巳至  
午正初刻而涸

十二日潮初長於申初二刻歷酉至戌初二刻而  
滿退於亥歷子至丑初二刻而涸 再長於寅  
初二刻歷卯至辰初二刻而滿退於巳歷午至  
未初二刻而涸

十三日潮初長於申正一刻歷酉至戌正一刻而

滿退於亥歷子至丑正一刻而涸 再長於寅  
正一刻歷卯至辰正一刻而滿退于巳歷午至  
未正一刻而涸

十四日潮初長於酉初初刻歷戌至亥初初刻而  
滿退於子歷丑至寅初初刻而涸 再長于卯  
初初刻歷辰至巳初初刻而滿退于午歷未至  
申初初刻而涸

十五日潮初長于酉初二刻歷戌至亥初二刻而  
滿退於子歷丑至寅初二刻而涸 再長於卯  
初二刻歷辰至巳初二刻而滿退于午歷未至

申初二刻而涸

十六日潮初長於酉正二刻歷戌至亥正二刻而  
滿退於子歷丑至寅正二刻而涸 再長於卯  
正二刻歷辰至巳正二刻而滿退于午歷未至  
申正二刻而涸

十七日潮初長於戌初一刻歷亥至子初一刻而  
滿退於丑歷寅至卯初一刻而涸 再長於辰  
初一刻歷巳至午初一刻而滿退于未歷申至  
酉初一刻而涸

十八日潮初長於戌正一刻歷亥至子正一刻而

滿退於丑歷寅至卯正一刻而涸 再長於辰  
正一刻歷巳至午正一刻而滿退于未歷申至  
酉正一刻而涸

十九日潮初長於戌正三刻歷亥至子正三刻而  
滿退於丑歷寅至卯正三刻而涸 再長于辰  
正三刻歷巳至午正三刻而滿退于未歷申至  
酉正三刻而涸

二十日潮初長于亥初二刻歷子至丑初二刻而  
滿退於寅歷卯至辰初二刻而涸 再長于巳  
初二刻歷午至未初二刻而滿退于申歷酉至

戌初二刻而涸

二十一日初長于亥正一刻歷子至丑正一刻而  
滿退于寅歷卯至辰正一刻而涸 再長于巳  
正一刻歷午至未正一刻而滿退于申歷酉至  
戌正一刻而涸

二十二日初長于子初一刻歷丑至寅初一刻而  
滿退于卯歷辰至巳初一刻而涸 再長于午  
初一刻歷未至申初一刻而滿退于酉歷戌至  
亥初一刻而涸

二十三日初長於子正初刻歷丑至寅正初刻而

滿退于卯歷辰至巳正初刻而涸 再長于午  
正初刻歷未至申正初刻而滿退于酉歷戌至  
亥正初刻而涸  
二十四日初長於子正二刻歷丑至寅正二刻而  
滿退于卯歷辰至巳正二刻而涸 再長于午  
正二刻歷未至申正二刻而滿退于酉歷戌至  
亥正二刻而涸  
二十五日初長于丑初一刻歷寅至卯初一刻而  
滿退于辰歷巳至午初一刻而涸 再長於未  
初一刻歷申至酉初一刻而滿退于戌歷亥至

子初一刻而涸  
二十六日初長于丑正三刻歷寅至卯正三刻而  
滿退于辰歷巳至午正三刻而涸 再長於未  
正三刻歷申至酉正三刻而滿退于戌歷亥至  
子正三刻而涸  
二十七日初長于寅初二刻歷卯至辰初二刻而  
滿退于巳歷午至未初二刻而涸 再長於申  
初二刻歷酉至戌初二刻而滿退于亥歷子至  
丑初二刻而涸  
二十八日初長于寅正一刻歷卯至辰正一刻而

滿退于巳歷午至未正一刻而涸 再長于申  
正一刻歷酉至戌正一刻而滿退于亥歷子至  
丑正一刻而涸  
二十九日初長于卯初初刻歷辰至巳初初刻而  
滿退于午歷未至申初初刻而涸 再長于酉  
初初刻歷戌至亥初初刻而滿退于子歷丑至  
寅初初刻而涸  
三十日初長于卯初二刻歷辰至巳初二刻而滿  
退于午歷未至申初二刻而涸 再長于酉初  
二刻歷戌至亥初二刻而滿退于子歷丑至寅

初二刻而涸

島嶼

澎湖之有島嶼猶他郡之有岡巒也凡岡巒必識  
其主從起伏去來盤結之勢然後地方之險易可  
得而知也澎之諸嶼錯落于巨浸之間若鷗鳧泛  
泛似無主從盤結之形矣不知以大山嶼居中爲  
主南有八罩北有吉貝東有陰陽諸嶼西則西嶼  
環抱兼之四隅星布踈密相間大小相維層層從  
衛以至于水口沙線左縈右拂又爲諸島之錯節  
盤根僞鄭峙于諸嶼之上俱設砲臺守禦靖海侯

嘆其堅如鐵桶者此也由海道者必問島嶼蓋不特得往來之標的且知某嶼有某處可以進舟某嶼某處有明礁暗礁不惟不可以進且不可以泊如出入八罩必知船路礁之險水口僅容一舟稍一差失卽長年三老不能保其舟之不破也吉貝之北礁藏沙一片形勢屈折如吉字遇有風潮不順悞入其中百無一全者矣由吼門出入則大烈小烈之宜慎此其大槩也凡澎湖之嶼嶼脚俱有礁石商船戰艦俱不可近泊惟本地小漁船始可灣停此又諸嶼之所同也况澎海洋大而山低水

急而流廻島嶼蜿蜒非十分諳熟者不敢掉至海防志謂澎湖三十六島如排衙此亦畧舉其概而已蓋不止此也以今考之寔五十有五焉天數二十有五地數三十合五十有五而備天地之全數此澎湖所以爲天造地設之險也哉董應舉云志冊山川率多訛舛蓋紙上山水與地上山水有互異焉不可謂翔寔矣誠以凡修志乘者皆未目觀身履盡屬傳聞耳食故耳余于通志臺志所載澎湖島嶼方隅形勢之異者悉爲更正焉庶觀者可以卧遊而得之也

在澎湖之中者則為大山嶼  
五澳幅員約有百里

大山嶼之

東 陽嶼 距廳治水程三十里  
陰嶼 距廳治水程三十里  
二嶼平分一水

香爐嶼 距廳治水程三十里  
鷄膳嶼 距廳治水程三十五里

鼓架礁嶼 距廳治水程四十里  
椗鈎嶼 距廳治水程四十五里

東北 長岸礁嶼 距廳治水程一十九里  
灣貝嶼 距廳治水程二

雁淨嶼 距廳治水程二十里  
藍笨嶼 距廳治水程三十里

屈爪嶼 距廳治水程三十里  
烏嶼 距廳治水程四十里  
白沙仔

嶼 距廳治水程四十五里

北 大倉仔嶼 距廳治水程一十八里  
涼繖礁嶼 距廳治水程一

中整嶼 有民居距廳治水程二十里  
北山嶼 有民居中

分四澳距廳治水程三十里  
金嶼 距廳治水程三十五里  
險礁嶼 距

治水程四十里  
土地公嶼 距廳治水程四十里  
吉貝嶼 內有民居

乃廳治極北之地  
北礁 此礁非嶼也乃半沉半地水程八十里  
浮隱躍水面沙線屈曲

形如吉字一目未了最為險要水程一百里

西北 大烈嶼 距廳治水程三十五里  
小烈嶼 距廳治水程三十五里

里二分一水  
吼門 此沉水礁也在大烈小烈二嶼之中船隻出入經此最為

空壳嶼 距廳治水程三十六里  
北鐵砧嶼 距廳治水程四

姑婆嶼 距廳治水程五十里  
目嶼 距廳治水程六十里

里十

西 師公礁嶼 距廳治水 牛心灣嶼 距廳治水

里 西嶼 內有民居中分十社凡臺厦往來船 查船汎口距廳治水三十里 武 小門嶼 在西嶼之西北

嶼之內塹外塹二處係文武 雞籠嶼 距廳治水一十五里

距廳治水程 三十五里

西南 四角仔嶼 嶼乃大山嶼水口形象以為印 來往媽宮船隻俱從此 浮水面宜築文塔于其上云凡

進出距廳治水程十里

花嶼 距廳治水 草嶼 距廳治水程七十里 通志云澎湖諸嶼惟

二嶼菁葱故 大猫嶼 距廳治水 小猫嶼 與

以花草名焉 猫嶼斜對中分一水 距廳治水八十五里

南 虎井嶼 距廳治水程 桶盤嶼 二嶼東西平 距廳治水

程四十 沙狗嶼 距廳治水程 馬鞍嶼 距廳

五里 船路礁嶼 一名布袋嶼凡臺厦往來 出海口僅容一舟最為險 船隻入八罩者必由此進

五里 隘距廳治水程七十里 金雞嶼 距廳治水

挽門嶼 內有民居即八罩水坡 將軍嶼 內

民居即八罩網坡灣乃係南風時泊船之處與 挽門嶼東西平分中隔一水船蓬嶼即在此與

之後本同一嶼並非兩嶼 鐘仔嶼 其形如鐘

也距廳治水程八十里

程九 頭巾嶼 距廳治水 南鐵砧嶼 距廳治

十里 南嶼 即南天嶼廣袤三十里原有民居後 地距廳治水程

一百四十里

東南 東嶼坪 距廳治水 西嶼坪 二嶼平分對

峙奉禁不許

民人放牧并搭寮採捕亦防鞭  
長莫及也距廳治水程七十  
東吉嶼距廳

程一百  
西吉嶼二嶼平分中隔一水凡厦來  
船隻入臺灣者皆以此二嶼

為標準距廳治水  
程一百二十里  
鋤頭增嶼嶼在東西吉之  
中距廳治水程

一百二十里

右所列五十五嶼有主有從有朝有對如排衙如  
執戟如落鴈羣如布碁局外則巨海包羅中則支  
流穿插真化工點染天然圖畫而為海表之勝槩  
也又形家云大山嶼形如蓮花其餘四面八方諸  
嶼則荷葉田田者是也以形象觀之說亦近似有  
理焉至各嶼里數先後俱由大山嶼自近及遠並

無凌躡參差

城池

澎湖本無城也臺灣志載澎湖城乃康熙五十六  
年總督覺羅滿保巡撫陳瓚布政司沙木哈建大  
書特書如是豈志亦有誤耶大約其時建議後不  
果行作志者不察而書之耳不知澎湖以大山嶼  
為主四面八方島嶼羅列水道紆迴此無形之金  
湯也奚必高樓雉堞重門擊柝濬隍墮塹始足為  
固哉稽之舊志又有載暗澳城係明嘉靖四十二  
年都督俞大猷建以備征流寇林道乾為駐師之

所一事暗湧卽今之文湧廳署在焉然問所謂暗  
湧城者則居人之耆艾者亦不知其基址之在于  
何處也蓋世遠年湮存而不論闕疑焉可也惟廳  
治迤西二里許有紅毛城廢址一處周圍一百二  
十丈舊傳爲紅夷所築云媽宮湧之西逼近海岸  
有小城一區名曰新城不知築自何年并爲何人  
所建周圍僅及百丈中無民居惟澎協設兵更番  
戍守于此今名爲新城汎奎璧湧有社名大城者  
相傳亦云紅毛時築城于山頂之上以爲瞭望之  
所今城址亦頽廢無存居人但指其地而云然耳

瓦硎湧亦傳有紅毛銃城一處址亦無存此則澎  
湖之所謂城也澎湖蓋無城也至于池則大海周  
環于外汪洋萬頃內而港汊支流之玄曲折層層  
繚繞兼之砂線礁石嶙峋布伏齒齒凌盡皆險  
要楚人以漢水爲池豈能方其萬一也哉

### 公署

魯語曰署位之表也雖職有崇卑秩有厚薄莫不  
有署以爲出而治事入而退思之地此署之所由  
設也而必繫之以公者何也詩曰委蛇委蛇退食  
自公又曰敬爾在公故曰公也至于創建必書繕

葺必書或增或廓亦必書者亦公也蓋以官之遷徙無常代替不一謀其政乃居是位與一家之經紀異矣是公者又別乎私而言之也故凡一言之出一令之行要有易直子諒之意以流溢于文誥之間毋居上以凌下毋挾勢以賁民俾托吾宇者悉有家人父子之誼斯可以爲民表而無愧乎署之爲官表也澎湖廳署乃巡檢之舊署也自雍正五年改設廳治遂將舊署畧加式廓而大局規模並未革故而鼎新焉嗣是歷任雖有修飾亦不過因仍故轍而已至乾隆三十一年余抵任之後缺者補之圯者修之置宅門以分內外復柵欄以肅觀瞻而體制斯畧備焉居是署者其可不恪供厥職公爾忘私顧名而思義乎

### 署制

署之中則爲大堂三間六柱廣三丈五尺深稱之前有鞏蓬後有板障獨無暖閣大堂之前東西科房各三間前爲儀門儀門之前爲頭門頭門之前爲照牆照牆之內豎旗杆二枝節朔陞旗左右翼以柵欄東額曰海邦駐節西額曰澤國分藩乾隆三十一年余捐廉修復大堂之後爲宅門東房二

間西房一間以為司閽所居自此上下辨而內外

始肅焉亦余三十一年捐建宅門內為路亭亦余三十一年捐建路亭

之上為二堂三間堂有匾額曰居敬前廳周于仁題二堂

之後為路亭亦余三十一年捐建路亭之後為內宅中左右

共三間內宅之後正北為護房三間東一間改為

更房中與西二間仍為住室二堂之東偏為廚房

共三間西偏則為客廳廳有匾額曰品石廳之

西院翼以小房三間廳前大天井鋪以磚石前有

月鞏門以通馬道舊皆頽毀亦余于三十一年捐葺廳後近內宅

之西小屋二間為家人居住大堂之西小屋一間

為聽差居住大堂之東偏則為庫房一間貯澎營

兵餉庫房之後則為營房乃弁兵更番駐劄看庫

之所共八間

### 澳社

禹貢曰九州攸同四隩既宅釋文云隩與澳同水

隈也蓋言九州底定凡水隈之地皆可安而居也

厥後海島民居其烟火聚落之處胥名為澳焉澎

湖之人依水為家傍涯作室非澳而何哉若夫社

即內郡所謂里是也比閭鄰鄙著于周官軌里連

鄉詳于管氏古之制也域民而處如農之有畔民

數于是乎稽壤賦于是乎定政教于是乎成故澳以聚之是卽鄉以嚮往之也社以分之是卽里以經理之也因畸畛而整齊之隨紆袤而砥矢之出入相友以爲井田卽潤澤之井田也守望相助以爲軍政亦卽默寓之軍政也澳社之與鄉里名異而寔同亦猶行古之道也但澎地古稱荒嶠隋時僅著厥名歷唐迄宋均未經理斯土其澳社之有無不可得而悉矣迨元末始置官吏夫有官則有民有民則有居而澳社亦闕如不可考也至明初徙其人民迸歸內郡地且爲墟澳社之無亦可知

矣繼而海寇嘯聚紅夷竊據復又摧殘于僞鄭其民不相率而爲盜者幾希矣寧復有寧宇哉自康熙二十三年平臺而後招徠安集以漁以佃人始有樂土之安而澳社興焉其時澳則僅有九也至雍正五年人物繁庶又增蒔裡通梁吉貝水垵四澳遂十有三澳共七十五社此何非

國朝深仁厚澤涵濡煦育輕徭薄賦斯海隅日出之鄉生齒日蕃也哉蓋已九州之外又九州矣寧第如禹貢所云而已乎官斯地者披牘指掌陴側皆周是猶一呼一吸而四體皆通也百里之內非

秦越萬井之中托腹心則又存乎其人焉

澎湖澳社列後

一東西衛澳 紅毛城址在文澳西

媽宮社 協營各官衙署暨廳倉俱在此內港乃商哨灣泊之所距廳治陸路五里

文澳社 舊名暗澳廳署暨書院俱在此 東衛社 距廳治陸路三里

西衛社 距廳治陸路五里 後窟潭社 距廳治陸路五里 宅

脚嶼社 距廳治陸路六里 案山社 距廳治陸路四里

一嵵裡澳 此澳于雍正五年從東西衛分設北風時可泊船隻

嵵裡社 距廳治陸路一十九里 井仔垵社 距廳治陸路一十九里

鷄母塢社 距廳治陸路一十六里 風櫃尾社 距廳治陸路二

十八里 猪母落水社 北風時可泊船隻距廳治陸路一十七里 鎖

管港社 距廳治陸路一十五里 鐵線尾社 距廳治陸路一十四里

烟墜仔社 距廳治陸路四里 石井社 距廳治陸路四里

菜園社 距廳治陸路四里

一林投澳

林投社 距廳治陸路一十六里 龍門港社 距廳治陸路二十二里

尖山社 距廳治陸路一十九里 西溪社 距廳治陸路一十六里

隘門社 距廳治陸路一十四里 烏坎社 距廳治陸路一十一里

雙頭跨社 距廳治陸路一十里 太武社 有一小山名太武距廳治

陸路一十四里 東石社 距廳治陸路一十一里

一 奎璧澳

奎璧港社 距廳治陸路 二十二里

菓葉社 距廳治陸路 二十三里

白猿坑社 距廳治陸路 二十里

青螺社 距廳治陸路 十九里

大城北社 距舊有紅毛城今址廢 陸路 一十里

一 鼎灣澳

上鼎灣社 距廳治陸路 一十一里

港底社 距廳治陸路 一十里

港仔尾社 距廳治陸路 八里

北寮社 距廳治陸路 二十三里

湖東社 距廳治陸路 二十里

湖西社 距廳治陸路 十九里

紅羅罩社 距廳治陸路 一十七里

下鼎灣社 距廳治陸路 一十里

沙港頭社 距廳治陸路 一十三里

鼎灣頭社 距廳治陸路 一十三里

里

水窟社 距廳治陸路 一十五里

土地公前社 距廳治陸路

路一十 潭邊社 距廳治陸路 一十里

以上五澳四十四社總名為大山嶼乃澎湖諸島之主山也至廳署陸路可通

一 瓦碇澳

瓦碇港社 距廳治陸路 三十里

後寮社 距廳治陸路 三十里 港

尾社 距廳治陸路 一十九里

城前社 舊有紅毛銃城今基址亦廢 距廳治陸路

陸路一十八里 中壑嶼社 距廳治陸路 二十里

一 通梁澳

通梁社 距廳治陸路 三十一里

長岸社 距廳治陸路 三十一里

大倉社 距廳治陸路一十八里

一赤嵌澳

大赤嵌社 舊有紅毛城名赤嵌今基址無存臺  
里 鳥嶼社 距廳治水陸程四十五里

一鎮海澳

鎮海社 距廳治陸路二十二里 此頭社 距廳治陸路二十三里  
港仔社 距廳治陸路二十三里 小赤嵌社 距廳治陸路三十里

已上四澳一十四社總名北山嶼在大山嶼之北中隔一港潮退陸路可通

一吉貝澳

吉貝社 舊有砲臺一座相傳紅毛所築今址亦廢距廳治水程八十里

右吉貝一澳乃孤嶼也為大山嶼極北之地北山一澳是其南衛澳北藏沙一片最為險隘該澳恃此以為設險雍正五年從鎮海分設另為一澳焉

一西嶼澳 在大山嶼之西出產文石

內塹社 乃北風泊船之處文武汛口 外塹社

此山頗高臺厦往來船隻皆視此為標準 亦北風泊船之處距廳治水程三十里 小

菓葉社 距廳治水程三十里 大池角社 距廳治水程三十里 小

池角社 距廳治水程三十里 橫礁社 距廳治水程三十二里 後

螺社 距廳治水程三十二里

二崁社 距廳治水程三十里

合界

頭社 距廳治水程三十二里

緝馬灣社 距廳治水程三十二里

竹篙灣社 距廳治水程三十二里

右西與一澳中分一十一社其山頗高凡自臺往厦自厦往臺船隻必望見此與然後放洋寔標準也

一網坡澳

網坡社 距廳治水程八十里

山寮社 距廳治水程八十里

將軍

澳社 臺厦往來船隻南風時停泊之處文武汛口在此稽查點驗距廳治水程八十里

一水坡澳 此澳于雍正五年從網坡澳分設

水坡社 距廳治水程八十里

花宅社 距廳治水程八十里

右網坡水坡卽八罩嶼乃大山嶼極南之地也水路最爲險要二澳共五社在汪洋大海之中

廟祀

傳曰國之大事在祀與戎自天子命祀而外下至於州縣凡有守土之責者莫不竭虔盡敬率乃典常以修歲祀孔惠孔時罔或忒焉禮曰祭則福蓋言祭而誠則受厥福也又曰淫祀無福若濫祭則亦何福之有唐狄仁傑毀天下淫祠四千七百餘

所誠以惑人耳目亂人心志敗人風俗愚夫愚婦  
赴之若渴慕之如飴燒香結會大爲世道人心之  
蠹者不可不懲也况閩俗人情浮動信鬼而尚巫  
如迎賽闖神崇奉五帝閩人稱瘟神爲五帝則尤爲淫祀之  
尤者也督憲蘓撫憲莊痛悉其弊凡有土木  
之偶盡毀而投諸水火於乾隆三十二年六月恭  
奏奉

旨嚴禁斯真振頹拯弊之一大政也哉其習俗相  
沿無愆于義者則亦例不禁焉澎湖自歸版圖以  
後卽設有專官以鎮斯土以主斯祀雖無山川社  
稷風雲雷雨諸壇與夫

文廟春秋釋菜之禮而奉文致祭載在  
國典者歲時筆舉斯亦守土者之所有事也至于  
一十三澳澳各有廟土庶奉爲香火者率皆土神  
因地以祭均無敗俗傷化與闖神五帝二事相似  
爲淫惡之祀在所必禁也則亦仍之而已

### 城隍廟

城隍神元學士王惲作汴梁城隍祠記謂世說秦  
功臣馮尚見夢于漢高帝曰奉天帝令與王知領  
城隍事遂以爲城隍之祀始于西漢焉而南陽王

鴻儒則以爲周禮八蜡之祭有水庸之神庸城也水隍也此爲祀城隍之始且城復于隍已見于前則周時已有此祀矣固不獨漢也自是而後歷代皆有祠祀惟唐爲著至宋時或賜封爵或賜廟額祠宇遂徧于天下至有遷就附會各指一人以爲神之姓名如鎮江慶元太平寧國華亭蕪湖諸郡邑皆以爲紀信龍苴江西郡縣城隍率祀漢潁陰侯灌嬰考漢高六年命灌嬰下江南定豫章或平定之後奉以祀焉未可知也至于近世郡稱威靈公州稱顯佑侯縣稱顯佑伯者則自明洪武三年始也凡守土官入境必先祭城隍而後履任及祈禱水旱必先牒告而後禱于壇卽祭無祀亦必前三日牒告至日迎城隍神位于壇以主斯祭焉今澎湖城隍廟在廳署之東規模狹隘不足以展敬寔限于地也

### 關帝廟

廟在媽宮澳西偏距廳治五里日久傾圮乾隆三十一年余與協營諸公捐俸增修祠宇式廓今煥然一新焉祀神勇關聖也元至治時封義勇武安王明洪武都金陵建一十四廟一曰漢前將軍

漢壽亭侯廟以四孟朔日歲暮除日應天府官主祭  
又有仲夏太常之祭祭以少牢自是香火遍天下  
窮鄉僻壤皆祀之嘉靖十年太常卿黃芳始奏改  
稱漢前將軍漢壽亭侯蓋漢壽本封邑在今捷爲  
亭侯爵第五等曰徹侯曰關內侯曰縣侯曰鄉侯  
曰亭侯是亭侯居五等之末今人以侯仕漢以壽  
亭侯爲封爵非也本謚壯繆繆與穆同用傷武功  
之不成今人爲神諱不書謚亦非也萬歷四十二  
年十月司禮太監李恩始齋九旒冠玉帶龍袍金  
牌勅封爲帝頒知天下然太常祭祀則仍舊稱史

官焦竑曰稱漢前將軍侯志也天啓元年太常少  
卿李宗延有修明祀典疏云臣于本年正月親詣  
本廟內標三界伏魔大帝神威遠鎮天尊關聖帝  
君冠冕俱係帝服然本寺職掌初無憑也此封號  
所當考核者也按此則帝封非朝議矣及天啓四  
年七月禮部覆題得旨祭始稱帝至

國朝順治九年加封忠義神武之號乾隆二十五  
年二月廷議以原謚壯繆未協請更定謚號改謚  
神勇歲祀用太牢典禮與闕里並隆焉乾隆三  
十三年三月奉

上諭加封忠義神武靈祐關聖大帝其官建祠宇  
秩在祀典者並依新號設立 神牌以申崇奉欽  
此澎湖自乾隆三年奉文起每歲三祭開支錢糧  
銀一十八兩

天后宮

廟在媽宮澳距廳治五里 天后林姓世居莆之  
湄洲嶼宋都巡檢林愿之第六女也始生時地變  
紫有祥光異香長能乘席渡海乘雲遊島嶼間宋  
雍熙四年二月十九日昇化是後常衣朱衣飛翻  
海上里人祀之宣和癸卯給事中路允迪使高麗

中流震風七舟俱溺獨路所乘神降于檣安流以  
濟使還奏聞特賜順濟廟號紹興己卯駕風掃海  
寇乾道二年又降于白湖掘泉飲疫者累封靈慧  
昭應崇福夫人淳熙十一年加封善利紹興間特  
封靈惠如慶元戊午以霧遮大溪寇開禧丙寅解  
淮甸圍莆民艱食米船阻于朔風神反風卽至景  
定辛酉海寇肆暴醉卧廊廡間神縱火焚之又令  
風沙晝晦跨淺而敗累封助順顯衛英烈協正善  
慶等號元以海漕得神助賜額靈濟明永樂間累  
著靈蹟命修祠宇加封號

國朝康熙十九年封爲護國庇民妙靈昭應宏仁  
普濟天妃遣官致祭二十二年我師克澎湖恍有  
神兵導引及屯兵媽宮澳靖海侯施琅謁廟見神  
衣半濕始悟寔邀神助又澳中水泉止可供數百  
口是日駐師萬餘忽湧甘泉浥之不竭施琅上其  
異 勅建神祠于其原籍湄洲勒文以紀功德二  
十三年加 封天后六十年臺匪竊發天后顯靈  
鹿耳門水驟長數尺舟師揚帆並進七日克復全  
臺雍正四年巡臺御史禪濟布奏聞

御賜神昭海表之額十一年又 賜錫福安瀾匾

額于福州南臺神祠并令有江海各省一體葺祠  
致祭乾隆二十二年五月內閣交出 天后封號  
奉

旨原封 天后護國庇民妙靈昭應宏仁普濟福  
佑羣生此次加封 天后誠感咸孚欽此按天后卽  
媽祖凡海舟危難有禱必應洋中風雨晦暝夜黑  
如墨每于檣中見神燈示祐神亦靈異也哉澎湖  
自乾隆四年奉文起每歲三祭開支錢糧銀十七  
兩是年五月前廳周于仁協鎮顧元亮左營遊府  
柳圓共捐俸銀三十六兩置買澳民黃明店屋每

月紋廣租銀六錢五分交約正高士典等按月收租以爲廟中香燈之費勒石廟中以垂永久

### 真武廟

廟在媽宮澳距廳治五里 北極真武元天上帝乃北方元武之神也元武屬水水色黑故帝衣服旗幟俱黑卽所謂元冥乘坎而司冬禰冬帝曰黑帝者是也神爲五行之一五行之祀載於月令此天地之正氣也說者謂帝北而位南南爲火不相尅耶不知民非水火不生活坎離相濟而人得以養今南方祝融之墟多祀之者此也至封神傳所

稱帝爲通天教主之弟子則吾不得而知也

### 觀音廟

廟在媽宮澳距廳治五里康熙三十五年遊擊薛奎創建乾隆二十九年重修祀 大慈大悲南海觀世音菩薩也南海卽今寧波郡普陀山是也山舊爲古昌國州地其所稱慈悲者卽吾儒惻隱也惻隱之心仁之端也人能以惻隱之心推廣仁術如火然泉達隨處充滿天理周流無少間斷卽仁人也世有仁人無不俎豆祀之千秋奉之矣理之正也祀之宜也若夫菩薩云者則釋氏之尊詞也

佛書云菩提薩埵言覺有情也從省文稱菩薩耳  
又釋典云菩普也薩濟也能普濟衆生故尊之爲  
菩薩也此猶與慈悲之理相近至於觀世音之義  
余嘗論之矣凡物有色者可觀音則有聲無形觀  
于何有乃不觀色而觀音欲舉世間之無形有聲  
者一一而鑒別之其與神視氣聽之說將毋同此  
所以爲禪此所以爲佛也今世之人每誦觀音經  
以求福祐宜乎窮鄉僻壤皆有廟焉若夫小說家  
以觀音爲廟莊王女則更荒誕不經存而不論可  
也

### 祖師廟

廟在廳治之西半里許康熙年間建乾隆二十九  
年里人重修所祀之神稱曰祖師詢之居民云前  
于康熙年間有一和尚從泉州清水巖到此與人  
治病極有神效不取藥資卽送錢米亦不收受甚  
有道行去後因立廟祀焉所以云報也

### 嘉蔭亭

俗名五里亭

亭在廳治西二里許前廳胡格于乾隆四年建因  
澎湖道旁不長樹木行人無所休息故建此以備  
往來偶憇之所如樾之有蔭因以名其亭焉亭內

中祀三官神左祀文武二帝右祀龍王神余改祀  
文武二帝居中三官神居左龍王神居右焉亭久  
漸圯乾隆二十九年里人重修余揭其額曰古嘉  
蔭亭云

水仙官

廟在媽官渡頭距廳治五里 神有五像或曰大  
禹伍子胥屈原又其二有謂爲項羽魯班者更有  
以魯班易昇者更屬不經或曰王勃李白按禹平  
水土功在萬世伍子胥浮鴟夷以遜屈子投汨羅  
王勃省親交趾溺于南海李白批視塵俗沉於采

石沒而爲神理頗近焉凡洋中歟遭風浪危急不  
可保惟划水仙一事庶能望救其法在船諸人各  
披髮蹲舩以空手作撥棹勢假口作鉦鼓聲如五  
日競渡狀卽檣傾柁折亦可破浪穿風疾飛抵岸  
其靈應如響亦甚殊絕矣哉

真人廟

廟一在嵗裡澳一在奎璧澳 真人姓吳名本乃  
泉之同安縣白礁人母夢吐白龜之祥生于宋太  
平興國四年長而學道以醫濟人用藥如神景祐  
二年卒里人祀之部使者以廟額爲請勅爲慈濟

慶元間封爲忠顯開禧二年封英惠侯土人以神爲醫故此廟獨盛今各澳多建祀不獨蔚裡奎壁已也

### 大王廟

廟祀大王其神不可考蓋亦金龍大王之類乃土神也廟一在龍門港一在通梁澳今考各澳多有此廟不止此二處也

### 將軍廟

廟在八罩網坡澳神無考其名將軍與者亦因有此廟故得名焉

### 無祀祠

無祀祠者蓋仿古者泰厲公厲之祭也其禮始自明洪武三年頒其祭于天下凡郡縣俱立壇于北郊其制廣丈五尺高二尺前陛三級餘無階繚以垣蓋壇也寔非廟也每歲清明中元十月朔凡三祭先期三日牒告城隍至日迎城隍位于壇上以主之設無祀鬼神牌于下左右排列祭物果品羹飯香燭楮帛冥衣數百具以祭焉此定制也今澎湖易壇以廟雖非古制而祭孤之禮意則一也其間祠祀俱係歷任守土文武職官因感時事捐俸

創興蓋以爲非廟則主無所依而守廟之人亦無所居焉亦何嫌于與古制之不相若也哉

一祠在媽宮澳海邊土名西坡仔廟中周歲燈油俱係協營捐辦祠左有一大墳卽埋瘞枯骨之處也祠建于康熙二十三年高不過尋寬不及弓于乾隆十五年前聽何器與協鎮邱有章等公捐增修廓大二十九年右營遊府戴福等又公捐重修焉

一祠在西嶼內外塹適中道左乾隆三十一年余與左營遊府林雲右營遊府戴福捐俸創建蓋有感于三十年九月二十三日大風覆沒商船淹斃商民一百二十餘人之慘立祠以祀俾孤魂得所依焉勒石祠前以垂永久

### 街市

易曰日中爲市致天下之民聚天下之貨交易而退各得其所周禮亦有司市之官所以爲民通有無平物價息爭訟計者至詳至悉也市之時義大矣哉澎湖自歸版圖而後生齒日繁資用日廣况地土磽瘠不產百物所有衣食器用悉取資于外郡如布疋綢緞磁瓦木植等貨則取資于漳泉米

穀雜糧油糖竹藤等貨則取資于臺郡無一物不待濟于市則通商惠工實守土者之所有事也况一十三澳並無馬頭市鎮以及墟場交易之地率皆遠赴媽宮埠頭購覓買售然媽宮之所以諸貨悉備者固在于坐賈開舖之人而亦半藉于往來商船隨帶臺厦貨物以致于足用也市顧不重哉

媽宮市

倉前街 酒米舖 鮮果舖 檳榔舖 打石舖

左營街 鹽館一所 酒米舖 雜貨舖 打鐵舖

大井街 藥材舖 竹器舖 瓦器舖 磁器舖

麵餅舖 酒米舖 油燭舖 打銀舖 故衣舖

右營直街 綢緞舖 冬夏布舖 海味舖 雜

貨舖 藥材舖 醬菜舖 酒米舖 涼煖帽

舖 麵餅舖 鞋襪舖 猪肉案 磁瓦器舖

故衣舖 油燭舖

右營橫街 海味舖 酒米舖 雜貨舖 醬菜

舖 綢緞舖 冬夏布疋舖 故衣舖 鞋襪

舖 麵舖 涼煖帽舖 藥材舖 鮮果舖

檳榔舖 餅舖 磁瓦器舖 藤芋舖 油燭

鋪 猪肉案

渡頭街又名水仙宮 酒米鋪 鹹魚鋪 瓜菜

鋪 檳榔鋪 小點心鋪

海邊街 當舖一家 乾隆三十二年新開

杉木行 磚瓦行 石鋪 酒米鋪 蔴芋鋪

雜貨鋪 瓜菜鋪 鮮魚鋪 鹹魚鋪 檳榔

桌

魚市 在媽官廟前係逐日趕趁並無常住舖舍

農具 黃蔴 零賣 苧蔴 零賣 鮮魚 各色俱齊

螃蟬 名色不一 鮮蝦 名色不一 青菜 瓜果

水藤 竹篾 木料 雜用碎料如犁耙等項 薯苓 染網用

高粱 豆 麥 薯乾 瓦器 什物俱備 檳榔桌

點心 木柴 乾隆三十一年臺灣漂來各澳民拾獲甚多澎湖無木乃拾獲并破

船板 草柴 牛柴 即牛糞土人捏成餅樣晒乾出賣名為牛柴名字亦新人

家逐日皆焚此

西嶼外塹海邊亦有小舖數間

布鋪 油燭酒米鋪 青菜豆腐鋪 鹹魚鋪

藥材舖 猪肉案 遇節方屠宰亦不常有也

染布鋪 東衛社一家 港底社一家 雙頭跨

社一家

販賣鹹魚往臺換雜糧舖 嵗裡社一家 緝馬

灣社一家

大赤嵌 雜貨小舖一家

西嶼緝馬灣社 小藥舖一家

八罩澳 雜糧小舖 光餅舖 販賣鹹魚舖

其餘青菜豆腐猪肉俱無出賣民亦苦矣哉

### 井泉

淮南子曰伯益作井而龍登元雲神棲崑崙此井之權輿也自是而地無伏泉民用以濟利亦溥哉夫饑而食渴而飲人之性也當其渴而思飲得之

則生奚翅食重也以故遊海曲者必載水而行入島嶼者必問水泉所在誠以赤鹵之區甘泉為重謀之不豫何嗟及矣易曰木上有水井君子以勞民勸相尤必井泥不食首為兢兢也澎湖一嶼孤懸瀛海之中四面汪洋水盡鹹鹵又無高山大麓溪澗川流以資浥注澎之人其需井而飲也較諸他郡為獨亟焉然鑿井於澎則更有難焉者或地中多石井將成而為盤石所硬者有之或地脉無泉鑿至數尋終為棄井虛費人力者有之或即得泉而水性鹹苦面浮鐵膜而不可食者有之或一

澳而得一井焉幸也或一澳而得二三井焉則更幸矣嶺南記載鬱林有司命井今澎湖之井不誠爲澎民之司命也哉余于此蓋不禁三致意焉誠重之也

東衛社村前井 水最清冽且泉流甚旺卽亢旱亦不乾涸距廳署三里署中煎茶必取此水寔澎湖之第一泉也

文澳社書院內井 此井係乾隆三十二年新鑿水亦清潔形家云此處地脉最正故井水最清云

嘉蔭亭井俗名五里亭 此井泉流極旺亦無鹹鹵之味凡往來商船戰艦皆赴此井取水井身甚淺舉手可汲寔乃山凹流泉故亢旱亦不涸焉

媽宮社大井 康熙二十三年靖海侯施琅率師討鄭逆先克澎湖駐兵萬餘於此先時水泉微弱不足以供衆師之食侯虔禱于天后神甘泉立湧汲之不竭兵無渴飲至今此井水泉亦甚旺焉但水味畧覺有些鹹氣耳

協鎮署內井 此井水亦清冽然在署內取汲未

便不能資濟居人

觀音廟前井 井在媽宮澳之西逼近海邊而泉  
流清澈味甚甘美與東衛井相彷彿亦井中之佳  
者也但此井旱久畧鹹東衛之井旱久越甘此  
井雨多味更美東衛之井雨多則味畧帶土氣  
二井於晴雨亦各有不同焉然均之非他井所  
能及也

鎮海澳西寮井 水亦清潔味甘甜無鹹鹵之氣  
土人云亦可比美于東衛井云  
西嶼外塹社井 此井在半山之腰水亦清甜無

鹹氣亦井中之畧佳者

澎湖一十三澳澳各有井未免俱帶鹵氣水味畧  
鹹不如此數井之清冽耳然土人久食不覺相  
與習而安焉但亢旱則乾涸婦女徹夜守井取  
水截竹筒以汲之嗷嗷渴待似甚於饑澎之人  
其亦苦矣哉

澎湖紀畧卷之二終

澎湖紀畧卷之三

官師紀目錄

建官

調補

俸廉

職事

題名

巡檢附

列傳

澎湖紀畧卷之三



嶺南胡建偉勉亭纂著

官師紀

建官

通判古長史別駕之職也秦罷侯置守則有長史之稱漢名別駕秩六百石位重端僚晉宋齊梁陳因之隋初亦稱長史大業年間罷長史置通守又名贊治唐名別駕武德十年改雍州別駕爲長史其以元帥節度使等知州事則稱行軍長史又稱判官宋名通判又有簽書判官之名元明皆稱通

國朝因之統稱曰倅倅者副也所以副郡守者也  
庾亮云別駕與刺史同宣王化于萬里其任居刺  
史之半別乘傳車故謂之別駕漢循吏傳宣帝賜  
別駕車緹油屏泥車前以彰有德後漢周景爲豫  
州刺史倅陳蕃爲別駕蕃不就景乃題別駕輿曰  
陳仲舉坐也不復倅蕃乃起視職世因號別駕爲  
題輿至晉以孔源休爲晉安王長史隋以趙軌爲  
齊州別駕唐以盧峴爲渭州別駕宋以王珪判廣  
陵蘇軾判黃州朱子判漳州率皆當年郡守刺史

所倅署爲僚幕官也與今制亦畧異焉澎湖向爲  
蠻服其名始見于隋史然自唐迄宋皆未有設官  
經理其地元末置巡檢一員屬泉州同安縣明洪  
武五年撤其官遷徙民人歸于內郡而墟其地鄭  
逆時置僞安撫司至康熙二十三年臺平乃設巡  
檢專員駐劄改隸臺灣府臺灣縣雍正五年以澎  
湖孤懸海島巡檢微員不足以彈壓于添設廈門  
道員案內設改通判此建官之源委也

調補

澎湖爲臺廈居中扼要之區稽查彈壓實爲海疆

要缺現奉例行自到任起連閏歷俸扣至三十六個月爲滿先九個月前備具履歷親供政績印結各七本具文通詳各憲報滿預行調補或陞補接任舊任回至內地留在本省題補陞用與臺灣廳縣一體遵行其歷年節次奉行條例則有康熙三十年奉  
旨臺灣各官自道員以下教職以上俱照廣西南寧等府之例將品級相當堪調之員仍歸部選著爲令又康熙六十年議准嗣後臺灣大小文武官員不許攜帶眷屬雍正七年奉

上諭臺灣地方遠隔重洋全在道府廳縣各得其人而該員又須熟悉其風土情形殫心辦理於地方始有裨益向例文員以三年爲滿後經原任總督滿保條奏請將三年任滿之員再行加銜留任三年所以慎重海疆俾諳練之人久于其任也今據總督高其倬摺奏臺員以六年爲滿而調任之時渡海而往卽須數月任滿之後候缺挨陞以及交盤渡海又或一二年不等是前後合計須八九年方得陞用且臺灣之例不帶家口其父母妻子隔越海洋轉托親朋照看未免有所牽掛意念分

馳應否請以四年爲滿等語朕思臺灣道府廳縣等官自宜選用諳練習熟者然定期六年爲滿又加以候缺交盤渡海之期實屬太久其父母妻子隔越重洋難免內顧之慮今再四思維臺灣文員自到任之日爲始將滿一年之期著該督撫於閩省內地官員內揀選賢能之員乘冬月北風之時令其到臺新舊協同辦理半年之內大約可以熟悉地方情形則令舊員乘夏月南風之便回至內地補用將來接任之員俱照此更換該員到臺協辦之時俱各一體算俸並給與俸銀及養廉之項

如此更換調補則臺員易于得人且該員在臺前後不過二年爲期甚近而更換之員先往協辦又可習練地方事宜似有裨益其道府大員作何請旨揀選同知以下等官作何銓選調補及量加議敘之處該部詳悉妥議具奏議准臺灣道府同知通判知縣到任一年令該督撫於閩省內地揀選賢能之員乘北風之時令其到臺與舊員協辦半年之後令舊員乘夏月南風之便回至內地補用政績優著者准其加二級稱職者准其加一級以示鼓勵

爲遵旨議奏事于雍正八年大學士公馬等議准  
署閩督將軍阿奏請嗣後調臺各員到任二年該  
督撫另選賢員赴臺協辦半年之後將舊員調回  
則在臺各官爲期既不爲過久亦可免交盤頻疊  
及借此諉延之弊所奏與臺灣情形相宜至自臺  
調回各員應令該督撫仍據實分別實能稱職及  
居官平常之處照例具題以昭勸懲可也

雍正十一年覆准臺灣道員准其照鎮協之例三  
年報滿知府同知通判知縣准其照叅將之例二  
年報滿俟協辦人員到臺半年之後令各該員交  
代清楚回至內地該督撫照例察核分別具題如  
果實心辦理地方寧謐俱准其以應陞之缺卽用  
再查道府應陞之缺俱係

特旨補用應令該督撫給咨赴部引見候

旨陞用其同知通判知縣俱留于本省遇有應陞  
缺出該督撫卽行具題陞用

雍正十二年總督郝玉麟奏准調臺官員年逾四  
十無子者准其挈眷過臺

乾隆九年于一件爲請定臺員俸滿限期以專責  
任以昭畫一事案內議准嗣後臺灣府廳縣准其

照道員佐雜教職等官一體三年期滿報明督撫  
照例具題分別陞用免其在臺協辦  
查協辦之例自雍正七年起至乾隆九年于請定  
臺員俸滿限期等事案內停止協辦其協辦時新  
舊各有俸廉舊員俸滿仍留協辦半年期滿調回  
內地分別陞用例載臺灣廳縣俸滿回至內地遇  
應陞之缺不論中簡繁缺俱得陞補

定例臺灣文職缺出廳縣以下等官不論有無叅  
罰俱准其調補仍令該督撫揀選有才守者保  
題如將不肖之員濫行保題事發之日將保舉之

督撫各官照保薦不實例議處

乾隆二十一年吏部爲請

旨事文選司案呈查各省題陞人員惟卓異未滿  
三年者定例毋庸送部引

見其餘題陞知縣以上官員定例俱令送部引  
見恭候

欽定惟臺灣一屬例載凡調往臺灣各員於期滿  
調回內地之日該督撫分別保題道員知府赴部  
引

見候

旨陞用同知通判知縣俱留本省遇有應陞之缺該督撫卽行具題陞補定例以來凡該督撫保題調回內地候陞人員遇有應陞缺出該督撫題請陞補到部臣部俱照定例准其具題陞補毋庸送部引

見但查臺灣俸滿人員俸滿時督撫保題並未送部引

見及至遇缺陞用又祇具題陞補恐調回內地人員有遲至數年始遇缺題陞者其人之年力才具距該督撫保題之時已久勝任與否必須恭候

欽定方足以昭慎重且查廣東之崖感昌陵各缺俸滿調回內地候陞人員向來遇有題陞者俱令送部引

見而臺灣俸滿人員祇令具題陞補于例未爲畫一臣等酌議請嗣後臺灣俸滿留于本省候陞人員遇得缺知縣以上等官該督撫具題到部臣部照各省題陞人員之例令其送部引見以昭慎重而歸畫一理合

奏明奉  
旨依議

又准部覆調臺官員及差使渡海乘坐船隻道免船三隻府免船二隻廳縣免船一隻教官佐雜等官免半隻各衙門遞解人犯計差犯每名免配穀五石

### 俸廉

俸者官之秩祿也漢宣帝詔云今小吏勤事而俸薄欲其無侵漁百姓難矣增其俸百石以上什五光武紀亦有增百官俸詔宋太祖詔云吏員猥多難以求治俸祿鮮薄未可責廉與其冗官而重費莫若省官而益俸差減其員舊俸月增五十是有

官卽有俸由來舊矣而酌品級之崇卑定俸秩之多寡則

國朝寔超越前代者也澎湖廳員正六品歲給俸銀六十兩至於養廉一項考周禮天官小宰以聽官府之六計弊羣吏之治一曰廉善二曰廉能三曰廉敬四曰廉正五曰廉法六曰廉辨旣斷以六事又以廉爲本也玉篇云廉者清也又潔也養之者俾百爾臣工無內顧之憂公忠任事清而且潔也但考歷代官制俱未設有養廉款項今普天率土凡在有位皆沐有養廉者此其

曠典深仁實自雍正七年始也而養廉之厚薄則一以地方之繁簡爲準澎湖爲海疆中缺歲支養廉五百兩此澎湖俸廉之定額也

一全年俸銀六十兩每歲在于澎湖徵收正供錢糧項下坐支毋庸赴省請領

一全年養廉銀五百兩

在澎湖徵收錢糧耗羨項內儘支銀七十三兩零八分三釐

又在臺灣縣耗羨內支銀四百一十二兩四錢七分七釐

又在彰化縣耗羨內支銀一十二兩零九分六釐

通共實歲支養廉銀四百九十七兩六錢五分六釐不足銀二兩三錢四分四釐內于乾隆二十九年詳定貧員路費案內每年捐解廉銀百分之十銀五兩解赴臺灣府彙解實支食養廉銀四百九十二兩六錢五分六釐

職事

呂新吾曰朝廷設官分職衙門各命以名百官庶府各顧名而思職緣職而盡分人人皆滿其分量

而天下無事矣陳榕門中堂云呂公明職一篇循  
名責實可爲當官者一棒太原諭屬語語透闢分  
爲八等使人反觀對照知所決擇其垂戒至深切  
也蓋呂公著明于前陳公推行于後正欲使有官  
守之責者以不忍人之心行不忍人之政隨分自  
盡從根本上講求爲民生造命可大可久之計若  
僅循塗守轍了官場之公案以示盡職猶非二公  
嘉惠後賢之盛心也澎湖職本通判乃郡守之副  
然分防專駐有民人政事之責則亦與州縣無甚  
異焉故不得與貼堂丞倅戒侵權戒越俎一以安

靜爲主與坐鎮雅俗者同科也况澎島爲厦臺居  
中要區實乃海疆重寄非振刷精神時時刻刻遇  
事留心體訪不知不覺職分之所虧已多矣可不  
慎歟

一刑名刑名之重者則爲盜命夫有盜而捕之不  
若于其無盜而防之聯保甲嚴偵緝併令各安本  
分毋使失所則人盡循理奸宄奚自而生而盜源  
清矣至于人命有仇有鬪其弊非一果能先時告  
誡諄切曉諭俾愚民知一朝之忿有忘身及親之  
累則血氣自平而命案之源亦清矣澎湖俗頗淳

厚無命盜重情萬一遇此等事件立即親往查勘相驗錄供通報仍遵例檄發臺灣縣招解審擬定案其餘鼠竊狗偷以及輕生短見命案一詳立案完結者則係本衙門辦理

一錢穀錢穀之大者徵收錢糧澎湖錢糧止有六百九兩零爲數無多民亦樂輸每歲自二月開徵起令民自封投櫃一錢以下零星小戶照部例每銀一錢收制錢一百文連耗在內至九月內即可掃數全完並不用挨村滾單等法亦無庸差役下鄉催擾間有一二遲延着澳甲向催即便完納再

查澎湖並無官莊寺租房田稅契亦無口岸落地等稅

一自理詞訟卽戶婚土田錢債鬪毆等類是也澎湖並無唆訟訟師等輩以故詞訟甚少每月不過三五件或六七件亦無代書遞詞者少喊稟者多部限二十日審結澎地可以隨到隨審無須二十日之限也乾隆三十一年四月內于一件遵批議覆事案內按月將准理過詞訟已結未結各案開列管收除在造冊送本道本府查考至于奉有上憲批審事件自當遵限一月內審詳完結不惟上

憲省案牘之催而百姓亦免拖累之苦矣

一宣講

上諭康熙九年頒

上諭十六條第一條敦孝弟以重人倫第二條篤宗族以昭雍睦第三條和鄉黨以息爭訟第四條重農桑以足衣食第五條尚節儉以惜財用第六條隆學校以端士習第七條黜異端以崇正學第八條講法律以儆愚頑第九條明禮讓以厚風俗第十條務本業以定民志第十一條訓子弟以禁非爲第十二條息誣告以全良善第十三條誠匿

逃以免株連第十四條完錢糧以省催科第十五條聯保甲以弭盜賊第十六條解讐忿以重身命  
雍正元年

欽定

聖諭廣訓十六章頒發直省恪奉遵行澎湖每月朔望會同協營各官在媽祖宮公所恭設香案請上諭牌位行三跪九叩禮畢分班東西階坐講生登講席宣講二章先用官音宣講一遍次用土音細爲詳講俾環聽民人咸盡通曉又平時令各澳社師將廣訓十六章教令蒙童自幼熟讀俾令家

諭而戶曉焉

一課農勸學蓋衣食足禮義興乃化民善俗之第一件要政也民以食爲天農者食之所從出重農正所以足食也每歲于春二三月之時一遇雨澤霑濡卽肩輿減從親往四郊勸耕如有勤者賞以錢文以爲酒食之資惰者則申飭之間有老農則更加優恤併詢其風土人情則官民之氣上下可以相通閭閻之利病亦可因而併悉也至收耘時亦照此巡行辦理無少怠惰則農見我勤而農自勸矣况澎湖以海爲田力農者少更不可不再三

董勸以作其勤也若徒奉行故事而無真實之意貫注其間則農已窺我之後矣勸于何有若夫讀書一事更不可不作之矜式也海外之人必使之明理義然後可以爲良民故每到各澳必赴社學親爲指點卽蒙童小館亦必親到如童子能背誦經書能講解字義者卽獎賞之給以紙筆錢文以示鼓勵其生監俊秀授以程氏課程必令讀四書五經小學近思錄性理綱目諸書以端其心術正其識見爲國家有用之材澎湖向來讀書人少余行之兩載近日漸見鼓舞各澳皆有書聲蓋長上

之教比父兄之教事半而功倍也

一緝捕逃犯此種乃鄰省及本省兇脫之重犯也緝捕不力自有分處况果能留心捕獲盜首兇犯以及新疆人犯等類現奉例行保題引

見陞用賞罰如此嚴明何可任其漏網澎湖雖無高山陵麓密林深箐可以藏奸聚慝一有面生可疑之人到境立能捕獲無遺惟是逃犯搭附臺厦船隻船戶利其貨賄或冒充水手或假作行商者有之但臺厦往來船隻透洋直過者居多此種藏奸匪船非十分風信不順不肯灣泊偶一寄旋者

百無一二故一有暫停非十分細心查驗聽其聲音察其年貌與該船牌照對勘鮮有不疎漏者若人照不符卽當查訊是緝捕乃澎湖第一緊要事件所當留心者也豈可以一票了事乎

一編查保甲于一件爲請編臺地保甲等事案奉前撫憲鐘奏准臺屬各廳縣編查保甲一案每逢歲底造報民數之期將臺地戶口開明四柱與內地另立一條彙摺奏報以昭慎重等因現在遵行辦理

一查點門牌此件與編查保甲相爲表裏實海疆

之要政也其法先諭各澳澳甲將澳內居民業儒業農業漁爲吏爲差爲商爲販併男女名口查開送核然後將門牌填明分給懸掛每十家爲一甲其中有增減遷移隨時登記每歲于春間風靜時候查點一次約五六日可以事竣凡甲內一家有犯不舉報十家連坐至甲內有曾爲盜竊犯有案者著令取保管束官仍設簿記名果能改過自新官則將簿開除惡名不咎其既往十家之人尤要敦睦患難相恤有無相通教訓子弟毋作非爲各安生業毋好閒遊手如此則不特奸宄潛踪而風

俗亦厚矣其查點時飯食紙張之費雖經邵武縣條稟查練保門牌案內詳准通飭詳支閒款銀兩在案查澎湖並無閒款可以詳支俱係官爲捐給併不許藉派澳民致滋累擾

一稽查漁船康熙五十三年覆准各省海洋商漁船隻分別書寫字樣舵工水手各給腰牌刊明姓名年貌籍貫如船無字號人有可疑卽行嚴拏究治澎湖本地小漁船四百七十二隻俱編澎字號船戶舵水人等姓名年貌俱註明船照之內每年屆期一換查此項俱係小漁船梁頭四五六尺餘

不等係在于本坡海邊採捕朝出暮歸不能出洋  
及往鄰省鄰郡採捕之事至于修補所用釘油等  
料俱係本衙門自道廠領回給賣每年修補若干  
用料若干亦按季循環造報督憲藩憲衙門查考  
又于乾隆二十六年奉憲通飭閩省各澳船隻俱  
要油飾書刊字號籍貫姓名于舢邊如有剝落隨  
時油補務令四季常新併大書篷上如有汎口拏  
獲未書未刊者卽將該管官叅處併分別商漁不  
許冒混如有改易則詳明辦理又于乾隆三十二  
年四月奉督憲蘇爲再申稽查船隻嚴令以靖海

疆事通飭沿海所屬口岸各澳大小商漁船隻以  
及採捕小艇務遵定例將縣分船戶姓名字號油  
書篷上務須濃墨大書舢邊刊刻不許細小模糊  
如有剝落隨時填補凡有給照務查船戶枕水的  
實姓名填明照內不許裝載禁物石塊牌照不得  
逾限不換再查澎湖小船向係臺灣縣發給腰牌  
自乾隆元年改歸廳辦就近稽查取結驗烙則更  
爲周密也

一稽查汎口康熙四十二年覆准各處商船經由  
汎口掛號澎湖汎口南風時自四五六七八等五

澎湖紀畧 卷三 官師  
三  
個月內飭令書役往八罩汛協同武汛查辦北風時自九十十一十二正二三等七個月內飭令書役往西嶼內外塹汛協同武汛查辦其媽宮澳汛則無論南北風周年俱可停泊亦協同武汛查驗按月將查驗過船隻造冊報督憲藩憲衙門查考臬憲衙門用循環簿填報凡查驗臺廈各處商船務要人照相符並無禁物始准放行一有偷渡違犯併形跡可疑卽行拘訊詳報治罪但此項商船亦無一定赴澎掛號之例透洋直過者居多偶一風信不順始到汛暫停是到澎者不過百中之一

二耳至于粘連印花于一件特行通飭事于乾隆三十二年四月奉督憲蘇通飭沿海營縣嗣後所轄汛口概用印花編號給發該汛口兵役收領備用如遇船隻赴汛掛驗卽將印花填明實貼該船照內騎縫仍蓋用汛口戳記另立印簿發該汛口將貼過印花號數月日及船戶姓名字號填簿申繳該管上司如汛口與該管衙門相近則專用印信汛口只令驗明掛號毋庸蓋用木戳總以印信爲憑澎湖則于八罩西嶼二汛遵用印花媽宮澳汛距廳署甚近則仍用本衙門關防只令書役查

驗掛號毋庸粘貼印花

一民壯演習鳥鎗查澎湖原設民壯二十名向係學習刀鎗弓箭鳥鎗藤牌各器械併有差遣勾攝事件自雍正十年爲特飭嚴查以除民害事案內通飭閩省各衙門民壯凡係催徵勾捕一應事務概不准差遣又于一件遵旨議奏事內雍正十一年前督憲郝以臺屬地方亦懸海外此項人役俱係無賴流寓應充每多滋事奏准改撥營兵給道府廳縣衙門聽候護衛各衙門民壯悉行裁汰澎湖額設民壯二十名不在奏汰之內是以仍舊存

留乾隆三十一年督憲蘇爲遵

旨議奏事奏稱伏查民壯一役原爲緝拏盜匪防護城池倉庫而設與兵丁相爲表裏查鳥鎗一項爲軍械中最迅利之器高下既可兼施遠近皆堪制勝仿照東省之例將各項器械一體教習鳥鎗令制備鳥鎗火藥選年力精壯之人充補會同防城營員如法教以步武及連環聲勢按季會營操演責成道府隨時考驗分別勤惰飭令嚴加約束稍有滋事立即責革等因奉准部覆在案乾隆三十一年藩憲錢 爲臺械務歸實用等事詳准各

屬民壯烏鎗歸局製造每桿鎗重六觔八兩准銷銀一兩一錢八分六釐照營式製造編鑿字號每月隨營演放一次其火藥在附近營分風雨停操項下開銷總以三十二年爲始尚有未經入奏衙門與泉道民壯三十名澎湖廳民壯二十名諸羅縣丞民壯八名典史民壯四名仍聽各衙門自行齎價赴局製造三十二年二月初八日現任澎湖廳胡捐俸銀二十四兩差齎省局遵照製辦烏鎗二十桿于本年十一月三十日領回報明在案遵照隨同附近之澎協兩營按月演習其火藥亦遵照

照在澎營風雨停操項下開銷

一稽查鹽務查澎湖所食之鹽乃臺鹽也例載臺灣行鹽遠隔重洋行銷鹽勛委令該府官收官賣並無商人定地認額行銷與內地行銷迥別故行鹽之人不曰鹽商而曰鹽販也澎湖自雍正六年改設廳員之日鹽係前廳王仁官運行銷每年五千石嗣雍正九年第二任梁樟以官運周章仍須假手于人每多不便乃歸販戶運賣時有浙紹人韓國柱在前府王給照販運此澎湖鹽勛歸販之始也以後遇有販戶更易俱係臺府取本人殷實

切結詳明鹽憲然後給照販運移知本廳知照辦理其從前五千石今增至六千石者則乾隆三十年前府蔣允焄詳請增添一千石也于乾隆三十年閏二月奉制憲蘇 批鹽憲宋呈詳一件特行飭查事飭令販戶陳必竣等自乙酉年爲始遞年認銷額鹽六千石出具認狀繳查如有缺額卽令賠課至每升原定價小錢五文五毫嚴飭照舊發賣毋許私擡短秤該廳有督銷之責應卽遵照詳定章程將該販運銷鹽劬數目按月造冊報查等因此則逐月造報之始也至于販戶運到鹽劬必

稟請查驗鹽與引相符然後准其盤收上倉發賣所以杜藉引帶私之弊也其巡緝地方私販則飭差協同販丁巡查一有拏獲立卽通詳照例辦理仍嚴飭丁役不許藉端滋擾至每年鹽課奏銷仍係臺府辦理本廳衙門並無督銷議敘叅處之事焉

一 支放糧餉查澎湖庫于一件遵

旨議奏事案內預貯半年兵餉銀一萬六千兩所以濟運不及時支放也其全年兵餉則係澎臺水師兩協鎮五營守備輪流差撥一員協同臺郡佐

雜文員一員遞年赴藩庫請領回澎兌交貯庫每  
年澎協兩營餉銀三萬一千七百二十六兩三錢  
三分八釐五毫內藩憲除朋扣銀一千兩零八錢  
外實在司庫領回兌交銀三萬零七百三十五兩  
五錢三分八釐五毫遇閏之年兩營餉銀三萬四  
千一百九十二兩八錢六分二釐六毫內藩憲除  
朋扣銀一千零八兩八錢外實領回兌交銀三  
萬三千一百一十二兩零六分二釐六毫此二柱  
乃係乾隆三十一年三十二年之數也至於大小  
建遞年或有參差不齊俱由藩憲核准給領貯庫

其預貯半年餉銀于未曾領到全年餉銀之前支  
放過若干卽在領回全年餉銀內劃清歸補貯庫  
通報存查其支放月餉按月大小建于上月廿八  
日該兩營具領到廳請領兌交弁目領回本衙門  
將支放過數目按月申報查考又於一件請嚴通  
同扣尅等事案內每月初一日該營移請親臨兩  
營將餉封兌明按名會同支放出結移營轉報至  
于扣缺每年俱係協營自行奏銷每月糧米則于  
存倉臺諸二縣運到穀石內按月大小建碾支其  
碾支過數目亦按月通報存查放米之期每月初

一二三等日係大放之期兵丁持執米票赴倉認票發米其任汎及出差者則于三六九日補放掣票存銷所有扣缺亦係該營自行奏銷辦理與本衙門無涉焉

一查點班兵于一件恭陳臺灣事宜等事案內所有調臺水陸兵丁經由澎湖向例內地各該營造冊送廳會同澎協按名查點如有頂冒立即通報駁回本營更換其與冊相符者始准放行過臺于乾隆二十三年臺灣鎮馬龍圖爲詳請換臺班兵恩免由澎點驗等事詳奉督憲楊批嗣後內地調

臺兵丁抵厦照例聽提督率同文武各官按照冊造年貌箕斗查驗相符卽准其配船直抵臺灣交與臺鎮驗明收伍所有中途赴澎湖點驗之處飭行停止等因自此臺灣兵丁聽其透洋直渡毋庸停泊澎湖聽候點驗最爲簡便也至于換澎兵丁仍舊遵照例行內地各該營造具姓名年貌箕斗冊一本送廳又於再行嚴飭編記等事案內內地各該營造具器械冊一本送廳本衙門會同澎協將兵丁按名點驗年貌箕斗相符又查驗器械果係精良然後准赴澎營歸伍操防仍造冊會營申

送查考

一墩臺營房查澎湖修理墩臺營房一有風雨刮壞俱係協營移會本衙門估計該營造冊請修卽間有些小損壞亦係該營隨時粘補至于建自何年原卷據臺灣縣知縣楊元璽于乾隆八年六月詳覆從前建蓋始自何年且康熙六十年臺匪逆變府縣卷案俱被焚燒莫從查考等因嗣移查該二營左營守備張勇右營守備蔡忠等呈本協楊移覆二營墩臺營房自康熙二十三年設立營制陸續起蓋以便戍兵住宿一遇風雨損壞隨卽呈

報移會文員佑修等因卷查于一件具報等事乾隆二年五九等月五年閏六月被風雨刮壞各汛營房墩臺該營歷歷移會佑詳奉憲行查臺府酌撥偷渡閒欸等銀修葺後因臺屬並無閒欸可撥直至乾隆八年始蒙前藩憲張議就營中截存隨糧銀兩動用奉前督憲那批行遵照左營差管隊李奇陞右營差百總許相往漳廈購料修葺于是年八月完竣該營造冊會勘會印營中自行報銷又一件奏明動帑等事二營墩臺營房坍塌不堪工程浩大屢經前後造冊移會本衙門估計詳奉准

海海紀畧 卷三  
酌撥本衙門准營移會具印領該營差弁赴臺灣  
府酌給兩營銀二百六十兩領回勻分左營署守  
備許順右營署守備李景瑞各差目赴廈購料回  
修工竣于乾隆十四年九月攝守備官守備陳陸  
卿出具並無浮冒遵結送又同月攝守備官守備  
陳陸卿出具完竣保固加具收管前來俱係奏明  
動帑等事案內事也此案于乾隆十五年四月兩  
營守備陳陸卿顏得慶呈本協邱移覆案准澎分  
府移准臺灣府彙給文批齎送藩司衙門聽候滙  
造去後現今在省尚未回營呈懇賜移澎分府俯

念海外經識寥寥現有前差經識李良佐在省聽  
候滙造免其再撥等因在案歷年至今該營俱照  
此辦理本衙門並無經手承領承辦之事歷任前  
廳交代結內俱各聲明亦在案其自乾隆二年至  
乾隆十八年等年修理墩臺營房文卷俱被風雨  
鹹鹵霧爛並無完卷可查余摘其字跡可見者抄  
列釘埋一冊交該房收存輪流交代庶後之履斯  
任者得有所據以爲辦理焉

一協營交涉會辦事件一件爲詳籌兩省等事案  
內開閩省各營配防城汛砲位每年于冬月按依

多寡分年會同文員輪流演放一周等因屆期該營移會訂期在于空間處所演放其火藥該營奉文在于風雨停操節省項下撥用所需扛夫奉文係撥用額夫查澎湖並無額設之夫歷年需夫扛擡俱係本衙門捐僱辦理又一件爲海洋情形不同等事案內開凡戰船應換篷索例須會同文員驗明出結等因遞年兩營戰船應換篷索移結驗明舊料果係朽壞不堪再用會具切實印結移營以憑差目赴司請領篷索料價銀兩回營製換又一件爲飭知事于雍正七年奉巡臺御史赫碩色

夏之芳飭行遞年該營移請赴營會操水陸大操一次仍將會操過緣由會銜移營于十月內照例具報又一件請定稽察等事于乾隆三十一年四月奉 督憲蘇前撫憲莊批藩憲議詳嗣後各營遇燂洗戰船之時卽移明所在附近不理船工之文員會同營員臨船勘驗果有燂洗有無蚍蚌據實會文通報如有不移知文員勘驗私自捏冒卽行照例叅追倘文員徇情不赴船親驗扶同捏報一併叅處等因遵卽按月准營移訂燂洗日期親行勘驗會結通報又金門鎮一件爲詳請憲示事

乾隆三十一年七月奉督憲蘇批司照議移行遇有金門左右營船灣泊地方燂洗立即會同勘驗會銜具結通報至于澎協二營此外遇有應估修者照例估修應出結者照例出結辦理或兵民間有交涉口角爭訟等事件亦即遵照例限依期結斷以免拖累

題名

熊勉菴居官格言有云做官想到去之日做人想到沒之時更當留一二好事與人間嗟乎熊公此言其厚待天下後世之人而出此語以勉之乎抑卑視天下後世之人而出此語以醒之乎吾人所當日省也夫不言在之日而言去之日者何也蓋在官之日雖無好事及人而巷議街談猶未敢直非之也至于去官之日則公論定而是非著矣在公正之君子居官盡職誠心愛物無所爲而爲而盛德在人去後之思至有沒世不忘者固有餘榮

哉若夫守國憲畏清議勉勤職業有所畏而爲善者其亦可以無愧矣澎湖自雍正五年改設廳官至今四十五載歷任正署共計十有八人爲時不久其名斯在猶歷歷可稽也纂而書之披而閱之曰某也某也不昭然若揭乎此人去之所以貴留名也哉所有歷任姓名備書于左

王仁順天大興縣人由吏員考職經歷于康熙五十七年遵欽奉 上諭事例具呈兵部急公自備鞍馬行糧運米幫駝議敘選授漳州府通判調任澎湖于雍正六年五月到任至雍正八

年五月三年俸滿自雍正九年正月新任梁到任協辦起至本年七月止協辦期滿離任

梁樟陝西咸寧縣人康熙辛丑科進士雍正五年二月初任長泰縣調任長汀縣陞授澎湖廳于雍正九年正月到任至雍正十一年正月二年俸滿仍留協辦本年九月內聞訃丁母憂卸事回籍

周于仁四川安岳縣人康熙戊子科舉人雍正七年選授永春縣調任將樂縣陞授澎湖廳于雍正十一年八月到任至十三年八月二年俸滿

仍留協辦于乾隆元年六月內告病卸事回籍  
曹顯庚浙江石門縣人由監生考授州同雍正三  
年遵例在阿爾泰加捐通判卽用九年選授泉  
州府通判調任澎湖于乾隆元年二月到任至  
三年二月二年俸滿仍留協辦期滿離任

胡格湖廣江夏縣人康熙丁酉科舉人雍正七  
年引見發閩以知縣用題署詔安縣實授調  
任同安縣十二年調任晉江縣乾隆三年委署  
澎湖廳本年八月到任四年九月奉督憲于行  
取例薦舉議准註冊以單月主事陞用仍留任

辦事五年十月卸事離任署任無留協辦之例  
卽回內地候陞

王鷄江南崑山縣人由監生遵甘肅着改捐款  
事例捐職州同又遵土方事例加捐通判卽用  
選授泉州府通判調任澎湖于乾隆五年十月  
到任至七年十月二年俸滿仍留協辦期滿離  
任自此以後定以三年俸滿協辦之例停止

陸鵬浙江海鹽縣人康熙丁酉科舉人由奉化  
縣教諭卓異引見授連江縣知縣調任諸羅  
縣俸滿丁母憂起復回閩候陞實授泉州府通

判調任澎湖于乾隆八年六月到任至九年十一月在任病故

費應豫湖南巴陵縣人由拔貢官學教習保舉引見發閩以知縣用初任尤溪縣調任彰化縣俸滿委署澎湖廳于乾隆九年十二月到任十年二月爲特參婪賄等事叅革臺府范昌治案内緣事離任後于乾隆十四年陞授福寧府通判

鄒承垣江南無錫縣人雍正壬子科舉人癸丑科進士乾隆元年吏部保送道府知縣引見發

閩以知縣用初授南靖縣調任鳳山縣俸滿奉委接署澎湖廳事乾隆十年二月到任本年四月卸事離任

汪天來江南碭山縣人由監生考職州同遵戶部運糧事例加捐通判卽用乾隆元年六月選授福州府通判調任澎湖于乾隆十年四月到任至十三年三月連閏三年俸滿本年十二月卸事離任

楊琪漢軍鑲藍旗王廷臣佐領下人由吏部筆帖式陞建寧府通判丁憂起復發閩補用題授

漳州府石碼通判調任澎湖于乾隆十三年十月到任十四年六月在任病故

王如璋江西廬陵縣人由監生捐納州同加捐知縣卽用初任廣西遷江縣丁父憂起復補授湖廣廣濟縣知縣乾隆七年補行元四兩年大計奉叅才力不及降補福州府經歷調臺灣府經歷委護澎湖廳乾隆十四年七月到任本年十二月卸事回臺

何器江西豐城縣人由監生捐職州同遵預籌運糧等事例加捐通判卽用選授江南徽州府

通判丁母憂起復補選福寧府通判調任澎湖于乾隆十四年十二月到任至十七年十一月連閏三年俸滿十八年五月卸事離任

王祖慶江蘇華亭縣人由監生于乾隆十三年遵暫請開捐等事例加捐通判卽用選授漳州府通判調任澎湖于乾隆十八年五月到任至二十年六月因前署福清縣任內失察降調離任張塚直隸磁州人由附生捐貢遵江賑減四事例遞捐通判乾隆九年選授廣東惠州府通判丁憂起復補選福州府通判奉委署澎湖廳于

清江雜錄 卷三  
乾隆二十年六月到任本年八月奉文調補實授至二十三年七月連閏三年俸滿二十四年五月卸事離任陞邵武府同知

王 欒河南睢州人由監生遵舊江事例捐按察司經歷雙月卽用選授福建按察司經歷乾隆十九年計典卓異二十三年奏陞澎湖廳于二十四年五月到任至二十七年四月連閏三年俸滿本年六月離任

張思振山東齊東縣人由監生遵奏請暫開河工事例遞捐通判卽用選授興化府通判調任澎

湖于乾隆二十七年六月到任至三十年五月連閏三年俸滿三十一年二月離任

胡建偉廣東三水縣人乾隆戊午科舉人已未科進士乾隆十四年十一月選授直隸無極縣知縣歷任正定縣知縣丁母憂起復補選福鼎縣知縣調任未定縣乾隆二十九年三月署閩縣知縣兼署福州府糧捕廳三十年奏陞澎湖于乾隆三十一年二月十九日到任

巡檢之名始自唐初其時以李靖等十三人爲  
 巡簡黠陟大使事權如今日之督撫大憲嗣後宋  
 亦有都巡檢之職至元明巡檢則爲吏員是巡檢  
 一官乃古貴今卑之官也澎湖自元季時始設巡  
 檢一員經理斯土終明之代未有設官但元時所  
 設始終何年歷任何員無籍可稽姑闕疑焉可也  
 迨

巡檢附

國朝康熙二十二年平臺以後復設巡檢駐劄澎  
 湖改隸臺灣郡臺灣縣屬至雍正五年改設廳員

澎湖改隸臺灣郡臺灣縣屬至雍正五年改設廳員

乃裁汰斯缺閱年四十四載歷任者十有二人附錄于後俾考古者知設官之所自云

姚法唐河南祥符縣人吏員康熙二十三年在任病故

朱 縉浙江錢塘縣人吏員康熙二十七年任陞河南府照磨

胡廷鳳江南含山縣人吏員康熙三十二年任

林開彥直隸撫寧縣人吏員康熙三十五年任

李慧仁直隸安肅縣人吏員康熙四十一年任

耿 胡河南柘城縣人承差康熙四十五年任

陸 鑑順天人吏員康熙四十七年任陞雲南騰

越州吏目

喬 傑順天人吏員康熙五十二年任

李振宗江南江都縣人吏員康熙五十八年任

朱唯彰順天宛平縣人內閣供事雍正元年任後

以丁憂去任

鄭奎聚直隸通州人吏員雍正四年任是年以緣

事去官

羅開勳湖廣人吏員雍正四年任五年改設裁缺

另補



梁 樟字子章號馭菴陝西咸寧人也登康熙辛丑科進士第爲人老成持重不喜事矜功以縣令陞任澎湖時改設廳官不久一切章程多未就緒謹遵職守考定規條大小部署親自手裁其前廳有已行而不合功令者悉爲革除更念澎地多風少雨其于農事尤深惓惓焉卽如在長汀任時奉委赴長泰採買穀石一事長泰其舊治也乃上不廢法下不厲民邑人賴之任澎兩載餘不肯妄差一役妄役一民其治一以安靜爲主而事亦理焉論者以爲頗得政體云斯亦慈惠之師忠信之長也哉

周于仁字純哉號仙山蜀中安岳縣人領康熙戊子科鄉薦初任永春縣上憲以爲能調將樂令陞授澎湖遇事果斷天植之性也念調澎戍兵素稱驕悍欺凌澳社一繩以法不少假借民賴以寧雍正十三年奉行清查地畝勸民首墾墾地一百四十餘畝報陞網繒滬稅三十餘兩資給牛種耕具吏無侵漁民沾實惠俸滿後因病告假回籍澎人建祠祀焉

胡 格湖廣江夏人也字壽平號勗夫登康熙丁

西賢書歷任泰寧詔安同安晉江四縣作令八載兩調繁疆上游稱其才堪肆應甚器重焉乾隆三年奏陞澎湖廳因晉江任內國課尾欠格于吏議仍委署廳事四年保舉行取留任候陞主政任澎兩載蒞事治民不憚勞怨訟無留牘其亦吏事之能者哉

陸鵬字西溟號敬齋乃浙之海鹽人也舉康熙丁酉科孝廉初授奉化學教諭訓士有方以卓薦陞連江縣知縣調任諸羅其在諸羅也安集流寓輯柔番社臺陽四令治稱最焉俸滿以丁

母孺人艱去任起復旋閩陞泉糧廳奉調澎湖下車之日首隆勸學每月月朔聚諸生于媽宮公所課以文藝兼崇尚品行不徒爲詞章之學蓋出曩時教奉士之教以教澎也爲人和平樂易禮士愛民其循良之吏也歟後以病卒于官澎人哀思如失怙恃云



賦各

海祥

貢登

錄目

孤學

學錄

書刻

學效

文事錄目錄

澎湖紀畧卷之四

澎湖紀畧卷之四

嶺南胡建偉勉亭纂著

文事紀

學校

澎湖學校隸屬臺郡遠隔大洋三百餘里以故仰  
 車服而神馳者未免觀波濤而心慌也粵稽七閩  
 夙稱海邦鄒魯如唐觀察李公椅之振興學校常  
 公衮之獎掖生徒爾時歲貢士于宗伯者率與中  
 州並齒人有稽古之榮士懷不學之耻此閩省風  
 氣有開必先也洎乎有宋海濱四先生出楊羅李

濠洲縣志卷之四  
朱接踵挺生道學淵源遠承洙泗近紹洛濂猗歎  
盛矣然此皆內郡之儒日得親炙乎禮樂詩書之  
澤者然也若夫海外荒陬時猶未洽焉迨至

國朝文教覃敷德威遠播討平鄭逆卽裸人番社  
無不被以詩書此真追隆四代遠邁唐宋者也澎  
入版圖于今八十餘年矣久道化成浹于骨髓無  
不家禮讓而戶絃歌惟是蕞爾彈丸孤懸巨海秀  
杰之士觀光有志較諸內郡儒生近炙宮牆日夕  
講貫者其厯高山之仰生景行之思尤爲真切而  
專篤也

茲于乾隆三十二年四月有歲貢生呂崑玉等以  
一件隔洋赴考維難懇恩轉詳就澎童試造冊送  
道俾貧寒得遂觀光等事聯呈具請伏查澎湖原  
隸臺灣縣隔離大洋水程五更上年十月間臺邑  
示考當卽傳諭諸童領照赴臺應試乃人人皆稱  
守候縣府兩試迨至道考無論進與不進總需半  
年有餘寔在盤費艱難不能前往爲辭竟至百無  
一應以致十餘年來久無進學入泮之人卑職只  
得就每月在署歷課文理稍優者捐助養廉資其  
盤費給與印照再三勸諭僅有九名縣試考在前

列者三人府試考在前列者亦有三人現在道憲  
考試取錄入泮者三名是過臺應試僅止十分之  
一已得列名鬢序者三人而在澎之不能應試者  
尚有十分之九無不人人欣慕人人嗟嘆甚至皓  
首窮經未得一預童子之試者比比皆是此種情  
形寔堪矜憫今據輿情籲懇轉詳就澎湖試造冊  
送道以免縣府兩試守候仍附入臺灣縣童生額  
內一併憑文取錄俾人人均得青雲有路等情前  
來卑職伏查廣東南澳同知所轄地方童生俱歸  
該同知衙門考試仍附饒平縣額內進學今澎湖

遠隔大洋較之南澳更爲艱苦可否倣照辦理再  
查于定額旣無關礙又非增廣額數似可無庸  
題達咨部卑職目覩情形不敢壅蔽不陳理合據  
情轉稟是否可行伏候 憲裁批示飭遵荷蒙  
各憲批飭議詳奉藩憲錢 查得澎湖通判胡  
稟請澎屬童生就澎考試造冊送道附入臺灣縣  
額內憑文取進一案奉 憲臺批司移關臺灣道  
確查妥議通詳等因遵卽咨移臺灣道議覆澎湖  
地方係臺灣縣管轄歲科兩試童生向由該縣錄  
送祇緣澎湖孤懸海島距臺郡相隔大洋各童領

照渡臺由縣而府閱卷發案造冊錄送道考竣日始得回澎動逾半載單寒之士資斧維艱裹足不前是以習儒業者百有餘人而應試者止有數名望洋咨嗟殊堪矜惜自應籌酌變通以廣造就查廣東潮州府南澳同知所轄地方童生亦因遠隔洋面俱歸該同知衙門考試仍附饒平縣額內取進成例可以做照請將澎湖童生准在該通判衙內就近扃試造冊送道移府備案免其縣府兩試仍附入臺灣縣童生額內一體憑文取錄不必酌定取進名數通融辦理等由移覆前來本司查澎

湖地方係臺灣縣管轄童生考試向歸縣籍今據該府縣以各童盤費維艱守候需時援照南澳同知所轄地方俱歸同知考送之例議就澎考錄送道仍附入臺灣縣額內一體憑文取錄不必酌定取進名數通融辦理寔係作養人材體恤貧儒之意似屬可行應如該道府所議澎湖童生俱歸該通判衙門考送至澎湖童生現無廩生保結識認應請責成該通判查照烟戶門牌入籍二十年以上現有田墓廬舍方准應試道考時仍着臺學廩生保結識認俟將來澎籍補廩有人再歸就近保

結以專責成再縣考廳考事同一轍既非增數廣額亦于學政並無紛更似可無庸

題咨理合核議詳覆伏候 憲批飭遵等因奉督憲蘇并署撫憲蘇 批如詳移行遵照于乾隆三十一年閏七月准本府鄒關移到廳卽于本年丁亥歲科考爲始就澎局試遵奉詳定章程辦理錄送道考與臺邑童生憑文較試蒙取入泮者又復獲雋三人焉查澎湖數十年來只有生員七人今蒙

列憲恩准就澎童試儒林踴躍以故列名鬢序者四考增進一十三人日新月異澎士之興其可量耶從此更加奮勉文行交修則德業聯鞭科名接踵以無負  
列憲作育之恩則又區區之私所厚期者也

書院

浚儀王氏曰漢初郡國往往有夫子廟而無校官且不置博士弟子員其學士嘗課試供養與否不見經傳然諸儒以明經教于其鄉率從之者數百人齊魯燕趙間詩書禮易春秋論語名家者甚盛則設書院昉是矣蓋庠序未修士病無所于學相

與擇勝地立精舍為羣居講學之所若石鼓嶽麓  
白鹿睢陽世所謂四大書院是也閩士之興寔始  
于唐爾時書院有無建置編閱閩志並無載籍可  
稽惟自宋咸淳三年將樂邑人禮部尚書馮夢得  
奏建龜山書院度宗勅賜龜山書院四字匾額仍  
詔郡縣撥田奉祀兼惠養諸生此閩省書院之設  
其可知者寔肇端于此也迨至明代建置甚廣初  
未聞有書院之禁自嘉靖十七年吏部許讚始言  
按司府多建書院以聚生徒供億科擾亟宜撤毀  
從之又萬歷十年張江陵當國以言官之請槩行

京省查革書院當時士論不協竟亦不能盡撤也  
彼時守土者所建書院名為學舍陰寔生祠借講  
學之地以為奉祀之所所謂作養士類寔乃具文  
以致垂為厲禁盖亦咎有由屬也若夫右文重士  
則

國朝寔有度越千古者焉如會城鼇峰書院于康  
熙五十年

聖祖仁皇帝親灑宸翰

御賜三山養秀匾額

龍文鳳藻炳耀東南壽考作人允稱極盛雍正十

一年

世宗憲皇帝又命各省書院延師督課

頒賜帑金一千兩永資膏火書院之教從此益興  
乾隆元年當今

皇帝御極之初卽頒

諭旨慎延講席選擇生徒肄業其中并令酌仿朱  
子白鹿洞規條立之儀節仿分年讀書之法予之  
課程務欲令諸生檢束身心貫通經史爲世通儒  
復于乾隆五年以學者入德之方在乎辨志爲已  
訓飭 太學諸生大哉

王言誠萬世爲學之標準也

列聖相承文教覃敷無遠不届在興化則有考亭書  
院泉州則有泉山書院漳州則有龍江書院延平  
則有道南書院建寧則有文定書院邵武則有崇  
賢書院汀州則有龍山書院福寧則有正學書院  
臺灣則有海東書院以至二州六十四縣與夫通  
都巨鎮亦莫不設有書院以爲士人敬業樂羣之  
所猗歟盛矣惟澎湖一隅自入版圖于今八十餘  
年向未設有書院而教官則又遠阻大洋三百餘  
里寔膠庠之所不及者也生童有志稽古而問道

無門學鮮良師致有望洋而嘆是何異百工而不居肆欲其制器尚象以期得心應手豈不難哉余非知學者也然濫叨斯職則化民造士有不容辭焉者矣乃于下車之始卽進生童而校閱之士多秀杰但狃于聞見無人指授聰明俊彥終于汨沒殊可惜也嗣于公餘之暇纂輯諸儒入德之方讀書之法作文之式以爲模範季課月考人品學業漸見成效澎地一十餘年以來並無入泮之人今歲試獲雋者三人寔澎湖向未曾有之事也以故人皆鼓舞時則有貢生許應元張綿美監生蔡聯

輝等呈請捐創書院以惠士林隨卽稟明本道與憲張公札商本府秦公俱蒙報可余乃捐廉百兩以襄衆美擇文澳之勝地創建焉經始于乾隆丙戌之孟冬落成于丁亥之孟夏中爲講堂三楹匾曰鹿洞薪傳中祀朱子兩程子周子張子五賢前則頭門三間中架爲樓樓上祀魁星之神後爲後堂三間中祀文昌之神左右兩間以爲山長住居之所至于東西兩面翼以書室各十間以爲諸生讀書精舍統榜曰文石書院文石者澎產也其石五色繽紛文章炳蔚石之文何莫非人之文也因取

而名焉獨是講學有所而周歲師生膏火之需更當爲之計長久也昔文翁教蜀凡力學之士數以刀布贈遺孔文舉興學好賢范希文恤儒周因此數君子者有惠士之心而力又足以副之迄今千載而下想其遺風猶令人悠然意滿也及閱臺灣郡志于海東書院條內大書貢生施士安捐田一千畝以爲院內膏火一節則又拍案驚奇不覺爲之起舞語云求士于三代之後惟恐其不好名信哉今澎湖書院一切善後事宜蓋亦大費躊躇矣以視夫登高一呼羣山響應得爲而爲者相去又

當何如也耶

一曰重人倫

古者庠序學校之教皆所以明人倫也是人倫者非教者之所最重而爲學者之所必先也哉試思人生那一日不與五倫之人相周旋聖賢那一言不與五倫之理相發明孟子曰規矩方員之至也聖人人倫之至也又曰堯舜之道孝弟而已矣朱子白鹿洞規條首列父子有親君臣有義夫婦有別長幼有序朋友有信五教之目以爲學者學此而已而博學審問慎思明辨篤行則所以學之也

若夫修身處事接物之條皆在所後焉蓋人倫之理命于天則謂性率于性則謂道性與天道乃學問之大原而其寔不過于人倫日用之間各盡其當然之寔自可以爲天下後世法如中庸一書其大無外其小無內放之則彌于六合卷之則退藏于密言至誠至聖以至于上天之載無聲無臭至矣無以復加矣而其中之得力則寔在三達德以行五達道以馴至乎其極而已豈有他哉然人倫固在所重而孝爲百行之原則又五倫之本也人能善事父母必篤于兄弟和于妻子求忠臣必于孝子之門至性厚者朋友亦不薄以至明天察地通于神明光于四海何一而非孝之所推暨乎倘身列宮牆而門內多慚至性滋薄以視反哺之鳥跪乳之羊物且不如矣安望其忠君信友親親長長也哉清夜自思何以爲人何以爲子更何以謂之學者可不惕然而知所重耶

二曰端志向

志者心之所之也凡人心之此之彼志必先爲之向導而後心乃從之而往也如行路者欲往東志必先向東而去欲往西志亦必先向西而行是志

之有向正如射者之有鵠也故學者之志未有所向不端而可以有爲者也禮曰一年離經辨志蓋言童稚就傅之年必先使之志向先端而後可以漸進以至于智慮通達而爲大成之候也卽如孔子至聖也亦必自十五志學而後能從心所欲不踰矩朱子曰書不記熟讀可記義不精細思可精惟有志之不立直是無着處世人讀書不志道德而志功名所向已差了况所稱功名亦只是科第耳官爵耳非真欲建功立名以垂不朽也以富貴爲功名富貴之外復有何求趨向不端宜其所學

皆非也毫釐之差千里之謬正在于此今生童中儘有穎異之資止是志向不專爲習俗所染未能掉脫卽勉強從學或作或輟口耳之功且難更何有于心性之學光陰坐廢卒無成就殊可惜也試觀漢儒董仲舒下帷發憤潛心大業三載不一窺家園宋范文正公斷齋劃粥勤苦勵學做秀才時便以天下爲己任此何等志向也爾諸生可不勉哉

三曰辨理欲

凡人莫不有性性卽理也性發而爲情情動而欲

生焉此危微之介聖狂之分也而可不辨乎哉劉子云烟生于火而烟鬱火冰生于水而冰遏水故烟微而火盛冰泮而水通性貞則情銷情熾則性滅是以珠明則塵埃不能附性明而情欲不能染也又曰將收情欲先歛五關五關耳目口鼻身也蓋言五關不被則五德不得而入也五德仁義禮智信也即如孔子論仁必先從富貴貧賤說起者夫人必能于富貴不處貧賤不去則取舍之分明取舍之分明斯存養之功密庶可漸至于終食不違仁而造次顛沛必于是也學者果能于此間辨得明守得定壁立于

仞之上何難與聖賢同歸也哉東莊學約有云米鹽妻子庶事應酬以道心處之無非道者苟使縈懷豪傑志氣不難因以損盡彼如應舉一事在明理者入場赴考認題作文不過將平日之學養發聖賢之理道至于取中與否則聽其在天毫無僥倖之想今人則一團欲心入場必思詭遇擬題藍本無所不至朱子曰非科舉之累人人自累科舉耳又云居今之世雖孔子復生亦必應舉豈能累孔子耶天理人欲同行異情有如此者可不辯乎

四曰勵躬行

呂獻可嘗言讀書不須多讀得一字行取一字伊  
川程子亦嘗曰讀得一尺不如行得一寸蓋讀書  
不力行只是說話也今人生聖賢之後凡我身之  
所未行者皆古人之所已行而筆之于書者也故  
誦讀時不可看做書是書我我書與我兩不相  
干必如朱子所云須要將聖賢言語體之于身如  
克己復禮如出門如見大賓等事須就自家身上  
體覆我寔能克己復禮主敬行恕否件件如此方  
爲有益又如顏氏所云未知養親者欲其觀古人  
之先意承顏怡聲下氣不憚劬勞以致甘軟惕然  
慚懼起而行之也未知事君者欲其觀古人之守  
職無侵見危授命不忘誠諫以利社稷惻然自念  
思欲效之也素驕奢者欲其觀古人之恭儉節用  
卑以自牧禮爲教本敬爲身基瞿然自失斂容抑  
志也素鄙吝者欲其觀古人之貴義輕財少思寡  
欲忌盈惡滿賙貧恤匱赧然悔耻積而能散也引  
而伸之推而廣之事事皆根本古人之成法做去  
卽讀得一句行得一句矣不亦躬行寔踐之君子  
也哉

五曰尊師友

傳道解惑莫重于師勸善規過必資于友是師友者乃人生德業之所藉以成就者也書曰主善爲師又曰師道立則善人多禮曰獨學無友則孤陋而寡聞師友顧不重哉孔子云君子哉若人魯無君子者斯焉取斯蓋言子賤能尊師取友以成其德故夫子稱之也考之古人未有不尊重師友者也卽如宋賢楊龜山游定夫侍伊川程子之側程子偶瞑坐楊游二子侍立不去程子旣覺門外已雪深三尺矣古人之尊師重道有如此者至于朋友朱子所謂五倫之綱紀者是也人或于君臣父

子夫婦昆弟中有難言之隱不白之情積成嫌怨得一良友爲我排釋爲我解紛委曲周旋維持調護俾得相好如初其有益于人者更爲不淺况乎勵行勸學質疑問難讀書作文無一不取証于友其所係之重又有如此者詩曰他山之石可以攻玉不信然乎乃世之人無尊師之誠心取友之寔意視師友如過客路人豈不可哀哉極其所謂尊師者亦不過厚修脯隆節儀以此爲敬而已其于尊德樂道則槩乎未之有講也待朋友雖極深情厚貌亦僅以酒食往來爲親密笑言通脫爲莫逆

而已求所謂以文會友以友輔仁者則又安在也  
爾諸生當以古人自待以今人爲鑒也

### 六曰定課程

記曰比年入學中年考校一年離經辨志三年視  
敬業樂羣五年視博習親師七年視論學取友謂  
之小成九年智慮通達謂之大成此古人爲學之  
次第法程也矧今人欲學古人而可無法也哉孟  
子言大匠誨人必以規矩學者亦必以規矩課程  
者卽匠之規矩也欲讀書者課程可不定乎而課  
程之法則莫有善于程畏齋分年日程之一法也

其法本末兼該體用具備陸清獻云此非程氏之  
法而朱子之法非朱子之法而孔孟以來教人讀  
書之法也其尊信有如此者今院內仿依此法令  
諸生各置一簿以爲每日課程記本日讀何書何  
處起止或生書或溫書并先生所講何書午間何  
課夜間何課一一登記簿內從寔檢點不得虛張  
濫記積日而月積月而歲歷歷可考工夫有常自  
然長進每五日又于已熟之書按簿抽背一次或  
余于公事之暇到院亦按簿抽背以驗其生熟如  
有從頭至尾背念一字不忘者卽給送紙筆之資

以獎其勤能倘有妄自開寫簿內背念不熟者卽申飭示罰以爲怠惰者儆至于作文每十日作文一篇五言排律詩一首夏日則加策一道務須盡一日之力以完此課不許繼燈給燭平日用功以看書讀書爲急不比場前要多作時文以熟其機也每日講書後要看書先將白文理會一徧次看本註次看大全等講章如此做工夫則書理自可漸明四書旣明則經學便勢如破竹矣

七日讀經史

經經也史緯也學者必讀經而後可以考聖賢之成法則亦未有不讀史而可以知人論世者也是十三經二十二史非學者所必讀之書而爲學問之根柢者哉今國家取士鄉會第二場試經義四篇固所以重經學也至于第三場多有以史事策試者史學亦何嘗不重是經之與史有不容以偏廢者也自世之學者以讀書爲作文而設如薛文清所云學舉業者讀經書只安排作時文料用與已原無相干故一時所資以進身者皆古人之糟粕終身所得以行事者皆生來之氣習與不學者何異然此等讀書雖無心性之益猶有記誦之功

也惟近來場中擬題一件最爲惡陋其不出題者忽而不講卽出題之處亦不過畧曉大意僅能敷衍成文而已更有剽竊雷同卽章句亦多茫然也本經如此他經可知又安望其兼讀諸史以爲淹通之儒耶但人之質性不同敏鈍各異槩令其服習熟讀經史亦非易事然亦有法焉可以循序漸進也則莫如仿歐陽文忠公限字讀書之法準以中人之性日約讀三百字四年半可讀畢四書五經周禮左傳諸書依此做去則史亦可盡讀也亦惟勤者能自得之耳學者果能如朱子所云抖擻精神如救火治病然如撐上水船一篙不可放緩如此着力去讀則又何書不可盡讀耶寧第經史而已哉

八曰正文體

文所以載道也穠纖得中修短合度莫不有體焉是體也者乃文之規矩準繩也而可不正乎今朝廷取士重科舉之業文取清真雅正上以是求下以是應固已文無不純體無不正矣平淡奇濃各具一體均堪入彀至于膚淺卑弱之文雖不中程式然此等文字如人生質微弱病在標末元氣

未曾傷損服以湯劑飼以粱肉自然日就強壯猶  
可以爲完人也惟有一種艱深怪僻者以荒誕爲  
新奇以僻道爲超脫何異病入膏肓外強中乾縱  
有扁和亦豈能以救藥也哉凡此者皆托名江西  
派之一說有以悞之遂日復一日沉溺而不知返  
也夫江西五子之文或意在筆先或神遊題外自  
成一家機杼然按之題位題理依然一絲不亂此  
文之所以可貴而可傳也今人無此本領但剽竊  
險怪字句以塗飾耳目牛鬼蛇神欲以欺人適以  
自欺而已然余以爲欲正文體更當先正題目如  
欲出搭題以試學人之靈思妙緒亦不得過爲割  
裂以致首尾不貫上下無情近見坊本率多牽搭  
如兩馬之力與齊饑等題學者遇此亦安得不無  
中生有支離附會耶是何異策泛駕之馬而欲其  
範我馳驅按轡和鈴以遊于康衢九達之上豈可  
得哉

九曰惜光陰

人生百歲三萬六千日光陰盛矣而其中可以讀  
書之年則自七八歲至三十歲僅有二十二三年  
而已卽陸桴亭分年讀書之法所言自五歲至十

海海系畧 卷四  
五歲十年誦讀十五至二十五年講貫二十五  
至三十五十年涉獵亦總不出三十年之外也讀  
書之日寧有幾乎子曰年四十而見惡焉其終也  
已又曰四十五十而無聞焉斯亦不足畏也已蓋  
人至四五十歲血氣漸衰精神日減眼目近花記  
性亦緇禮言四十而仕五十服官政未聞此時而  
始向學者也余觀今人讀書暴棄者固多姑待者  
亦復不少謂今日不讀有明日今年不讀有明年  
不知眼前一刻卽百歲中之一刻也日月其除揮  
戈難及嗟何及矣今幸書院落成爾諸生萃處其

中晝則明窓淨几夜則熒燭焚膏真有讀書之樂  
矣正宜勵志潛修及時勉學斷不可羣居燕坐三  
五間談以致耗費精神荒度時日也若遇芳辰令  
節放假一日者是亦玩物適情所以暢發其天機  
之一道如樊遲從遊于舞雩不忘崇德之問則遊  
亦豈能廢學也哉至家中有事或日久歸省亦人  
情之常不能免也但必回明先生告假登記簿內  
限日回銷總不得有逾五日之期昔樂羊子遠學  
來歸其妻乃斷機相戒婦人尚且知學如此倘無  
故頻頻告假思家不惟見怪于師友亦且有愧于

婦女安可以有限之光陰而漫不加珍惜也歟

十曰戒好訟

昔人有言餓殺莫做賊氣殺莫告狀夫賊者害人  
之名人而爲賊鄉評之所不齒國法之所不容賤  
惡極矣而謂告狀者似之亦以告狀之人虛詞架  
陷敗人名節傾人身家與賊無別事異情同所以  
深著其害而重以爲戒也卽如易以天水名訟卦  
義外剛內險或前剛而後險或彼剛而此險兩不  
相下而訟以興焉是好訟之人未有不剛險者也  
人而好訟大抵其人必貪暴而尚氣機械而詭詐

率其剛險之性明則舞文弄法暗則射影含沙或  
恃已之健訟而顛倒是非或唆人之爭訟而混淆  
曲直深文以期其巧中構釁以圖其重酬無知者  
稱其訟師有識者鄙爲訟棍此種人品寔鄉黨之  
鬼魅而名教之罪人也縱或法網偶疎時有吞舟  
之漏卽天地神明亦斷不爲之少寬也已試以訟  
事言之告狀之時每日衙前伺候或官府出署則  
攔路下跪或坐堂放告則階前俯伏官呼役叱覩  
顏忍受其苦一也如或不准又須再告倖而准理  
出票之時承書措勒萬狀刁難乃下氣怡色委婉

順從過于孝子之事其父母及至差役到家則有  
接風酒下馬錢恭迎款待甚于賢賓嘉客一有不  
當意之處則飲爾酒發爾酒風無所不至其苦二  
也及至臨審一切保隣詞証又需供養酒樓茶館  
任其燕遊百計逢迎總欲藉其左袒又有派堂雜  
費一班衙頭皂快如餓虎逢羊必無生理非遇廉  
察之官身家必致立破且伺候聽審自辰至酉寸  
步不敢遠離驚心弔膽忘饑失食若遇衝繁地方  
職官因公他出又須收牌另示十旬一月未有定  
期其苦三也至于審後水落石出輕則戒飭重則

問擬有何好處而樂爲此耶爾諸生讀書明理心  
氣和平旣無剛險之性倘有非禮之加橫逆之投  
情遣理恕何難渙然冰釋卽或萬不得已務要申  
訴官長而據事直書仍不失爲忠厚之道則有中  
惕之吉而無終訟之凶慎毋恃官府待我厚而奔  
走公庭毋恃衙門爲我熟而鑽謀蠹吏守卧碑之  
訓而一意詩書品端行潔誰不愛而敬之苟其不  
然卽使爾諸生身爲職官見此等好訟之人有不  
疾而惡之者幾希矣

社學之名其卽古之小學乎周禮鄉有黨正卽一黨之師也有州正卽一州之師也下而爲比閭胥上而爲鄉遂大夫皆師也又仕焉而已者教於閭里稱曰鄉先生故學記曰家有塾黨有庠術有序黨遂有學閭里以上可知也明洪武倣周禮詔天下每五十家設社學一所延秀才之有學者訓迪軍民子弟社學之設權輿于此矣若閩南則于天順間督學游明命每廂里增設社學二所立教條復其身後遂著爲令繼而督學潘璜復檄有司城必立社學聘學行生員以主之而民間之塾則選士之良者復其身有教約以誓社師有教法以訓蒙士閩志稱郡邑奉行者有彬彬鄒魯之風云但其所布教約教法今不可得而考矣然此皆內郡事也至

本朝平定澎臺教育之廣更遠訖于荒陬遐島卽裸人番社亦莫不設有社學何第中土而已耶以故澎湖一十三澳俱有塾以訓童蒙大澳三五處小澳亦不下二三處雞牕燈火大非蛋雨蠻烟之舊矣但學必有師師必有法然後教可成而學可興易曰蒙以養正聖功也社學雖小實乃大學之

根柢此時入手一差後卽難挽不可不慎也必如  
呂司寇所云選社師務取年四十以上良心未喪  
必有良心始不悞人子弟志向頗端之士不拘已未入學如果  
見識近正音韻不差文理粗通講解亦是者撥爲  
社師此擇師之法也又云初入社學八歲以下者  
先讀三字經以習見聞百家姓以便日用千字文  
亦有義理刊布社學令之學習念書先要數字次  
要聯句次要一句緊一句眼矚定則字不差心不  
走則書易入句漸緊則書易熟遍數多則久不忘  
每講書就教童子向自家身上體貼這句話與你

相干不相干這章書你能學不能學仍將可法可  
戒故事說與兩條令之猛省他日違犯卽以所教  
之書責之庶幾有益身心至于作文寫字歌詩習  
禮俱足以長其德性而又有五禁以防其佻達十  
戒以飭其行檢此教之之法也榕門陳中堂稱呂  
司寇因人立教卽知卽行爲懇切而精要眞篤論  
也余竊取其法而行之每歲于二月中旬傳齊澎  
屬社師考較一次并倣程純公之法于因事下鄉  
時親詣塾館將兒童所讀之書正其句讀若教之  
不善者則易置焉其勤而得法者旌獎之童子能

背書能解說并能熟念

聖諭廣訓者即給予紙筆以為鼓勵否則訓誨之使有勸有耻社學之教庶幾由是而興乎

### 科目

進士之科始于隋大業二年盛于唐貞觀永徽之朝當貞觀初放榜日太宗私幸端門見進士于榜下綴行而出喜謂侍臣曰天下英雄入吾彀中矣以故縉紳俱以由進士出身者為美其時賢良之外有明經明法明書明算一史三史開元禮道舉謂通老莊學者俊士童子與進士共十二科而所重者惟

進士而已試進士時務策五道帖一經全者為甲第通四者為乙第調露二年加試雜文天授元年始親策進士于殿前神龍二年方行三場試加詩賦并列詩賦題目于榜中每歲放榜不過三四人其都會謂之舉場通稱謂之秀才投刺謂之鄉貢得第謂之前進士時有詩云會題名處添前字送出城人乞舊衣互相推敬謂之先輩俱捷謂之同年有司謂之座主京兆府考而升者謂之等第外府不試而貢者謂之拔解既捷列名于慈恩寺塔謂之題名大燕于曲江亭子謂之曲江會閩省舉進士自神龍二年丙

辰福寧州薛令之始及第此閩進士之始也乃韓文公謂閩人舉進士自歐陽詹始非也詹成進士於貞元八年距神龍二年中隔五帝後九十年且薛之後尚有晉江蔡沼莆田林藻俱在詹之前其非詹始歷歷可考也而以詹為言者詹時為宰相常袞所重頗有文名為國子監四門助教與韓公同事故因而稱之耳五代時科制無考宋代設科仍因唐制進士試詩賦雜文各一首策五道帖論語十條帖春秋或禮記墨義十條或得四或五六者七人則對云某某七人此外尚有九經五經三有不能記憶則云對未審

史三禮三傳學究明法等科而進士之科為盛殿試加論一首而以三題為準榜分三甲皆始于太平興國年間至治平時始定三年一開科熙寧三年始頒經義式取士此時文八股之始也而殿試專以策分為五甲焉元祐初分經義詩賦論策為四場紹興中分經義詩賦為兩科亦以進士為重其曰特奏名者以別于奏名進士也始于開定三年詔貢士十五年終場文雖不合式毋許黜落各賜本科進士出身此特奏名之恩例也凡不第舉人未階以

入仕也元亦無鄉舉出仕明始以舉人宰邑至推恩特奏則不復鄉

舉矣元代至仁宗皇慶三年始賓興賢能設進士科而罷特奏名之例由行省鄉試次年禮部會試每科分蒙古色目人爲左榜漢人南人爲右榜而試目各殊其試目初場試經疑二問經義一道二場古賦詔誥表章內科一道三場試策一道明初罷詞賦專以經義取士洪武初三場後十日試騎射書算律後皆罷洪武三年始開科舉以秋八月鄉試明年春二月會試四年五年連試六年詔停科舉令有司察舉賢才至十七年始頒行科舉式定以子午卯酉爲鄉試期辰戌丑未爲會試期第

一場四書義三道經義四道未能者各減一道二場論一道判五條詔誥表內科各一道三場試經史時務策五道未能者許減二道鄉試中式赴京會試再中則殿廷親試傳臚賜宴第一甲賜進士及第第二甲賜進士出身第三甲賜同進士出身第一甲三人首名稱曰狀元次名稱曰榜眼三名稱曰探花皆極美之名也至

國朝開科悉仍明制康熙二年裁三場爲二場而罷書義八股之文頭場試時務策五道次場四書論一篇五經論一篇表一道判語五條康熙七年

仍復三場初場四書文三篇經文四篇二場論一篇表一道判語五條三場時務策五道乾隆二十一年定以初場四書文三篇二十三年加性理論一篇二場經文四篇表文一道二十二年二場表文易以五言八韻唐律一首三場策五道其表文判語俱行刪省會試以丁丑科爲始鄉試以己卯科爲始至於臺郡科額康熙二十六年提臺張雲翼奏准臺郡鄉試另編字號取中一名康熙三十四年前督憲郭世隆奏撤另號通省勻中雍正七年巡臺御史夏之芳奏復另號額中一名雍正十

三年前撫憲盧焯奏准于本省解額之外加增臺郡中額一名以故每科臺郡額中二名另編臺字號定爲例乾隆四年巡臺御史諾穆布等奏請臺郡會試照鄉試另編臺字號取中一名部議臺郡士子來京至十名以上再行奏聞恭請欽定今澎湖之士科目其有待乎然英才不擇地而生如邱文莊海忠介皆產于瓊崖儋耳之墟應科目而興文章政事拔萃中州澎之士其可易量耶傳曰百年之計樹人此其時乎余將拭目以俟之矣

貢途

貢途則有歲恩拔優副榜之分統名曰貢生考唐  
宋元俱無正科惟明洪武十六年始令天下府州  
縣學歲貢一人入國子監肄業此貢途之始也洪  
武二十五年令府學一年貢二人州學二年貢三  
人縣學一年貢一人正統六年定例府學一年貢  
一人州學三年貢二人縣學二年貢一人著為令  
俱以食廩年深之人挨次出貢故又謂之挨貢宣  
德八年令天下生員年四十五以上者考選貢國  
子監天順五年令天下廩膳增廣生員年四十以  
上者考選貢國子監此則所謂拔貢也然亦特詔

舉行非著為定例也若夫援例貢國子監則自景  
泰三年時始至

國朝歲貢亦仍明制而恩拔副榜優貢則有加焉  
康熙三年罷歲貢九年復行歲貢恩貢者則遇有  
覃恩之年各學以正貢作恩貢次貢作歲貢此特  
典也拔貢于雍正五年定以六年選拔一次乾隆  
七年奉

上諭從前選拔或數十年一舉或二十年一舉今  
則六年一舉為期太近應酌量變通嗣後着定為  
十二年選拔一次永為定例試自乾隆十六年定

以頭場書文二篇經解一道二場策一道性理論一篇五言八韻詩一首刪去判語一條俱歸學政考試府學拔取二名州縣學拔取一名副榜者則于鄉試中式舉人之外另列一榜名爲副榜明時雖有張榜並不准貢至

本朝始一體准作貢生謂之副榜貢生每科按大中小省定爲中額至于優貢雍正四年奉

上諭嗣後學政三年任滿將生員中寔在人品端方有爲有守之士大省舉四五人小省二人送部引

見親加考試酌量擢用現遵例行學政三年任滿舉報優生升入太學大省五六名中省三四名小省一二名寧缺毋濫澎湖隸屬臺學今歲貢之士已有二人焉其亦有開必先也哉

武科

古者士列于庠序有賓客則射值祭祀則射別士之行同從偶則射平時以此教養三載以此賓興射豈專屬武事哉自漢武帝詔吏民有茂才異等可爲將相者成帝詔舉猛勇知兵法者此亦特詔舉行固未嘗異其科也至唐武后始別立一科謂

海河紀畧 卷四  
之武舉其制有馬射步射又有馬槍身材等選遂與進士並立開元間詔兩京諸路各置太公廟以張良爲配始有武學焉宋開寶間罷試武舉仁宗朝因富弼蘇洵言武舉宜如舊復之乾道後詔及第補授皆倣進士恩例淳祐四年遂親閱武舉進士射明初訓士有武學科目有武舉除吏有武選成化十四年太監汪直請武舉設科如進士例下部條議劉大夏言宜倣唐宋故事損益鄉會二試事例乃詔次年四月開科初較騎射以九矢中四爲合式次較步射以九矢中二爲合式三試策論

優者列職論官至

國朝開設武科鄉試中式者爲武舉會試中式者爲進士武進士亦分一甲二甲三甲傳臚及第賜宴與文進士並隆焉鄉會考試之法初考馬箭遠射三回中四箭者爲合式次考步箭遠把以五十步爲程射九箭中二箭者爲合式并考弓刀石分頭二三號名曰技勇合式者再射近把考內場試策二道武經論一篇康熙四十九年兵部會同九卿議覆山西太原鎮馬見伯條奏考試武生武童用論二篇第一篇論出論語孟子題第二篇論出

孫子吳子司馬法題鄉會試照此例行刪除六韜  
三畧等書出題乾隆二十四年兵部議覆御史戈  
濤條奏考試外場弓刀石三項必有一二樣頭號  
技勇方准入內場其三號者不准合式至考內場  
亦應如該御史所奏將四書論一篇裁汰止存武  
經論一篇策一道以歸簡易乾隆二十五年兵部  
議覆江蘓巡撫憲陳宏謀條奏考馬箭射二回共  
射六箭復考地毯一回總以中三箭者爲合式考  
試步箭將向例五十步之遠把改爲三十步每人  
各射六箭以中二箭者爲合式其馬弓以三力爲

率步弓以五力爲率投文時報明臨時抽驗如不  
及者不准合式加者聽其自便又乾隆二十四年  
部議將雙單好者列于甬道東號房合式者列于  
甬道西號房彼此分別中隔甬道無從跳越尋覓  
代倩乾隆二十七年大學士管兵部尚書劉統勳  
議覆本部侍郎王際華嗣後武科鄉試除雙單好  
字號外無庸另立合式字號其坐號自可均勻派  
撥無庸分列東西但合式一項旣經裁去則雙單  
好字號應視各省中額酌量人數較從前挑取量  
爲增加以備內場採擇此武科之源委也臺郡武

舉歷科皆此隆內地亦海外之雄駿也哉詩曰公  
侯干城吾于澎之士有厚望焉

### 題名

孝經有云立身行道揚名于後世以顯父母孝之  
終也士人應科目而興非得君行道以顯父母時  
乎宋神宗廷試進士考定首選焚香祝曰願得忠  
孝狀元可見教孝教忠上求下應科目之名是卽  
忠孝之名而非聲華之名也世顧以浮名目之者  
何哉朱子曰居今之世雖孔子復生亦必應舉朱  
子言此豈孔子亦務名者耶陸子以爲學問思辨

篤而行之由是而進乎場屋其文皆道其平日之  
學胸中之蘊以此而成名其不可與僥倖名場詭  
遇獲售者同日而語也明矣以故上焉者狀頭甲  
第名題雁塔次焉者賢書鄉薦名標虎榜卽至明  
經拔雋亦聲振儒林名登天府寔至名歸夫何愧  
焉使身列膠庠沒世無聞亦君子之所疾也名顧  
不重哉考閩省科目志進士舉貢各爲分別冊頁  
隔越未得一目瞭然惟倣歐譜之式則三途並著  
較若列眉最爲盡善嶺南郡邑諸志多有宗焉余  
今倣此式將進士列在上格舉人列于中格貢生



許應元

附生例貢

張綿美

俊秀例貢

張德倫

俊秀例貢

澎湖紀畧卷之四終

士舉人

澎湖紀畧卷之五

人物紀目錄

賢能

仕途

材武

封典

鄉行

流寓

列女

經文

書

禮

儀典

林苑

詩

賢

人

澎湖紀畧卷之五

嶺南胡建偉勉亭纂著

人物紀

賢能

賢有德者能有才者命于天則曰簡在鍾于地則曰嶽降賢能之參于天地也尚矣傳曰太上立德其次立功其次立言夫輔世莫如德濟世莫如功覺世莫如言有此三者所以能卓立兩間利賴斯人而為千古之不朽也賢能之人顧不重哉然論人有以物言者詩曰鳳凰鳴矣于彼高岡是也又

有以材言者詩曰濟濟多士維周之楨是也考之書又有曰若金用汝作礪若濟巨川用汝作舟楫若歲大旱用汝作霖雨賢能之人或稱物或稱材不更昭然若揭乎凡此皆天地之所鍾毓不以時代今古而有殊不因疆域大小而或異也乃大戴之論則不然謂平原大藪而後鳥獸始怪高山多林而後虎豹斯蕃物必擇地而生人亦猶是耳信斯言也則是伊尹不生于空桑傳說不產于岩畔而後可也七閩地居薄海夙稱鄒魯人物之盛駕于中州觀此則大戴之論更不足辯可知矣今澎

湖一孤島也非平原大藪高山多林而謂間氣所鍾獨遺于此有是理乎澎之人有以明經著者有以材武稱者斯亦經文緯武足脩一時之選者矣以視夫當日文身漆齒不大異乎况從此沐浴盛朝之化日新月異安知將來不有如邱文莊海忠介者其人出焉以破天荒于海表耶子曰十室之邑必有忠信如邱者焉不其然乎不其然乎

### 仕途

晝錦堂有云仕宦而至將相此人情之所榮而今昔之所同也然余以爲人而入仕寧盡得爲將相

哉使入仕之人而盡懷將相之想則熱中僥倖奚  
所不致是出位之思矣豈盡職之道耶周官三百  
六十三公論道百職宣猷凡在有位官雖有崇卑  
之別而敬事之心則一也故程子曰凡一命之士  
苟留心于愛物于人必有所濟仕以行道君子欲  
之以此而已豈有他求哉澎湖自入版圖以來雖  
無尊官顯秩之人而明經司鐸則亦一命之榮也  
昔王文成訓司鐸謂視兒童如己子以啟迪爲家  
事不但訓其子弟亦復化其父兄不但勤于詩書  
章句之間尤在致力于德行心術之本務使禮讓

日生風俗日美庶不負有司作興之意

崔大中丞官鏡錄曰文成之言不特司鐸者當法  
而爲民牧者尤當加意蓋蒙以養正教化之始也  
意深遠矣苟能身體而力行之有益于世教有裨  
于人材卽秉鐸亦何慚焉寧必將相乎哉澎之仕  
于教職者則有

顏我揚西巽溥小池角社人由臺灣縣學康熙四  
十六年歲貢于雍正五年八月內選授汀州府歸  
化縣學訓導爲人品高行潔居官三載齋頭苜蓿  
自甘淡薄不受諸生贄禮教人不倦嘗言人以立

品敦行爲重文章詞藻其枝葉也品之不立則本實先撥葉將焉附縱有佳文風雲月露無補于身心無益于政治亦何取焉以故汀之人多取法焉雍正八年告假回家教訓鄉里澎人至今論文行兼優者必爲我揚首屈一指也此澎湖文士八仕之始也

材武

讀兔置之詩而嘆世之盛也風俗之美賢材之多固如是乎論古者至此斯亦躊躇滿志矣及考平臺紀畧一書載康熙六十年臺灣奸民朱一貴作

逆之日其時感義而起者臺郡南路粵莊之義民猶在後也其首先用命清港插標引師破賊則澎湖里下之良民也以此而較之兔置之儔余以爲有過之無不及也何也蓋兔置之人其材可用猶是預擬之詞而澎湖諸人之材之可用則已實見于行列之間干城之寄公侯之偶不誠鑿鑿乎豈虛語哉夫有教化而後有風俗有風俗而後有賢材此何莫非

聖祖仁皇帝六十載深仁厚澤淪于肌膚浹于骨髓如文王之惠鮮懷保之所致耶噫盛矣中林赴

赴寧得專美于前也哉爾時平臺著績者則有  
洪就瓦硿澳港尾社民人平日強幹有膽氣澎臺  
各處砂線礁石風潮水性無不熟悉康熙六十年  
朱一貴作逆竊踞臺郡水師提臺施世驃駐師澎  
湖募至軍前牌委隨征千總同洪選李孟等六人  
駕領小船二隻分南北二道飛赴鹿耳門清港暨  
標六月十五日午刻到涼仔探聽賊情是夜卽到  
鹿耳門親身入水疏清港路十六日插標明白陡  
遇賊衆前來攻殺協同守標千總顏得慶楊彬等  
拚命把守殺傷賊夥賊遂解去大師乃得揚帆直

進克復平安鎮十七十九連日在七鯤身打仗奮  
勇爭先二十夜在塗塹埕瀨口一帶開放炮火打  
死賊黨甚衆朱一貴逃遁克復府治臺平制府滿  
論功以就先入鹿耳門清港首功授臺協水師右  
營左哨千總雍正二年給劄功加署都司簽書五  
年任金門右營守備九年彰化縣大甲西克番作  
逆十年朴仔籬克番殺人并柳村庄克番馬明潭  
克番各處殺害良民連年節次奉命剿平又南路  
匪賊吳福生監旗作亂帶兵三百名前往救援殺  
捕賊衆南路悉平以功累官至廣東碣石鎮標中

營遊擊所到之處恩威並著兵民輯睦現今年老告休家居就亦人傑也哉

洪選林投澳尖山社民人熟悉水道康熙六十年施軍門駐師澎湖軍前應募牌委隨征千總奉命前赴鹿耳門清開港道與賊抵敵殺退賊衆引升師進港屢有戰功事平制府滿題授功加都司簽書職銜任臺協水師中營千總卒于官

顏得慶林投灣文良港社民人平時駕三板頭船生理澎臺水道最爲熟悉施軍門招募軍前牌委隨征千總奉命往鹿耳門協同楊彬等守標以待

大師進港忽遇賊船驟至拚命拒守殺退賊衆大兵戰艦乃得揚帆直入克復安平鎮後南北兩路隨征屢著戰捕之績事平制府滿題授功加都司簽書任澎湖右營守備

許翰冲林投澳文良港社民人爲人有謀畧老成歷練康熙六十年臺匪朱一貴作逆時詣施軍門帳前應募平臺有功制府滿題授功加都司簽書歷任廈門水師提標左營千總候陞守備卒于官許鄭勝翰冲之子康熙六十年施軍門平臺軍前効力屢著剿捕功績事平制府滿授外委守備職

銜任廈門提標水師左營把總因病告假家居  
許元吉翰冲之姪康熙六十年平臺有功制府滿  
題授功加都司僉書職銜在廈門水師提標前營  
把總任內請授封典陞任臺協水師右營守備保  
舉引

見回任候陞後以年老告請家居  
張啟琫赤崁澳民人爲人平日忠誠信實遇事敢  
爲康熙六十年以平臺功題授功加都司簽書職  
銜後累官至福建銅山水師營叅府  
許順八罩澳山寮社民人康熙六十年以平臺功

授職守備履歷無考

蔡王文東西衛澳媽宮社民人康熙六十年以平  
臺功授職守備履歷無考

許榮瓦碇澳民人康熙六十年以平臺功授職千  
總履歷無考

陳志東西衛澳媽宮社民人康熙六十年以平臺  
功授職千總履歷無考

楊彬吉貝澳民人平日駕三板頭船生理熟悉水  
道爲人猛勇康熙六十年施軍門專差募至軍前  
効力特命赴鹿耳門同顏得慶洪就諸人清港守

標賊衆猝至悉力拒守殺賊甚多賊退大師戰艦  
得以直進鹿耳門者彬之力多焉事平論功題授  
都司僉書制府滿傳令授職任事自願恬退給功  
加劄付榮身以終焉

### 封典

捧檄而懽志切雞豚之養乘車而歎情深風木之  
悲顯親揚名之際士君子處此蓋亦有幸有不幸  
乎封典推恩正

朝廷所以曲體臣下之情而俾之以各遂其顯揚  
之願而大慰其情者也定例一品封贈三代二品

三品封贈二代四品至七品封贈一代卽八九品  
微員亦得以貤其父母教孝勵忠不誠仁至而義  
盡也哉至于武職封階向例一品封贈榮祿大夫  
自二品至五品封贈將軍六七品封贈校尉乾隆  
二十年六月十九日奉

上諭內開考宋制武職原有武功大夫武功郎等  
階今一品旣封大夫其二品至四品亦宜改稱大  
夫五品以下則俱稱爲郎但各冠以武字可耳著  
軍機大臣擬定字樣候朕酌定載入會典以昭典  
制其從前已領誥勅不必追改欽此又乾隆三十

二年十二月內奉

上諭更定武職正一品封爲建威大夫從一品封爲振威大夫二品以下仍循其舊載入會典永遠遵行此其曠典深仁受之者固有餘榮哉但不知當何如盡職以庶幾仰酬于萬一也澎湖之人領過封典者武職則有

洪就雍正元年任臺灣水師協標中軍守備恭遇

覃恩誥授武德將軍

洪盛以子洪就貴于雍正元年恭遇

覃恩贈爲武德將軍福建臺灣水師協標中軍守

備

許啟成以孫許元吉貴于雍正十三年恭遇

覃恩馳贈明威將軍功加都司福建水師提標前

營左哨二司把總

許翰賓以子許元吉貴于雍正十三年恭遇

覃恩贈爲明威將軍功加都司福建水師提標前

營左哨二司把總

鄉行

古者同鄉而處則必共井而耕出入相友疾病相關緩急相濟此間里所以有長者之行君子觀于

滄海系身  
卷三  
鄉而嘆王道之易也以故三載賓興取士者亦必  
始于鄉焉無如世情多鄙古道爲難鄉中有多收  
幾石粟則曰我富矣而挾富以制貧多養幾個兒  
子則曰我強矣而恃強以凌弱嗚呼何其鄙也此  
種風氣北方猶鮮惟近海之鄉地薄而氣浮往往  
有焉閩粵爲尤甚余粵人而仕于閩者知之甚悉  
自慚德薄不足以感人欲以隻手挽巨海之狂瀾  
力雖不逮而心實有餘也澎湖雖海中一孤島而  
人淳俗厚視他郡獨勝焉採風之下里老尚有談  
及某某仗義輕財某某解紛息訟古道在人聽聞  
之餘不覺輾然色喜因樂得述而誌焉以爲居鄉  
者勸也

薛應瑞西嶼澳內坡社人生平好善樂施嘗築義  
塚二處一在東衛一在西嶼以葬無主之棺骸又  
自北山至中墩自中墩至潭邊社海港阻隔屢涉  
維艱因獨自修造兩石堤以利行人費白金數百  
兩今土人稱爲澎湖螭廣汝二處是也迄今遂爲  
通津男女無跋涉之苦望洋之嘆皆瑞之力也宜  
其時 臺郡尊鍾 澎湖廳王櫬 澎協臺葉相德  
各錫匾褒嘉焉夫士君子有濟人利物之功詎必

其在大乎卽此已足多矣斯亦一鄉之善士也哉  
張希文赤嵌澳人生平剛好行善事周貧恤困  
澳之人至今猶津津樂道焉非其平日感人之深  
事過時遷何由得此也康熙六十年平臺有功乃  
受職而不受官 上憲深器重之給予功加劄付  
以榮其身其恬退自樂又有如此者不更足多乎  
顏起浩西嶼澳小池角社人乃顏我揚之兄也鄉  
黨稱其正直無私解紛息訟有王彥方之風且兄  
弟友愛至老更覺怡怡康熙四十九年臺灣縣知  
縣張宏舉充鄉飲賓之選稱爲齒德兼優殊無愧

焉

許福基瓦硎澳人生平長厚口不言人是非每教  
人爲好人存好心行好事有爭競者必力爲解勸  
不使赴控公庭澳內化之康熙五十三年臺防廳  
攝臺灣縣事洪一棟以其品重行高舉充鄉飲賓  
之選匾曰碩德可風亦何慚焉

呂良銓瓦硎澳人生平質直好義澳內事無大小  
俱以一身獨任又能緩急相濟古稱任恤此其選  
歟乾隆七年臺灣縣知縣楊允璽舉充鄉飲賓匾  
曰望重鄉評澳人愛敬至今不忘焉

流寓

古來高人逸士履跡所屆川原增色草木流芬論世者未嘗不津津樂道而心儀之如梁伯鸞之居吳令人肅然起敬者是也元遺山有云敬亭不著謝元暉斷岸何由比天姥地以人傳不信然乎若必謂人以土著爲重如農之有畔牲之在俎則桑弧蓬矢以射于四方者其何以稱焉夫賢者之僑寓也譬彼芝蘭所過遺馨偶一相值自然戀慕何必移植結根稱曰園中之物也哉七閩山水秀靈車騎輻輳亦賢士所樂居之地晉時東渡衣冠林

陳黃鄭詹邱何胡八族入閩以及唐時韓偓周朴諸人代有寓焉今澎湖孤島夙少賢豪考臺郡志載寓澎者僅有二焉因列于左以備紀事之畧抑亦稽古之資也

盧若騰字闌之同安縣人明進士莊烈召對稱旨授兵部主事疏劾督師楊嗣昌陞本部郎中兼總京衛武學三上疏劾定西侯蔣惟祿有惡其太直者外遷寧紹兵備道瀕行劾兵備陳國興旣至浙興利革弊兩郡士民有盧菩薩之謠鼎革後遜跡

澎湖杜門著述詩文甚富

臺灣郡志

張灝字爲三同安縣人由進士官兵部職方司郎中初隱于大嶝庚申自廈門至臺康熙癸亥施將軍琅撥舟送回至澎湖病作遂寓焉卒時年九十

五矣

臺郡志

列女

福州郡志引閩越王外傳云無諸宮中以仁義禮智定宮妃位號故婦德茂焉志稱如此余不謂然夫七閩夙稱海濱鄒魯其婦人女子或得于家庭之教誨或得于夫子之刑于男有儒行女有節義此自然之理也且沐浴于

盛朝之德化百有餘年凡有節烈者俱蒙

旌表此閩地婦德之所以日茂也其由來遠矣豈無諸之謂哉李翱高愍女碑所謂賞一女而天下胥勸者此也易坤曰妻道也臣道也地道無成而代有終也家人曰利女貞又恒曰婦人貞吉從一而終也夫從一故無成從一而終故無成而有終也妻道也臣道也非以順爲正之義歟臣效忠女守貞承天時行所謂順也不然者是倚門獻笑之婦朝秦暮楚之臣雖順而非順矣今澎湖雖海中孤島而風化所被節義興焉澎之女蓋亦有貞順

之德乎雖鵠不洗而白鳥不染而黑亦其天植之性然歟而亦不可謂非慕義而起者矣獨惜諸婦茹藥飲水備嘗艱苦困守一隅無人焉爲之表揚上達以遂其幽貞賁志而沒與輕塵弱草而同盡不重可傷耶此何莫非守土者之責也余特博採輿論而備錄之以爲閨闈之勸乃僅得十有一人焉澎之婦其止此耶蓋湮沒而無傳者多耳悲夫林氏乃林乾之女許裕之妻也年二十而裕亡遺孤翰冲翰賓食貧撫孤備嘗艱苦翰冲長有謀畧以平臺逆朱一貴功授功加都司翰賓亦克自成

立以母道而兼父道世以爲有陶歐諸母之風焉孫元吉亦以平臺功累官候陞遊府雍正十三年恭遇

覃恩賚贈林爲恭人享壽九十有四天之報施者寧或爽哉

陳氏陳立之女適文良港社顏舜年二十一而舜亡遺一子顏同家徒壁立有勸其他適者氏卽以死自誓矢志靡他撫孤有成此亦柏舟之亞也歟王氏乃赤嵌澳王然之女張嘯之妻也年十八生一子僅三月而嘯卒艱難困苦撫養此子幸至長

成自以爲亡夫有後母子得以相依矣旋以清明日同子駕小舟上墳祭墓遭風覆舟王經救活乃以子溺亡復赴海而死嗚呼何其慘也天耶命耶冥冥之中其可知耶其不可知耶

許氏奎璧澳許長之女適蒔裡澳陳意年二十而意亡所遺一子陳暢甕無宿米耕耘而食竈無厝薪樵蘇而鬻身心俱瘁撫養陳暢以延夫祀節有足多而艱辛備歷氏亦苦矣哉

謝氏奎璧澳謝道之女蔡欽之妻也年十八而欽亡遺腹一子育五月而殤促醮者踵相接氏誓曰婦不幸而夫死命也有子守之無子死之亦命也吾今惟有一死而已奪志者乃止焉後另立一子以續夫後其從容就義是亦可以風乎

盧氏湖西社盧遜之女適辛仁爲妻年二十二而辛仁卒止遺一子辛蒲苦志撫養教導成人其子亦能卓立稍慰母心云

陳氏蒔裡澳陳暢之女適翁君千年二十一而君千病沒遺孤二子苦守不移有勸之再醮者氏謂之曰女子之賤行莫有過于再嫁者今吾有子二人天不絕吾夫之後吾得爲未亡人足矣無多言

以自汗其口聞者莫不嘆惜焉氏祖母許氏貞節著稱其得于家教者深矣不有足多乎

顏氏西嶼澳顏壯之女李喬之妻年二十一育二子而喬亡氏朝夕哭泣絕粒者數次父母勸之曰爾在子存萬一爾死藐孤何托守小信而忘遠圖非孝也氏乃輟泣勵志撫養二子今皆成立亦足以稍慰母氏矣

李氏西嶼李蔭之女適薛千祿年二十而千祿亡每逢夫忌日設奠哭泣嗚咽欲絕所遺一子氏甚珍愛冀以延夫後也無何子亦相繼夭殤父子淪

亡氏痛入骨髓肝腸寸裂時常嘔血一日值夫忌辰乃自訣曰吾向所以不死者以有子嗣耳今復何望自古皆有死死得其所復何恨焉遂呼天自縊而終噫畢命遂志求之丈夫且難何有于一弱女子也貞魂渺渺淒風苦雨情何極哉悲夫

林氏女乃赤嵌澳林楨未字之女也許配黃廣生年未及笄而廣生遽夭林乃告于父母奔喪夫家舅姑驚怛辭不獲女視含視殮曲盡其禮言不達戶足不踰閭三載服畢除靈之日哭泣幾絕救而復甦遂潛赴自縊而終噫此亦女之貞而烈者哉

林氏東西衛澳林昂淑之女稟性溫良操行純潔年十九適林投澳郭克誠爲妻執持婦道有鹿車共輓之風家姑李氏性頗嚴厲有子婦四人惟林氏事之得其歡心克誠兄弟析居之後李以林氏孝順不樂與長次二婦相依與林氏共爨林氏乃第三子婦也克誠亦能仰體母志澳中咸以孝稱內外無間焉年三十而克誠卒遺孤一子郭元年僅十齡家徒四壁甕鮮餘糧事姑如常不以寡婦稍懈其心此尤人所難能也專力女工晝夜不輟以給衣食又能教子成人李至晚年多病病卽詈

罵諸婦少有近之者惟林氏以爲罵人者乃老人之病源也事之益謹時李年已九十三歲矣奉侍湯藥衣不解帶者三月李疾革時執林氏手謂之曰爾事我如此可謂孝矣我無以報汝惟願爾婦之事汝亦如爾之事我我心慰矣言畢而逝林氏能以婦道而兼子道以母道而兼父道如此求之今日已難求之海外不更難哉用表而出之以爲島嶼風焉



澎湖紀畧卷之六

武備紀目錄

營制

俸餉

營署

調補

班兵

哨船

汛防

巡哨

澎湖紀畧卷之六 目錄

恤賞

題名

列傳

班兵

騎師

營署

軍防

營防

海防雜錄

澎湖紀畧卷之六

澎湖紀畧卷之六



嶺南胡建偉勉亭纂著

武備紀

營制

澎湖一營乃海中之孤島也論其地則風多雨少

斥鹵鹹鹺不產稻麥種植維艱夙稱磽确無用之

地也若據形勢而論則大山嶼居中營署廳署在焉東則

有香爐諸嶼之險南則有八罩船路礁之險西則

有西嶼吼門之險北則有吉貝嶼藏沙之險外而

五十五嶼周環布列水口礁線犬牙交錯實乃閩

武備

浙江廣燕遼山左七省之藩維而爲臺厦居中之咽喉也故備澎湖正所以備邊澎固而腹心之地未有不固者也向爲荒裔海氛出沒元時雖設巡檢經理斯土而營制亦缺如不可考矣明洪武初信國公湯和經畧海疆棄如敝蹠以致寇盜跳梁倭子紅夷接踵窺伺御亦疎矣至萬歷初倭寇猖獗始分銅山浯嶼二遊兵分班輪戍亦僅春秋巡警有名無實迨勢不可支萬歷二十五年乃增設澎湖遊兵甚至料羅東湧大小甘山亦設遠哨實欲其緩急攸資互爲應援然而海外孤軍兵力單弱

萬歷三十七年紅夷突至澎湖遊兵一聞星散遂爲所據久之乃去天啓二年高文律又復竊踞遂因出爲城環海爲池破浪長驅肆毒漳泉都督俞大猷乃克復澎湖議于文澳出築城用大石壘砌高丈有七尺厚丈有八尺設東西南三門北設銃臺一座內蓋衙宇營房以資控制然道旁築室議寢不行以致鄭芝龍盤踞延至三世屢爲邊患內郡遷界以避之禍亦慘矣康熙二十二年荷

廟謨神算計平鄭逆澎湖遂列版圖東南半壁始安衽席乃設官兵駐劄控制外洋而營制興焉協

以統將將以統備備以率弁兵一呼百諾如身使  
臂如臂使指瀚海無波則畫方以守戈船下瀨則  
合方以攻如康熙六十年臺匪朱一貴作逆竊有  
全臺七日之內渠兇芟沒此何莫非澎湖一營固  
君金湯得以駐兵進剿之所致也哉

俸餉

澎湖水師協鎮一員階副將秩從二品每月支俸  
薪蔬菜心紅紙張等銀三十一兩四錢五分四  
釐八毫內除朋扣銀二錢實支銀三十一兩二  
錢五分四釐八毫

每月支養廉三十分該銀四十五兩內除朋扣  
銀一兩五錢實支銀四十三兩五錢

每月支坐馬一十二匹草乾銀一十二兩

每月支米三十票

左營遊擊一員秩從三品每月支俸薪蔬菜心紅  
紙張等銀一十九兩二錢七分八釐三毫內除  
朋扣銀二錢實支銀一十九兩零七分八釐三  
毫

每月支養廉一十五分該銀二十二兩五錢內

除朋扣銀七錢五分實支銀二十一兩七錢五

分

每月支坐馬六疋草乾銀六兩  
每月支米一十五票

左營守備一員秩五品每月支俸薪蔬菜心紅紙  
張等銀七兩五錢五分八釐八毫內除朋扣銀  
二錢實支銀七兩三錢五分八釐八毫  
每月支養廉八分該銀一十二兩內除朋扣銀  
四錢實支銀一十一兩六錢  
每月支坐馬四疋草乾銀四兩  
每月支米八票

左營千總二員秩六品每月各支俸薪銀四兩內  
除朋扣銀二錢實支銀三兩八錢  
每月各支養廉五分該銀七兩五錢內除朋扣  
銀二錢五分實支銀七兩二錢五分  
每月各支坐馬二疋草乾銀二兩  
每月各支米五票

左營把總四員秩七品每月各支俸薪銀三兩內  
除朋扣銀二錢實支銀二兩八錢  
每月各支養廉四分該銀六兩內除朋扣銀二  
錢實支銀五兩八錢

每月各支坐馬二疋草乾銀二兩

每月各支米四票

左營外委千總二員外委把總五員每月各支餉銀一兩五錢內除朋扣銀五分實支銀一兩四錢五分

每月各支養廉一分該銀一兩五錢內除朋扣銀五分實支銀一兩四錢五分

每月各支米一票

左營額額外委把總三員每月各支餉銀一兩五錢內除朋扣銀五分實支銀一兩四錢五分

每月各支米一票

左營步戰兵五百名內除各官養廉八十一名實在戰兵四百一十九名每月每名支餉銀一兩五錢內除朋扣銀五分實支餉銀一兩四錢五分

每月每名支米一票

左營守兵五百名內除舵工炊糧一十七名實在守兵四百八十三名每月每名各支餉銀一兩內除朋扣銀三分實支餉銀九錢七分

每月每名各支米一票

滇海紀畧 卷六  
右營遊擊一員秩從三品每月應支俸廉馬乾銀兩併月支米票與左營遊擊同

右營守備一員秩五品每月應支俸廉馬乾銀兩併月支米票與左營守備同

右營千總二員秩從六品每月每員應支俸廉馬乾銀兩併月支米票與左營千總同

右營把總四員秩七品每月每員應支俸廉馬乾銀兩併月支米票與左營把總同

右營外委千總二員外委把總五員每月每員應支餉廉銀兩併月支米票與左營外委同

右營額外出委把總三員每月每員應支餉銀米票與左營額外出委同

右營步戰兵五百名內除各官養廉八十一名實在戰兵四百一十九名每月每名應支餉銀米票與左營戰兵同

右營守兵五百名內除舵工炊糧一十六名實在守兵四百八十四名每月每名每月應支餉銀米票與左營守兵同

### 營署

協鎮署大堂一座三間大堂前爲頭門頭門前周

圍木柵東西轅門各一轅門內豎旗杆二枝東西鼓吹亭各一間大堂後爲後堂七間一廳二房護房四間又東西案房共七間左右兩邊護房共八間署之西邊箭道一所箭亭一座兩進署之東邊花廳一所中廳一座三間花廳頭門三間花廳後廳三間廳東爲旗廳房廳西爲管班房又東邊馬房一座二進西邊廚房一連三間

官廳在花廳之東一連二進乾隆三十二年五月內協鎮許同左右兩營公建

左營遊擊署頭門一座三間大堂一座三間川堂一座三間後堂一座三間署西客廳一連兩進後一進三間東邊廚房小屋七間土地祠一座二間西邊案房六間旗廳房三間乾隆三十年五月內遊府林雲詳請在營中截隨銀兩項下修蓋現在通署一律堅固新潔

右營遊擊署頭門一座大堂一座三間川堂一座後堂一座三間東邊廚房二間西邊旗廳房一連三間署西客廳一座三間外有照牆

乾隆三十二年

現在遊府吳勇捐建

左營守備署頭門一座三間大堂一座三間川堂一座三間後堂一座三間東邊廚房一連三間西邊護屋三間案房一座三間

右營守備署頭門一座大堂一座三間川堂一座後堂一座三間大堂後護房小屋三間東邊廚房二間案房六間旗廳房二間

軍裝局在右營遊府署後街頭門一座局內二進共房六間

火藥局在新城內一座三間官廳一座三間炮房一座三間

大教場一所在協署之西偏演武廳二進前一進

三間係舊有的後一進三間則乾隆三十三年協鎮

許同兩營詳請增修者

調補

澎營自協鎮遊守以及千把總各官俱由內地水師營分揀選調補查定例副將三年俸滿給咨赴部引

見遊擊守備二年俸滿咨部推陞千總把總三年俸滿赴省候文推補此向來之定例也

乾隆二十六年二月內兵部為酌定臺澎武職等

事議得閩浙總督楊廷璋題前事查臺灣澎湖文武各官向係三年俸滿該督提會核保題陞用嗣于雍正八年十一月內前任福建臺灣總兵王郡因臺灣文職于雍正七年定議改爲一年俸滿再協辦半年調回內地補用隨援引奏請將叅將遊擊都司守備等官應比照臺灣文職之例二年俸滿卽行調回內地陞用經大學士會同臣部奏准在案迨至乾隆八年臺地文職照原例改爲三年俸滿而武職叅將都守仍循二年之例辦理今該督旣稱臺灣叅將都守等官職雖遜于鎮協然亦

同受主恩且各員于俸滿調回後卽得仰邀首先陞用之恩若靳此一年之瓜期于心亦覺難安况臺灣武職年過四十無子者准照文員之例奏明攜眷過臺設遇事故原有給假回籍之條請嗣後臺灣叅將都守等官應照鎮協大員及文職之例仍定爲三年俸滿保題調回內地候陞庶各員不致以任事不久草率塞責于海疆營伍旣多裨益而定例亦昭畫一等語應如所請嗣後臺灣澎湖叅將遊擊都司守備均仍改爲三年報滿該督提等會核保題調回內地陞用恭候

命下臣部載入例冊併行文該督等遵照辦理等因奉

旨依議

又定例調臺武職年逾四十無子者亦准照文職之例奏明挈眷過臺

又咨准部覆凡調臺官員及差使渡海乘坐船隻臺鎮免船三隻副將免船二隻叅將遊擊都司守備各免船一隻千把總每員減穀四十石軍裝器械等項每百斤減穀二石遞解人犯計差犯每名減穀五石

### 班兵

有文事必有武備故兵可百年而不用不可一日而不備凡以固疆圉輯人民有備而無患也閩中兵制始于漢有南部之兵晉則有典船之兵唐則有泉州府兵至宋則置福建三軍曰水軍曰保節軍曰崇節軍元則以兵增戍有萬戶翼萬戶府之制明初置衛于閩命江夏侯周德興入閩防倭後又設立南日烽火浯嶼小埕銅山五寨遊巡萬歷年間始增設澎湖遊然兵力單弱不足以守也至國朝革明代戍卒之弊置綠營以重鎮守分營協

鎮綦布星羅馬步如雲舟師集鷁五寨七遊之制  
聯千萬人爲一身兵制實爲大備矣然兵有水有  
陸夫防水之兵難于防陸也陸地雖極山川之險  
猶有徑可入有力可通至于水則風潮水勢有非  
人力之所得而施者矣然水兵亦有別焉內河之  
水易防而外洋之水難防也何也外海一片汪洋  
水天一色颶颶之風鯨鯢之浪與內河涵湧之勢  
迥不相同故凡外海之兵必須熟悉風期潮信港  
道水口礁石沙線而後可以勝厥任也故曰難也  
澎湖自康熙二十三年平臺之後設立營制原召

募土著以充卒伍以其人民生于斯長于斯熟悉  
水性故也至康熙六十年臺變之後于一件恭陳  
臺灣事宜等事案內始定以內地水師營分兵丁  
輪班戍守三年一換以均勞逸而兵制定焉所有  
應撥澎協兩營內地水師營分戰守兵丁名數開  
列於後

廈門水師提標前營應撥班兵戰兵九十五名守  
兵九十七名

廈門水師提標後營應撥班兵戰兵九十二名守  
兵九十五名

海壇鎮標左營應撥班兵戰兵五十二名守兵七十一名

海壇鎮標右營應撥班兵戰兵二十二名守兵二十七名

南澳鎮標左營應撥班兵戰兵三十一名守兵三十七名

閩安協標右營應撥班兵戰兵三十四名守兵五十六名

烽火門營應撥班兵戰兵一十六名守兵二十名  
銅山營應撥班兵戰兵五十四名守兵五十八名

金門鎮標左營應撥班兵戰兵一十二名守兵十一名

金門鎮標右營應撥班兵戰兵一十一名守兵十一名

以上十營共撥戰兵四百一十九名守兵四百八十三名撥換澎湖協左營操防戍守軍裝器械俱全

金門鎮標左營應撥班兵戰兵一百三十五名守兵一百四十六名

金門鎮標右營應撥班兵戰兵一百二十二名守

兵一百四十八名

海壇鎮標右營應撥班兵戰兵三十三名守兵四十六名

南澳鎮標左營應撥班兵戰兵三十五名守兵三十四名

閩安協標左營應撥班兵戰兵四十七名守兵六十名

閩安協標右營應撥班兵戰兵九名守兵九名  
烽火門營應撥班兵戰兵二十八名守兵一十八名

銅山營應撥班兵戰兵一十名守兵一十三名

以上八營共撥戰兵四百一十九名守兵四百八十四名撥換澎湖協右營操防戍守軍裝器械俱全

雍正二年奉

上諭前往臺灣換班之兵丁守戍海外巖疆糧餉在臺灣支給伊等所留家口若無力養贍則當差之兵丁必致分心苦累朕甚爲軫恤每月着戶給米一斗以資養贍內地米少則動支臺灣所貯米石合計船價僱募運至廈門交與地方官躬親按

戶給發務使均沾實惠

雍正五年奉

上諭臺灣防汛兵丁例由內地派往更換而該營將弁往往不肯將勤慎誠實營伍中得力之人派往是以兵丁到彼不遵約束多放肆生事此乃歷來積弊朕知之甚悉嗣後臺灣換班兵丁着該管官弁將勤慎可用之人挑選派往倘兵丁到彼有生事不法者或經發覺或被駐臺官員叅出將派往之該管官一併議處如此則各派撥兵丁不敢苟且塞責而海疆得防汛之益矣

雍正六年奉

上諭駐臺兵丁軍器誠爲緊要但此項軍器悉係各營自行製備是以易于破壞然將內地精良之器給與臺軍亦非善策嗣後換臺兵丁軍器着該督撫于存公銀內動支製造務必堅利精良該督撫驗看給發俟兵丁至臺之日該巡視御史會同該鎮查驗點收倘有不堪使用者巡視御史等卽據實題叅將該督撫及承辦官交部議處三年之內有應更造者亦令該督撫製造給送

雍正七年奉

上諭福建臺灣戍守之兵丁其父母妻子留在內地前已加恩每月給與米糧以爲養贍之資聞臺兵向例每月將所領錢糧扣留五錢于內地爲養贍家口之用朕思兵丁遠涉海洋所得餉銀又復扣除以養家口恐本身用度或有不敷今沛特恩於駐臺之兵丁每年賞銀四萬兩爲內地養贍家口之用着總督等均勻分派按期給發俾兵丁本身食用既得寬舒而父母妻子之在內地又得養贍以示朕恤兵賞勞之至意乾隆五年奉  
上諭福建臺灣換班兵丁遠戍重洋向蒙

皇考聖心軫念于本身應領月餉外添賞伊家口留住內地者每月米一斗銀二錢八分零以資養贍誠爲格外之恩今朕聞得班兵更換之時一切行李衣裝不能無費甚爲拮据每于本營私派幫貼而後啓行是行者居者均有未便可寄信與總督德沛令其將閩省生息銀兩查算餘剩之數每年共計若干卽于此項內分別班兵路途遠近賞給往來盤費示禁營中幫貼之幣庶于內外兵丁均有裨益

澎湖孤懸海外居臺廈之中藏岸七百餘里南北則汪洋一片茫無際涯且一十三澳汛守海汊港道處處間斷非船莫濟是澎營之戰艦視別營之水汛爲獨重也自康熙二十三年建置營制額設大趕繪船十隻中趕繪船十隻雙帆船一十六隻共哨船三十六隻以資巡防左營綏字一號至綏字十八號共船一十八隻右營寧字一號至寧字十八號共船一十八隻乾隆二十五年于欽奉上諭事案內奉文將寧字十三號寧字十七號寧字十八號三船裁汰是右營僅止一十五隻後奉

文將左營綏字十八號之船撥入右營補額現在左營哨船實一十七隻右營哨船實一十六隻實存哨船三十三隻就中撥派防守媽宮汛左營例撥船八隻右營例撥船九隻兩營汛地一十三處例撥船十隻每歲護餉例撥船六隻此必不可已者已足三十三隻之額矣此外尚有大換班兵之年必須船八隻小換班兵之年亦須船四隻以及副將總巡船四隻兩營將備分巡船共八隻又每歲大小修赴廠之船亦約有十隻在在需船實不足以抽撥夫水兵之有船與陸兵之有汛一也少

一船卽少一汛矣船可少而汛不可少也况淼茫大海非船莫渡更關緊要船顧可少乎哉至于哨船製造固在于材料堅固而把哨駕駛之人尤須諳練熟習方可保其無虞其中舵工繚手斗手砣手四項兵丁實爲一船緊要之人而舵工一項更爲緊要也使舵工非二十分熟練于水性風潮港道砂線稍一差失磕响一聲船卽覆粉是一船數十人之性命係于舵工一人之手不可不慎也雍正六年遵

旨議准臺灣鎮總兵官王郡所奏嗣後臺灣各水

師管砣繚斗三項揀選兵丁學習更換以六年爲期著爲定例如各營將弁不勤加查管訓練以致操駕生疎及仍有隱瞞不換者一經察出將該管將備千把照溺職例革職總督提督總兵官交部嚴加議處其舵工尤關緊要各船正舵准以九年爲滿令其更換再有杉板工一項專管駕駛杉板小船亦照砣繚斗一例教習更換

理臺末議云陸師重馬力水師重舟力戰陣之時務爭上風而運轉不靈不能占居上風壓持不重或反退居下風此雖人力全在良舟然匠人爲舟

固守繩尺及駕至中流而快利遲鈍之用乃見同  
時發掉而前後入港之日頓殊者何也蓋木之本  
質不類如鹽木爲舵遇波濤乃不搖動餘則否輕重亦異木老則堅而重否則

輕必得良材輕重配合如人一身筋骨相配然後  
善于運動也故水師必講于造舟者此其一也水  
師之灣泊猶陸師之安營凡水師不能于外洋覓  
戰皆于近港交鋒所以灣泊之處卽是戰爭之場  
我舟先至利在居要以爭上風然風信難憑透發  
之後往往轉變先要泊穩倘一澳中有南風澳北  
風澳不同則寧泊南風以待此又老將之持重不

可執一而論也故水師必明于灣泊者此其一也  
水師之入港猶陸師之克城凡港門爲賊所守而  
險隘尤爲賊所持兵法有挾制其險而攻其虛之  
說以險處多虛故險可制而虛可攻耳故水師必  
詳于入港者此其一也此水師之大槩也要而言  
之師之用在于舟舟之用在在水水之用在風舟與師  
相習風與水相遭其在于變而通之以盡利至于  
神而明之則又存乎其人焉

汛防

劃汛而守固無失伍之虞按季而防又有及瓜之

代凡以專責成而均勞逸者制甚周也身厥任者  
自當嚴卒伍勤巡警務使四境安寧家無夜吠之  
犬重洋清晏海無鼓浪之鯨斯細柳森嚴遠殊於  
棘門灞上者矣當今海宇昇平邊陲清肅其爲戍  
守也易易矣但使兵有衛民之心弁無縱兵之弊  
則兵輯民安更何有鞭長莫及之慮今澎湖兩營  
戰守之兵二千名分駐汎防共十有三處度地勢  
之險要定口岸之衝要守望之聲援可接遠近之  
呼吸相通斯真島嶼之于城而瀚海之保障也哉  
媽宮汎乃澎營居中最要之地也爲本標營署駐

劄之所密邇文澳澎糧廳署倉庫錢糧與夫兩營  
軍裝火藥局皆在于此且舖舍民居星羅雲集又  
爲臺厦商艘出入口岸在在均關緊要稽查防守  
責任綦重左營例派戰守兵二百五十名戰船八  
隻駐防右營例派戰守兵三百三十二名戰船九  
隻駐防兩營各派千把總一員以爲專汎之官按  
季輪流更替此則兩營互爲巡防者也

### 左營

媽宮澳新城東汎營房七間東港口炮臺一座汎  
兵二十八名港口戰船一隻配兵五十名係媽宮

海峽總署 卷六  
專汛之官管轄

峙裡汛係外洋最衝要口營房三間烟塹一座炮臺一座汛兵一十五名按季派撥千把總一員戰船一隻配兵六十名駐防統轄文良港風櫃尾二汛東至陰陽諸嶼西至雞籠桶盤諸嶼南至虎井嶼北則陸路距媽宮汛二十五里  
文良港汛係外洋次衝要口營房三間烟塹一座屬峙裡汛兼轄按季派撥外委千把總一員戰船一隻配兵五十名協防東至陰陽諸嶼西則陸路距媽宮三十里南至鎖管港北至雞膳諸嶼

風櫃尾汛係外洋次衝要口營房三間烟塹一座炮臺一座屬峙裡汛管轄按季派撥目兵防守駐汛兵丁一十名四至與峙裡汛同

八罩將軍澳汛係外洋最衝要口營房五間烟塹一座炮臺一座駐汛兵二十八名按季派撥千把總一員戰船一隻配兵八十名駐防統轄挽門水按二汛東至東西吉嶼西至金雞嶼南至半坪頭巾諸嶼北至虎井嶼

挽門汛係外洋最衝要口營房五間烟塹一座炮臺一座駐汛兵二十八名屬將軍澳兼轄按季派

撥外委千把總一員戰船一隻配兵六十名協防  
東至金雞嶼西至草嶼南至大嶼北至桶盤嶼  
水垵汛係外洋最衝要口營房五間烟塹一座炮  
臺一座屬挽門汛管轄按季派撥目兵防守駐汛  
兵丁二十八名四至與挽門汛同

右營

媽宮澳新城西汛營房七間西港口炮臺一座汛  
兵二十八名港口戰船一隻配兵五十名係媽宮  
專汛之官管轄

西嶼內塹汛係外洋最衝要口營房五間烟塹三  
座炮臺一座駐汛兵二十八名按季派撥千把總  
一員戰船二隻配兵一百名駐防統轄外塹小門  
二汛東至師公礁西至外塹山鼻尾南至桶盤嶼  
北至大倉仔嶼

外塹汛係外洋最衝要口營房五間烟塹三座炮  
臺一座屬內塹汛兼轄按季派撥外委千把總一  
員汛兵一十五名協防兼轄小門汛東至本汛山  
鼻尾西至清水墘南至花嶼貓嶼諸嶼北至吼門  
小門汛係外洋次衝要口營房五間烟塹三座炮  
臺一座屬外塹汛管轄按季派撥目兵防守駐汛

澎湖紀略 卷六 三  
兵丁三十名東至吼門西至鼎灣嶼南北則一片汪洋大海渺無涯際

北山汛係外洋次衝要口營房一十間烟塹三座按季派撥千把總一員戰船二隻配兵一百名駐防兼轄吉貝澳汛東至烏嶼西至姑婆嶼南至中壑灣貝諸嶼北至北礁嶼外則汪洋大海渺無涯際

吉貝汛係外洋次衝要口營房五間煙塹一座屬北山汛管轄按季派撥外委千把總一員戰船一隻配兵五十名協防東至藍笨嶼西至目嶼南至

險礁諸嶼北則一片汪洋大海渺無涯際

### 巡哨

巡哨者以時巡歷所以消患于未萌靖邊圉而衛人民也然而往來駕駛則習練自熟是于巡防之中併寓有操兵演武之法故凡遠近島嶼礁石砂線之險隘與夫港道水口之廣狹紆迴無一不悉用能干風濤澎湃之中奔馳矯捷如履平地無事之日則稱節制之師有事之時則爲精銳之旅將勤兵勇此道得也澎營每歲于二月起至九月底止副將坐駕兵船四隻出洋在于左右兩營所轄

洋面總巡自二月起至五月底止兩營遊擊各帶兵船四隻出洋在于本轄洋面分巡自六月起至九月底止兩營守備各帶兵船四隻出洋在于所轄各洋面梭織哨捕又十一月正月係單月分兩營遊擊各帶兵船四隻出洋輪巡十月十二月係雙月分兩營守備各帶兵船四隻出洋輪巡定例凡將備出洋巡哨每月于初二日在南勢左右兩營交界之花嶼洋面兌旗會哨十六日在北勢左右兩營交界之烏嶼洋面兌旗會哨此營制也誠能按期而往善其舟楫器械習其行陣擊刺定其遊巡往來毋潛伏內港而空文申報不致有名無實則在乎爲主將者以身率人先之勞之而已豈有他術也哉

水巡由媽宮澳開駕向西至西嶼頭巡內塹外塹復收回西嶼頭從大果葉登岸二里左爲緝馬灣右爲小果葉八里至小池角四里至大池角十五里至小門汛四里至合界頭橫礁三里至竹篙灣仍回至大果葉登舟由內港駕至北山瓦硯港寄旋登岸四里至通梁三里至後寮二里至大北山之頂瞭望北爲吉貝嶼欲赴吉貝須出吼門往北

但吼門水道窄而且險在大烈小烈二嶼之中舟行過此舵工非十分熟練者不能若逆流逆風則未可駕駛瓦硎港四里至大赤嵌一里至小赤嵌三里至港仔東二里卽崎頭東南二里至鎮海澳三里至港尾二里至城前仍回至瓦硎港登舟從吼門出洋收入內塹寄泊駕回媽宮港

又由媽宮港開船出四角仔嶼往南經雞籠嶼桶盤嶼虎井嶼順風兩潮水可以直抵八罩金雞嶼入挽門汎往西南一里許至網坡澳南爲半坪等嶼西南爲大嶼西北爲花嶼草嶼貓嶼網坡半里

許至甕菜堀北四里至花宅四里至水坡復回挽門汎汎東隔小港一里許爲將軍澳澳與挽門東西對峙臨海有石山頗高可以望船因名爲船篷嶼向北爲金雞嶼在將軍澳後有馬鞭嶼由挽門登舟出船路礁嶼往東南大洋至東吉西吉等嶼回轉向北直往文良港經鎖管港猪母落水嵵裡汎復經雞籠嶼入四角仔嶼港口回至媽宮港

陸巡由媽宮澳起行五里至文澳經澎湖廳署三里至東衛五里至大城北三里至隘門仔一里至林投仔四里至尖山仔一里至文良港東鼻頭烽

臺可望香爐嶼陰陽二嶼北五里至果葉仔二里  
至奎壁澳三里至白灣坑二里至湖東二里至湖  
西五里至紅羅罩北三里至青螺仔紅羅罩半里  
許至西溪三里至大武西三里至港底北一里至  
東石六里至沙港頭南三里至鼎灣澳北三里至  
中壑嶼潮退陸路可通二里至潭邊南二里至港  
仔尾三里至蚱脚嶼二里回至東衛五里至西衛  
二里至後堀潭回至媽宮澳

又陸巡由媽宮港用大杉板往南到嵵裡後山登  
岸至嵵裡汎五里至風櫃尾汎東二里至井仔垵  
東南四里至猪母落水東北二里至鎖管港西北  
一里許至雞母塢五里至鐵線尾六里至烏崁五  
里至雙頭跨與大城北相對三里至菜園仔三里  
回至文澳五里卽回至媽宮澳

### 恤賞

臺澎恤賞之典雍正八年臺灣鎮總兵官王郡奏  
准

恩給營中恤賞銀兩臺澎二處領到本銀槩就臺  
郡購置田園糖廊魚塢等業各協營遊員經理於  
冬成徵收租穀糖筋稅銀其應納各縣正課仍依

民間則例交納所獲租息以六分存留營中賞給兵丁遊巡及有病革退併兵弁拾骸扶視等盤費以四分解交臺灣府劃兌藩庫備賞戍兵眷屬吉凶事件所截六分租息每年除賞恤外所有盈餘存貯賞給期滿換回班兵盤費其出入數目按年造冊送督撫提督藩司查核在案澎湖協標左右兩營兵丁共二千名領帑銀四千兩在于臺灣購置莊場左營置買北路頭橋路南莊又草地尾莊共二處右營置買北路黃吉崙莊又南路東寧莊亦共二處兩營莊場歲收租息視歲之豐歉原無

定額每年兩營各派撥妥當千把總一員赴莊經理歲獲租息遵照奏准之例辦理所有恤賞則例開列于後

一兵丁娶妻及子女婚嫁各賞銀三兩

一兵丁父母本身及妻亡故各賞銀四兩

一故弁扶柩回籍照依每員名下支食養廉名糧計算每名賞銀四兩

一故兵遺骸班滿隊目拾運回籍安葬分上下游給賞運費上游賞銀三兩下游賞銀一兩五錢如同標營一起運拾三名以上者各減賞銀三

錢水師有營船可以帶運每名止賞銀一兩  
一病兵辭退革伍回籍者照站給賞盤費每站賞  
銀四分計站核算

一遊巡兵丁每名每日賞銀一分五釐

一期滿班兵換回內地分上中下游賞給盤費上  
游賞銀二兩中下游賞銀一兩五錢下游賞銀一  
兩

澎湖水師協鎮題名

詹六奇海澄人行伍康熙二十三年任陞江西贛  
南鎮總兵官

張旺山西人行伍康熙二十五年任陞江西贛  
南鎮總兵官

王國興寧夏人行伍康熙三十年任三十三年陞  
臺灣鎮總兵官

陳國任陝西長安人行伍康熙三十七年任陳之  
上缺一位然不可考矣

王三元甘州人行伍康熙三十九年任

尚 宣騰驤衛人兵部効力康熙四十三年任四十五年調三屯協

趙呈烜安定人康熙四十五年任

葉國鼎閩縣人功加左都督康熙四十六年任

張 進漳州人行伍康熙五十年任

朱 杰順天人武舉康熙五十三年任

許 雲海澄人康熙五十六年任五十七年調臺

灣安平協有傳

藍廷珍漳浦人康熙五十七年任本年陞南澳鎮

總兵官有傳

羅光乾天成衛人康熙五十八年任

戴憲宗浙江太平衛人康熙六十一年任

陳倫炯同安人侍衛出身雍正元年任

董 方同安人雍正三年任

呂瑞麟晉江人行伍雍正五年任

陳 勇海澄人雍正六年任

章 隆福州人行伍雍正十年任十二年陞福寧

鎮總兵官

顧元亮字明甫號松菴廣東番禺人行伍雍正十

二年任

李維揚廣東陽春人武榜眼乾隆三年任四年休致

高得志江南崇明人行伍乾隆五年四月任

楊瑞廣東潮州人行伍乾隆九年五月任

邱有章晉江人行伍乾隆十三年任

林洛同安人行伍乾隆十七年任十八年陞浙

江溫州鎮總兵官

林貴晉江人行伍乾隆十九年任二十一年陞

浙江溫州鎮總兵官

葉相德浙江歸安人武進士出身乾隆二十二年

任

談秀廣東新會人行伍乾隆二十五年任

魏宗聖浙江溫州人行伍乾隆二十六年任

龔宣江南通州人武進士出身乾隆二十七年

任

江起蛟浙江鎮海人行伍乾隆二十九年任卒于

官

許德字聿修號懋亭廣東陽江人由侍衛出身

乾隆三十一年任三十二年軍政大計卓薦乾

隆三十三年陞授總兵官

顏鳴臯號丹崖廣東嘉應州人武進士出身乾隆

三十四年八月任

...

...

...

...

...

...

...

...

左營遊府題名

陳簡福清人行伍康熙二十三年任

李大訓河南人四川籍康熙二十四年任

康運昌陝西廣陽人行伍康熙三十年任

楊明錦直隸天津人功加康熙三十六年任

高天位陝西西寧衛人武進士出身康熙三十九

年任陞廈門水師提標叅將

王貴浙江西安人功加康熙四十二年任卒于

官

洪德同安人功加康熙四十五年任陞江西吉

武備

安營參將

鞏廷瑞陝西盩厔人武進士出身康熙四十九年任

陳國瓚晉江人行伍康熙五十四年任五十八年告休

陳國星同安人行伍康熙五十八年任

謝希賢詔安人雍正元年任

蔡大高龍溪人雍正二年任

任文龍浙江溫州人雍正六年任

黃曉漳浦人雍正十年任

柳圓山東登州蓬萊人雍正十三年任

楊瑞字旭舉廣東潮州海陽人行伍乾隆四年任

高省安溪人乾隆六年任

鄭李嘉廣東揭陽人行伍乾隆十年任

陳洪建同安人行伍乾隆十四年任

陳吳燦同安人行伍乾隆二十年任卒于官

楊添同安人行伍乾隆二十一年任

魏文偉同安人廕生乾隆二十五年任

林士雄同安人行伍乾隆二十八年任爲特參玩

視戰艦等事革任

林雲字五堂古田人武舉乾隆二十八年任

尤用羅源人行伍乾隆三十二年任是年陞廣

東大鵬營參將

葉凱字捷南號若齡閩縣人行伍乾隆三十二年任

右營遊府題名

胡愷順天宛平人行伍康熙二十三年任

方冰福清人行伍康熙二十六年任

張錦陝西榆林衛人行伍康熙二十九年任以病去

薛奎奉天人行伍康熙三十四年任薛之下至翁相距一十四年應尚有三四位然不可考矣  
闕疑可也

翁國楨詔安人行伍康熙四十八年任陞臺灣北路營參將

林 秀漳州人行伍康熙五十年任

王之印陝西寧夏衛人康熙五十四年任卒于官

葉 紀浙江人康熙五十六年任五十八年以病

去

張 馱江南江都人行伍康熙五十八年任

洪 平泉州人雍正元年任

楊 恩同安人雍正四年任

李 燕漳浦人雍正六年任

高得志江南崇明人雍正八年任

邱有章晉江人行伍雍正十一年任

左營守府題名

王 祖興化人行伍康熙二十三年任

趙 廣河南商邱人武進士出身康熙二十七年

任

褚國柱直隸宣化人行伍康熙三十年任

葉得祿江南霍邱人將材康熙三十四年任

張成準陝西渭南人武舉康熙三十九年任

張得勝山東濟寧人行伍康熙四十三年任

譚士璵湖廣江陵人武進士出身康熙四十七年

任

洪 文晉江人行伍康熙五十二年任

陳本昭長樂人行伍康熙五十六年任

朱 文南安人行伍康熙五十七年任

邱延祚浙江人行伍康熙五十九年任

劉 使泉州人行伍雍正二年任

林如錦廣東人行伍雍正五年任

姚 德龍溪人行伍雍正十年任

薛存忠莆田人行伍雍正十三年任

聶國賢莆田人行伍乾隆四年任

張 勇泉州人行伍乾隆七年任

右營守府題名

原爾恆連江人行伍康熙二十三年任

劉 奇山西平陽人行伍康熙二十六年任

陳 蛟山西陽曲人行伍康熙三十年任

沈 鶴陝西寧夏人行伍康熙三十五年任

達養棟陝西涼州衛人行伍康熙三十九年任

鄭 瓊河南祥符人武舉康熙四十三年任

喻 義陝西人行伍康熙四十七年任

鮑世倫江南人武生康熙五十一年任

陳國星同安人行伍康熙五十五年任

林 亮漳浦人行伍康熙五十七年任有傳

尹日和福州人行伍雍正二年任

張 標福建人行伍雍正五年任

蔡 啓漳浦人行伍雍正六年任

施必功晉江人行伍雍正十年任

李 嘉廣東揭陽人行伍雍正十三年任

施鳳來晉江人行伍乾隆四年任

蔡 忠漳州人行伍乾隆八年任

鄭 捷龍溪人行伍乾隆十一年任

顏得慶同安籍澎湖人功加乾隆十四年任卒于

官

陳 德閩縣人行伍乾隆十六年任

蔡 從晉江人行伍乾隆十九年任

蕭 英晉江人行伍乾隆二十二年任

戴 福浙江仁和人行伍乾隆二十五年任二十

六年陞廈門水師提標右營遊擊

吳 科晉江人行伍乾隆二十七年任

楊 元字仁長晉江人行伍乾隆三十年六月任

三十三年預行保舉赴部引

見回任候陞



馭風漂至銅山風定由銅山至澎湖世驃大喜與  
議進兵廷珍慷慨言曰羣盜烏合一攻卽靡但其  
衆至三十萬不可勝誅以某所見殲厥渠魁餘令  
自新且安反側乃戒將弁無得妄殺翼日進兵廷  
珍親率諸將奮擊賊衆敗走克復安平賊復率二  
萬衆列牛車夾牌盾爲陣蜂擁蟻附攻安平廷珍  
發大炮四面環擊賊大潰退保府治越數日廷珍  
督大兵南下復敗賊衆追殺至蔦松溪一貫遁去  
遂復府治駐

萬壽亭提督世驃屯北教場分遣大兵廓清南北

二路以除殘孽一貫及餘黨先後就俘臺郡悉平

臺灣  
郡志

許 雲漳州海澄人澎湖副將調任臺協水師副

將朱一貴倡亂南路被陷逆賊環攻府治雲不以  
水陸分岐于四月三十日率次子方度家丁吳國  
珍等赴春牛埔援總兵歐陽凱時鎮標官兵俱陷  
雲衝突血戰殺賊數千人賊退走翌日賊衆十餘  
萬擁至雲率遊擊游崇功千總林文煌趙奇奉把  
總李茂吉自黎明戰至日中矢窮炮盡雲重傷遍  
體墜馬步戰猶手刃數十賊勢孤無援賊衆愈甚

弁兵俱沒厲聲命次子方度曰賊勢猖獗我分當捐軀報國爾速突圍出將安平鹿耳門各炮位封釘無遺賊用卽齎印信赴提督乞師復仇方度號泣奔突出圍雲左臂被賊砍猶奮勇血戰厲聲曰吾生不能盡殺爾等死必來殲滅爾賊怒寸磔之事聞

贈拜他拉布勒哈番世職予恤

賜祭葬廕子弟一人以守備用崇祀忠義祠安平百姓憫其捐軀殉國爲立五忠祠以祀焉次子方度隨叅將王萬化征剿朱逆攻入鹿耳門克復安

平鎮殺賊七鯤身西港仔蘇厝甲底定臺灣以軍功補臺灣鎮標中營遊擊

臺灣郡志

林亮漳浦人澎湖右營守備爲人平日膽畧過人遇事有決斷康熙六十年臺匪朱一貴作亂臺廈道梁文煊知府王珍同知王禮臺灣縣吳觀域縣丞馮迪典史王國定諸羅縣朱夔典史張青遠併臺協中營遊擊張彥賢右營遊擊王鼎守備千把各官率兵丁千餘人于五月初二初三兩日逃遁到澎湖澎協將弁倉皇不知所措見羣情洶洶亦各出家屬登舟將度廈門百姓婦女爭舟雜沓

哀聲震海岸亮聞之請協營主將掣回登舟各家屬死守澎湖諸將猶豫不決亮厲聲曰朝廷以海外封疆付我等正爲緩急倚賴非徒昇平食廩祿肥身家已也今鋒刃未血而相率委去他日駢首市曹寧能免乎大丈夫不死則已死則死忠義耳請整兵配船守禦要害俟賊至決一死戰戰不捷而亮死公等歸亦未遲皆諾願死守亮馳出江干徑申主將號令拔所佩刀驅官民家屬盡各登岸衆心始固六月初十日大師至澎湖十三日發澎湖以林亮董方爲前鋒抵鹿耳門賊呂蘇天威率

衆壘發大炮又以小船扼要迎敵林亮董方亦以六船冒死直進亦施大炮攻擊遙望炮臺火藥堆積亮命專攻火藥桶中之火起燔斃賊衆無算賊潰遂入鹿耳門亮乘勝掩殺奪取鹿耳門炮臺焚其營壘賊目蘇天威遁入安平城列兵迎敵亮奮勇先登復陷賊陣遂復安平城又敗賊于七鯉身瀨口又于木柵仔追殺賊衆至蔦松溪直搗臺郡收復府治七日而克復全臺時以亮爲首功云後以功累官至臺灣鎮戢兵安民至今人猶思慕焉亮真名將材也哉

纂平臺紀畧

澎湖紀畧卷之七

風俗紀目錄

總論

習尚

壽辰

誕育

喪葬

婚姻

歲時

黃州

漢陽

襄陽

漢中

歸德

許昌

開封

風俗略目録

澎湖紀畧卷之七

澎湖紀畧卷之七

嶺南胡建偉勉亭纂著

風俗紀

總論

嘗聞風俗之殊與政治通其由來者漸矣然而綱柔燥濕被之則為風此繫于天者也貞淫奢儉習之則為俗此繫于人者也天與人鼓盪而風俗成焉人之漸于其中者如風之被物為其所移而物不知也以故南北東西一郡而四境頓殊箕風畢雨一邑而羣情各別此習俗移人賢者之所以不

免也古人擇里而居卜鄰而處非有見于此而慎之也哉考閩省志稱七閩燠多寒少民性柔緩亦其大槩然矣然上游之俗柔滑而詐下游之俗頑梗而強終未能一道而同風焉豈非風俗之殊而習尚之異耶惟澎湖一區孤懸海中土瘠民勞善心易生人無作奸犯科亦無僧尼左道之惑秀業詩書愚安漁佃夜戶不閉牛羊散牧于野此亦風俗之有足多者焉

### 習尚

男女衣服悉用布素至于綾羅綢緞則絕無而僅有者也地不產桑麻女人無紡績之工所有棉夏布疋俱取資于廈門婦人最喜着青布衣裙上山討海出門探親俱用青布一幅裹頭男子則喜着色繭衫褲服此者則爲有體面人家有喜慶時則穿鞋襪平日俱皆赤足秋冬時亦用青布包頭以禦寒風近日富室及秀士間亦有服綢緞者此亦風氣日趨于華也然亦不可多得者矣

鬻賣男女各處皆有此亦貧人之常無足異者惟澎湖之人雖十分貧困男不賣與人作僕女不賣與人作婢富室所用之奴婢俱從內地買來亦無

禁固婢女之事此亦風俗之所難觀也

泉郡志載澎湖居民以苦茅爲廬舍今則全易以瓦由忠質而漸至文明此亦理勢之必然也其屋宇俱結于山凹之內水隈之處故不名曰村而名曰澳卽書所謂四澳旣宅者是也牆壁俱用老古石所砌其石乃海中鹹氣所結取出之時石猶鬆脆迨風雨漂淋去盡鹹氣卽成堅實價廉而取便澎湖之房屋悉皆用此其屋亦高不過一丈一二尺之外者非爲省工價爲因海風猛烈不敢高大以防飄刮故耳其木植瓦料俱由廈門載運而來

本地亦有燒瓦然火色不好且亦脆裂不可用近日媽宮市有開設瓦料舖以資民間採買焉

臺郡志稱澎湖居民煮海爲鹽釀秫爲酒採魚蝦螺蛤以佐食云查澎湖並無煮鹽曬鹽之處其鹽政俱係臺府管理販運至澎散賣民食至釀秫爲酒澎地並無秫酒媽宮舖以糖釀酒名曰糖燒以薯釀酒名曰地瓜燒人家有宴客俱樂部飲此然澎民嗜酒特甚每日三頓不離飲酒者十室而九竟有飲成酒病而不悔者何沉湎至此極也每日飯三餐闔閩皆然無足怪者澎人之飯並無稻米饌

飯惟用薯乾煮粥而食名曰薯米爨無薪木以牛糞乾炊爨名曰牛柴薯米牛柴名亦新穎可聽澎湖亦不產茶採買亦貴澎人飲茶者絕少惟飲水一瓢以解煩渴而已澎之人蓋亦苦矣哉

舊志稱澎民聚居推年大者爲長至今澳中凡有大小事件悉聽鄉老處分以故鼠牙雀角旋卽消息且亦最重讀書之人不特紳衿秀士爲凡民所敬卽訓蒙社師澳中人亦加禮焉其士子亦能知自愛遵守臥碑並無武斷鄉曲出入衙門之事至童子就塾讀書者務必穿着衣履不肯露體亦足

餘人則否故望而知其爲業儒之士也近日十三澳中雞窓螢火朗朗書聲不減內地就而聽之有不令人欣快者哉

澎民男有耕而女無織凡一切種植俱係男女並力然女更勞于男蓋男人僅犁耜及土其餘栽種耘耨俱女人任之諺云澎湖女人臺灣牛蓋言其勞苦過甚也澎湖地皆赤鹵可耕者甚少俱以海爲田男子日則乘潮掀網夜則駕舟往海捕釣女人亦終日隨潮長落赴海拾取蝦蟹螺蛤之屬名日討海易日以畝以漁澎俗有焉

澎湖之人信鬼而尚巫凡有疾病不問醫藥只求神問卜而已惟無僧尼寺觀婦女亦無上廟燒香朝山禮拜之事此一節甚有足取焉

### 壽辰

生辰祝壽致賀者送禮點燭留食壽麵設席謝客諸事澎俗亦與內郡相同無足異者惟澎人于生辰之日必以米粉和紅麩做紅雞與麵包相仿以爲祀神之敬併惠送親戚其富家卽于是日于買備在家之棺木僱工人做棺工人用斧盡力一劈其木屑飛去得遠卽以爲長壽之兆主家喜不自

勝飛得近者卽以爲去路無多也做好將棺豎起放在廳上以俟將來之用名曰做壽又曰贊壽贊之爲言站也以其豎起棺壽之謂也此則澎俗之與內郡不同者也

### 誕育

凡生育男女之家是日必宰雞一隻以熟酒煮好送外家報更到三日後外家富者備雞十隻糯米二斗粘米二斗酒一埕布一疋到來送更主家于鷄米則受半酒布全收外家貧者不能全備或雞數隻糯粘米一斗酒或一樽布或半疋不等隨人

力量辦送到十日後各親亦有送雞米者亦謂之  
送更主家亦必宰雞十餘隻或數隻貧富不等將  
麻油和薑屑鹽煮飯分送與送更之人又備酒席  
油飯請男女客到滿月剃頭主家則分送雞旦亦  
仍前宰雞煮油飯請客是日外家備米粉和紅麴  
做丸一百枚送來邀新外甥到家其親朋于滿月  
時亦有送銀牌手鐲如內地者亦有送月餅桃麵  
者至周歲外家送紅綾衣一領帽鞋襪俱備及桃  
麵紅雞等物親朋亦有致送者主家亦備酒席以  
酬謝云

### 喪葬

喪葬之禮其衣衾棺槨稱家有無與夫設靈帛祭  
諸儀亦與內地相同無足贅者惟澎湖之人臨斂  
之時必取六姓竈灰以填棺底做七一節內地則  
逢七日做七一次七七四十九日祭畢澎人則計  
死者之年歲以爲做七之期如死者八十歲卽派  
八十日做七個七祭之類未七之日是夜延道士  
到家做開路醮併拜懺盡一夜而止富室卽延道  
士五員做普度功果徹三晝夜以爲死者則陰間  
必開路然後能行云云此實無益之費余每諄切

海濱雜畧 卷七  
曉諭近有遵改者惟隨死卽葬貧者葬于三日之內富者亦不出百日之外並無惑于風水停棺不葬之弊又無草葬火葬之慘此尤風俗之美也

### 婚姻

結婚之始媒人送庚帖到家必三日內家中無事然後訂婚如三日內家中偶有誤毀器物卽送還庚帖另卜別姓如二姓允諾卽行納采之禮富者或備手鐲一雙檢婚錢二百文貧者卽備頭簪一對或戒指一雙檢婚錢一百二十文托媒人送至女家爲定若聘金澎俗不論家之貧富女之美惡

定例用番銀三十六員女家回三員以爲折買鞋襪之禮實收三十三員又備禮一担內豬腿一肘重十六斤輕亦須十二斤併雞麵糖棗等物共十色婚書一紙禮燭一對約重數斤小燭一對以及栴榔禮香啓書等儀其栴榔只用四個用木雕成上刻百年偕老四字以金箔貼之係在舖租來應用故女家必璧還焉所云三十三員聘金者亦不是一次送足乃自結親之始以至將娶之時陸續送完或將糧食牛羊他物抵兌者亦有之如不足此數卽男至三十歲女家亦不肯完婚甚至有自

知家貧無措情願退婚者實爲陋俗余于 撫憲  
崔札諭條稟地方事宜內將此一節備稟蒙批澎  
俗婚娶維利是尚惟在官斯土者勸諭化導自能  
變易也此繳隨卽遵批出示曉諭嗣後結婚隨人  
所便聘禮多寡量力而行不得額定取盈三十三  
員之數旣已聘定者男女二十以上限半年內盡  
行迎娶畢婚不得藉勒留難澎民無不稱便以後  
應無怨曠之虞矣

請期之禮澎俗名爲壓定于某月迎娶先期數月  
備禮一担亦用豬腿雞麵糖棗等物十色併禮燭

婚期逐一開列送往女家其禮物或受一半不等  
至期乃迎娶焉澎俗無親迎之禮于一歲之中擇  
吉迎娶者有之俗例多以臘月除夕成婚謂此日  
甚吉不用擇日云卽漳泉之人亦多如此澎俗娶  
親無轎俱用牛車其車用青藍帳蓋住前面掛紅  
綢一條或紅布一幅牛角亦用紅布裹住趕車之  
人必着袍帽車前兩人打鑼兩人放爆竹兩人執  
提燈其執事人役必湊雙而往到女家門首就有  
親人迎接入內先奉茶湯次奉湯丸點心新人穿  
大紅衣打扮好了父母把盞醮而遣之媒人同父

母人等扶掖上車及到男家門首小叔在新人車前請下車媒人扶行至中庭新郎手持米篩上畫紅八卦擎蓋在新人頭上攜手進房兩人對揖新郎將釐戩尾揭其包頭烏巾藏在暖肚內然後就坐其釐戩尾揭烏巾之說余問之士人亦以爲相習成風不知其何所取義也

合卺之禮是夕備席一筵在房中男女對酌飲畢卽備湯圓二碗每碗湯圓六枚先男女各執一碗各食二枚次卽男女交碗又食二枚每碗各剩二枚男卽以所執之碗蓋住新娘之碗放在牀下然

後就寢先是遣嫁之時母親爲新娘備暖肚一個內藏歷書一本取押煞之義桔餅二個取大吉之義冰糖一包取甜和之義小鏡一面取光明之義洋銀一圓取團圓之義犁頭鐵彩一塊取鐵心不移而有光彩也生炭一塊炭字土人讀作攤字取生子攤出愈多之義也束在新娘肚中定情之後新娘取出各物與新郎在帳中共食焉新人在房中住三日至第三日請新人出房先拜天地祖宗次拜公姑其伯叔兄弟嬸母妯娌等以次相見拜揖午間備正席一筵請新人首坐諸女客陪坐新

人飲至三杯卽起立告辭不敢當乃執婦禮是日  
外家遣小舅送花油來謂之探房併備帖來請新  
郎同新人回門主家備席待小舅併送探房禮銀  
錢豐儉隨人力量並無一定之數也第五日回門  
外家香花蠟燭鋪氈結彩以待新娘與婿俱駕牛  
車同往及門小舅先迎入行至門內則有大舅迎  
入中庭對揖而坐小舅捧送雞旦湯次奉蓮子點  
心後奉茶三次婿皆有禮三封或銀或錢輕重不  
等謂之押盤禮婿與新人亦先拜天地祖宗次拜  
丈人丈母其伯叔嫂嬪以及大小舅等以次相見

揖拜亦如新人進門時一樣其丈人伯叔大小舅  
等各有禮儀相奉或用番銀或頭簪手鐲輕重厚  
薄不等謂之答拜禮丈人備席請婿首坐丈人把  
盞安位丈人退婿纔就坐亦飲至三杯婿起立固  
辭不敢當親人及陪客挽留再坐終席成禮而散  
婿與新人俱留住母家三日夫婦同牀共寢夜半  
丈母遣人送婿點心或猪腰煮酒蓮子湯不等次  
日早又送四果湯午間又備席請會親酒三日之  
後婿與新人同回丈人備盤四色麵餅圓棗併席  
一筵送回此回門之禮也

歲時

新正元旦各家張燈結彩拜賀新年與內地相同其男女孩童俱着新衣而女子裝飾更爲打扮整齊

初四日澎人自爲接神節各家俱備牲醴祭品供奉謂是日竈君自天而回故虔誠以接之也

元宵各家先于十三夜起門首掛燈廳中張燈結彩至十五夜各家俱備牲醴碗菜供奉三界闔家燕飲鳴鑼擊鼓極爲熱鬧間亦有裝扮故事往別澳遊玩者各廟中張燈男女出遊謂之看燈廟中

札有花卉人物男婦有求嗣者在神前祈杯求得花一枝或亞公仔一個回家供奉如果添丁到明年元宵時另做新鮮花卉人物以酬謝焉

是夜男女出遊以竊得物件爲吉兆未字之女必偷他人的葱菜諺云偷得葱嫁好公偷得菜嫁好婿未配之男竊取他家牆頭老古石諺云偷老古得好婦又婦人竊得别人家餵猪盆被人咒罵則爲生男之兆周年吉慶云

清明節澎人俱于節之前後五日內拜墓祭祖邀請親友壺漿穀核絡繹于原野之間祭畢藉草而

飲相爲勸酬必薄暮而返或人家有新娶子婦者  
卽同新婦往祭諸女客陪焉

端陽節裹角黍相饋遺插蒲艾飲雄黃酒諸儀亦  
與內地無異門首家皆插榕葉一枝謂之老而彌  
健又將小漁船或小舢仔船彩畫五色鳴鑼角勝  
謂之鬪龍舟好事者於海口處所豎標招人相奪  
其標用紅布一幅銀牌一面或一二錢三四錢不  
等銅錢數十文用紅繩串成一串奪得者以爲得  
彩卽盧肇詩所云報道是龍君不信果然奪得錦  
標歸者是也午時爲小兒女結五色縷男繫左手

女擊右手名曰神鍊各家門牆俱用雄黃書寫吉  
慶字樣以爲辟除不祥

六月一日人家俱用米粉和紅麴爲圓以祀其祖  
先祭畢闔家飲酒食湯圓名曰半年圓

七月十五日爲中元節亦爲盂蘭會澎人最喜祀  
鬼祭孤澳中必推一二人爲頭家歛錢做會延道

五人作道場功果或三晝夜或一晝夜不等每道  
場至夜必放燄口祭幽又有破地獄打鬼門之名

總謂之普度會中人各書生年月日時于道士疏  
內焉其陳設餅糿時果諸品約有十數色不等堆

在盤中壘起高三四尺誇奇競富又有猪羊牲醴  
各色先將方桌搭起高臺約有丈餘置祭品于其  
上祭畢任人攘攫搶奪以爲戲樂其強而有力者  
每多獲焉甚至相爭相毆在臺上跌下地來傷  
人者亦有之實爲惡風媽宮一澳兵民錯處尤爲  
特甚余抵任卽訪聞其弊屆期出示嚴禁併親身  
前往阻止飭令祭品論人分派不許仍前攘奪此  
風遂息然普度祭孤例所不禁仍準其照舊做道  
場亦不許其做破地獄打鬼門之事道場畢後一  
二日各會請戲演唱爲樂謂之壓醮尾如是者必

### 月盡方止

中秋節燕飲賞月以月餅相遺亦與內地相同無  
足異者惟于是夜風晴月朗時買扁舟一葉放乎  
中流斯時微波不動星月交輝水天一色極目無  
際心曠神怡恍如置身瓊樓玉宇之中真奇觀也  
無如澎湖一交秋節卽多風少晴獲此良宵蓋亦  
甚罕余任澎三載僅于丙戌中秋之夕一遊覽焉  
後乃不可得豈良宵美景天不易假人而人亦難  
遭也哉

重陽節各澳塾館備酒殺請社師燕飲謂之登高

會又放風箏札爲人物鸞鳳以及河圖八卦之類  
色色都有俱掛響絃乘風直上聲振天衢夜則繫  
燈于其上恍如明星熠燿彼此相賽以高下爲勝  
負此雖遊嬉之事然亦足見太平之樂也

冬至日謂之長至節家皆以糯米粉做湯丸宰雞  
煮肉以祭祀家堂祖先祭畢闔家飲酒食湯丸以  
爲添算謂之團冬是日卽古所云亞歲也澎人彼  
此不賀冬獨祭于其家而已門扇粘一丸于其上  
謂之餉虛耗云

臘月二十四日謂之小除各家掃舍宇備牲醴果  
品又置紙幡幢車馬舟楫之類與楮帛同焚而送  
之謂是日爲送神節言竈君于是日上天見天帝  
云

除夕家家守歲與內地無異惟是夕以滾水泡青  
菜盛以磁碗簪春花其上供在神前謂之長命菜  
又謂之隔年菜又煮白飯一盆亦插春花其上供  
在神前謂之壓年飯以爲明年豐歲之兆各家不  
論貧富俱宰雞煮肉團年祀祖祭畢闔家男女老  
少俱同一席圍飲置火爐于席下圍住飲酒謂之  
圍爐又做年糕相送謂之一年高一一年其糕一塊

約有二三十斤重俱以糯米粉爲之此澎湖之俗也

澎湖紀畧卷之七終

澎湖紀畧卷之八

土產紀目錄

總論

穀之屬

蔬之屬

菰之屬

花之屬

木之屬

草之屬

毛之屬

羽之屬

蟲之屬

石之屬

鱗之屬

介之屬

雜產

澎湖紀畧卷之八

嶺南胡建偉勉亭纂著

水土產紀  
其本之非尚  
對總論

周禮職方掌天下之地人民材畜有辨九穀六畜  
有別管子師其意以五施別五土凡五種之宜與  
不宜若草木鳥畜又孰宜又分五土而三而各其  
六也土物九十而種三十六也古人之盡地利窮  
物性精知博究以導民如此誠以貢賦財用飲食  
宮室養生送死之所由藉也土物之所繫不綦重

哉然而雍州之梁不周之粟陽山之稌南海之稭  
與夫璆球裕于西北金錫盛于東南以至于橘不  
植淮雒不踰濟物產于土而域于土者亦與宋斤  
魯削粵罇同一遷其地而弗能爲良之意也太史  
公曰原大則饒原小則鮮豈虛語耶昌黎稱閩地  
肥衍有山川禽魚之樂固不僅旁槿龍眼側生荔  
枝焜煌中土已也夫聖人因地布利不患其產之  
不豐而患其本之弗尚苜蓿蒲桃罽賓印竹固不  
得與絲麻菽粟而比隆也今澎湖雖無珍禽異獸  
美果竒花之饒而人勤于職無曠土無游民日耕

于山夜釣于水飽食煖衣舍哺鼓腹以樂太平奚  
事侈陳異物以珍富美也哉

### 陸產

澎湖乃海心孤島率皆平衍並無崇巒密林飛鳥  
走獸卽如草木乃大地之毛而澎湖獨無木焉道  
上行人求一休息之處亦不可得惟衙署及屋舍  
之有圍牆可以避風者內中間植一二株以資蔭  
芘其樹亦僅隨牆高下不能高出于牆之外然亦  
只有榕柳二種而已餘則不能活矣草更賤卉而  
澎地之草長不滿尺並未覩所謂白葦黃茅芄芃

勃勃者至于花木縱有從內地帶來不久亦即萎落焉余履任時攜有劍蘭二盆到署初年尚覺青翠開花次年即減三年則根苗俱殞非人事之不齊實水土之各別也今民所最重者五穀而稻黍黍稷菽之不全僅以高粱小米地瓜雜糧為種植之本養命之源蓋土地既已磽瘠而風多雨少又無霑足之潤雖有上農亦何所施其力也哉

穀之屬

稻 其名品甚多且各處所呼又各不同有紅白二色早晚兩種糯米可以釀酒占米即人家常用之飯米稻田澎湖惟大城北西溪二社約有十數畝遇雨水調勻之歲則能種蔣否則種雜糧

澎雖有稻實無稻也

黍

即俗呼為小米者是也種原出北地各品亦甚多粒小于梁結穗如狗尾者名狗尾粟如鴨脚者名鴨脚粟內地兩種俱有澎湖只有狗尾粟一種

秫

即俗名黃小米是也其性與稻之糯米相同可以釀酒澎人獨不曉釀酒只做粘糕等用

番薯

俗名地瓜閩書云皮紫味甘于芋自明萬歷甲午歲荒巡撫金學曾從外番甸種歸教民種之後乃蕃衍何喬遠有番薯頌序云來自呂宋可生熟食亦可釀酒今澎人編地皆種獲而切片晒乾名曰薯米其藤可飼羊牛可供炊爨利亦普矣哉

落花生

俗名地豆又名番豆蔓生黃花花謝時花心如針入地即成子故名落花生形如莢豆以一莢三四子為美性宜沙土炒食氣甚香美適口人多嗜焉但其性太熱多食非宜汪詡菴本草稱其辛能潤肺香能舒脾吾則不敢知也今各處皆用以榨油利益甚廣其藤亦可飼

牛羊供饗彭地  
編處皆種焉

芝麻

一名胡麻一名巨勝一名油麻一名脂麻謂其脂多油也有黑白二種沈存中云胡麻即

今油麻古時中國只有大麻其實為蕒自張騫從大宛國得種來故名胡麻余考麻乃五穀之一那詩有禾麻菽麥周禮三農生九穀亦有麻是時大宛未通中國安得有胡麻乎張騫之說似亦好事者附會耳存而不論可也  
彭人多植收子以榨油為利亦普

高粱

一名蘆粟本草名蜀黍高粱註云春種秋收莖高丈許狀似蘆荻而內實穗大如帚粒大

如椒有二種粘者可以作酒不粘者可供飯食稍可作帚莖可供爨編籬最有利于人者彭人以此為周歲之糧

綠豆

綠以色名也豆肉平皮寒能解金石砒礪草木一切諸毒彭人和米煮飯供食亦可作芽菜

米豆

皮色俱白澎人和米煮飯供食故名為米豆亦可作餅稻春種秋收

扁豆

一名娥眉豆又名沿籬豆蔓生花如小娥莢生花下莢軟連莢可食硬者取其子晒乾為

扁豆白者入藥性得中和脾之氣也凡女人服艸毒墮胎腹痛者生白扁豆去皮為末米飲服濃煎汁飲亦可血崩不止取白扁豆花焙乾為末每服二錢空心炒米煮飲入鹽少許調下奇効亦能解砒礪毒

蔬之屬

芥菜

農書云氣味辛烈菜中之介然者也食之有剛介之氣故字從介比之人為烈士當舉以

首蔬云經霜味益甘美心挺出謂之薑結子大如蘇子色紫味辛研末泡過為芥末辛辣可愛亦有為醬者本草云其氣辛能利九竅通經絡治口噤耳聾等症取芥心作辣菜食亦可愛乃菜之美者也

白菜

本出北地近日到處皆有然出北方者脆美無滓名曰黃芽白一本有十餘斤數斤不等安肅白菜竟有重至五十斤一本者其脆美實非他處可比也閩地北船帶來之山東白雖美大不如安肅矣

芥藍

葉如藍而厚青碧色亦菜之美者莖心尤佳一名灰菜北方人掘其頭醃之謂之大頭菜劉禹錫佳話錄此本出西域頗稜國有攜其子來訛頗為波閩中記以葉紋如波有稜其

菠稜

以義求之歟今盡呼為波菜

萊菔

即蘿蔔本音來郭璞云蘆菔音羅北色白性能消食尤制麵毒故北人食麵必啖蘿蔔又有紫色名水蘿蔔有一種黃色者名胡蘿蔔粵人和檳榔食之澎湖只有白色並無紫黃二種

蒼蓬

泉郡志云葉厚而柔晒之不乾蓋載陰氣之多者閩中記云去頭風利五臟莖灰淋汁洗

衣白如玉色此乃菜之賤者

芹菜

詩曰思樂泮水言采其芹芹生于泮故今丁祭必用焉有赤白兩種荻芹根之白者可葅赤芹則莖葉皆可葅白芹謂水芹赤芹生于陸地謂之旱芹澎湖有旱芹而無水芹

韭菜

一名草鍾乳一名起陽艸說文韭字從葉出地上形又一種而久故謂之韭一歲可以四五割性極煖故號鍾乳云

葱

一名花一名菜伯一名和事草初生曰葱針葉曰葱青衣曰葱袍莖曰葱白葉中涕曰葱茸諸物皆宜故云菜伯和事生辛散熟甘溫有發散通氣之功內則膾脊用葱又脂用葱曲禮凡進飲食之道葱凜處末注凜蒸葱也藥性用之尤多茲不具載

蒜

小蒜也外國有蒜十子一株名曰胡蒜俗謂之大蒜說文謂之葷菜釋道家謂為五葷之一也又謂生食增恚熟食發姪有損性靈故絕之爾雅云藟山蒜也藟音力今人多生食此

**胡葵** 湘山集云即園葵也莖葉柔細而根多鬚綫綫然也相傳張騫使西域得其種而歸故名

胡葵云勿勿新書云即鷺不食草

**同蒿** 時珍云氣同蓬蒿故名葉似艾花如單瓣菊一花結子近百成毬學圃雜蔬謂之董蒿

**薤菜** 蔓生花白莖中虛摘其苗以土壅之即活遯齋閒覽云本生東夷古倫國番舶以薤菜之莖歸故又名薤菜粵中有水薤菜沿水面而生其莖葉更肥脆可啖能解野葛毒其汁滴葛根立萎

萎

**莧菜** 有紫白各種易曰莧陸乃馬齒莧非今之莧菜也吳允睿云莧性解毒通竅利大小腸人

受三春濕鬱之氣積熱在內適生此菜解散除治之此真造化之仁也最宜食之此說非本草

所有而言之有理可信但不可與鼈同食令人生鼈瘕不可治

**豆角** 有紅白各種世人目為裹帶菜豆莢長尺餘亦菜中之美者福州人名為豆結

西瓜 瓜之屬

**番瓜** 種出南番故名番瓜又名南瓜形如壺盧者名北瓜黃色者又名金瓜葉如蜀葵花黃澎

湖之番瓜開花時帶子之花謂之母花不帶子之花謂之公花土人取公花之心插在母花心

之中方能結瓜蓋瓜亦有雌雄此澎地之所獨異也

**冬瓜** 廣雅一名地芝本草註經霜而上白衣如粉又曰冬瓜益氣奈老除心胸滿去頭肉熱熱

人食之佳冷人食之瘦瓜大可數拱長二三尺不等小者名為節瓜性味亦同

**菜瓜** 蔓生有青白二色澎地獨無白瓜醬豉糖醋皆宜凡病後不可食又不得與牛乳酪同食

蕭子真云菜瓜能暗人耳目觀驢馬食之即眼爛可知矣

**壺盧** 壺酒器也盧飯器也是物各象其形可為酒飯之器也俗作葫蘆非矣世以壺匏瓠三物

通稱不知本草明分三種長如越瓜首尾如一者為瓠無柄而圓大形扁者為匏頸短而小腹

大而圓者為壺味雖不殊而形則各別也鵬冠  
子曰中流失船一壺千金即此也今近海之孩  
皆背負一壺亦以防溺也

### 絲瓜

天羅布瓜蠻瓜魚鱘一物五名瓜老則筋絲  
羅織故名絲羅二名世人呼為亂織又有魚  
鱘之名或云虞刺來自南方故曰蠻瓜唐宋以  
前無聞今南北以為常蔬葉如蜀葵汁可染綠  
老瓜筋絡可以滌器  
又呼為洗鍋瓜云

### 苦瓜

學圃雜蔬種出南番今粵閩皆種焉皮上瘁  
癩如荔枝殼故北人呼為癩蒲萄錦荔枝味  
苦熟則色黃廣州人呼為蒲蓬  
食物皆宜亦名為菜中國老

### 香瓜

有青黃二種味香性冷宜生食暑月食之可  
消暑氣本艸甜瓜有十餘種此其一也粵中  
香瓜有大至二三十斤者亦香甜可嗜澎地大  
不及斤各處俱有總不如哈密產者之為佳也

### 西瓜

草木子謂自元太祖征西域始得此種松漠  
記又云洪皓使虜攜歸胡嶠陷盧記言嶠征

回紇得此種則自五代時已入中國矣然劉楨  
陸機吳淑諸人皆有瓜賦則西瓜亦由來久矣  
瓜之所出以燉煌為美燉煌古瓜州地也各處  
皆生長于夏月惟臺灣貢瓜則八月下種十一  
月收瓜每年定例正月貢瓜二十枚澎地亦長  
于夏味不如臺地本草云性甘寒解暑除煩利  
便名天生白虎湯稽食賦云瓜曝  
則寒油煎則冷亦物性之異也

### 花之屬

### 蘭

草木疏曰蘭為王者香黃山谷云一幹一花而  
香有餘者謂之蘭一幹數花而香不足者謂之  
蕙此說本之爾雅翼世人皆耳食信之今閩地  
山中一幹一花者甚多且有並頭者一幹數花  
而高出葉上者山中入皆以意名之總謂之蘭  
如山谷所云諸種將謂之蘭乎蕙乎可謂強作  
解事矣閩蘭總以素心為第一品然亦一幹數  
花也彭本不產蘭乃從內地攜來然水土不合  
三二年根  
苗俱萎矣

菊

爾雅曰鞠治蔞埠雅曰鞠名聚金聚而不落故名禮記季秋菊有黃花今黃白紅紫諸色俱備獨以黃為正色耳劉蒙泉菊譜三十五品范石湖菊譜七十一種亦不能盡收本艸名更生味兼甘苦性稟和平飽經霜露得金水之精居多能益肺腎治目疾頭眩可藥可餌可釀可枕仙經重之野菊名苦蕒不可入藥澎湖並無野菊

茉莉

開花色白妙麗而香方言謂之末利又有紅茉莉藤生亦香閩書云原出波斯國移種南海洛陽名園記作抹厲佛經作抹利王十朋作沒利洪邁作末麗泉州志作木麗亦隨人意會而已香濁不如素馨

木芙蓉

一名拒霜秋開色淡紅一種百葉朝開純白午後則漸紅如醉謂之醉芙蓉菊亦名拒霜芙蓉陸生荷亦名芙蓉楚詞集芙蓉以為裳古詩涉江採芙蓉皆指芙蓉而言也

老少年

一名秋紅一名雁來紅初生時葉綠與莧無異秋深秀出新葉紅黃相間俗呼為十

樣錦亦花中之佳卉也

雞冠

佛書謂之波羅奢閩中記曰秋生紫色如繡畫雞冠之狀亦有白色者又有一種中間花最大旁枝之花四面環拱名百鳥朝陽又有錯出五色者亦佳又一種稱壽星雞冠亦有紅白二種或云即後庭花也本艸謂坐種則矮立種則高蓋矮者另是一種非坐種之謂也

百日紅

一名千日嬌春種秋花紫紅色花結如毬大如彈子其中仁如莧菜仁採摘經久亦不變色故名為百日紅云

玉芙蓉

又名滿臺香葉粉紅色其氣清香簪于婦人笄內香越勝于樹樹屬艸本然植之年久亦有高二三尺者開花黃色如菊花心但此花香美不在于花而在于葉

美人蕉

圖經曰花出辦中極繁盛紅如火炬又謂之紅蕉四時俱茂閩部疏曰秋發一紅瓣上抽綠苗三四日間齊放簇若朱蓮經月不散大是佳卉

鳳仙花

又名金鳳花有紅黃白紫五色亦有五色

急生子可入藥用宋光宗李后名鳳宮中避后諱呼為好兒女花張宛邱呼為菊婢唐韋后呼為羽容此草不生蠹即蜂蝶亦不敢近焉

水仙花

叢生宜濕地根似蒜葉如萱艸葉中生莖莖端開花瓣白心黃調之金盞銀盆香韻

佛桑花

即木槿葉似桑四時長開朝開夕謝有朱白黃紫各色又云扶桑花折枝插土即活

萱花

一名鹿葱一名忘憂詩焉得諼草言樹之背諼忘也謂食之令人忘憂周處風土記云妊婦佩之則生男又謂之宜男

月季花

一名月月紅花似薔薇而香不及色亦微淡七姊妹賽牡丹等花俱與相類而異名

木之屬

長 植于人家牆內其平地大道俱不生

榕

亦作楠海物異名記云材擁腫不中繩墨故謂之楠或曰其蔭覆寬廣故謂之榕垂鬚入地輒復生根易生之物也相傳千年榕樹上生奇

檉

一名西河柳葉細而枝柔似垂絲柳夏著花粉紅如粟其木折枝插土即活亦易生之物余于

草之屬

草

百卉也禹貢厥草惟絲詩小雅在彼豐草論衡云地性生草山性生木澎地之草長不滿尺豈地性有異歟亦風多雨少故草不

蕘

生有三稜爾雅謂之莖生淡水者可作繩織席生近海者名曰鹹水草只可作繩

香附草 一名沙根又名侯莎爾雅翼莖葉似三稜根周匝多毛謂之香附子一名雀頭香入

氣分

刺裙草

穗刺人衣裳或云到雞鳴時一抖即脫落又謂之雞鳴草世人取其心以編帽縛以

亦佳

蒺藜

子有三角刺本草云風家宜用刺蒺藜補宜用沙苑蒺藜乃腎肝肺三經之藥端午采其

蔓煮湯浴身亦能消風

蒲公英

葉似萵苣花如單瓣菊四時有花花謝飛絮斷之莖中有白汁能化熱毒解毒消

腫核治乳癰為通淋妙品

蒼耳

本草作泉耳即詩所謂卷耳也一名羊負來本草云性溫善發汁散風濕上通于腦下行

足膝外達皮膚治頭風目暗等症作湯浴可以治身癢

車前子

郭璞云江東人呼為蝦蟆衣一名當道一名馬鳥即詩所謂芣苢也大葉長穗好生

道旁本草稱其強陰益精令人有子又云與茯苓同功

艾

有大葉者有小葉者本草云味苦辛生溫熟熱能回垂絕之元陽通十二經走三陰理氣逐血

暖子宮煎服用鮮者搗揉如綿謂之熟艾炙火用陳者良孟子謂七年之病求三年之艾是也

仙人掌

閩小紀謂多貼石壁上如人掌人家門前屋上多植之謂可辟邪云

毛之屬

羊

繁露曰有角而不用類好仁者執之不鳴殺之不嗥類死義者飲乳必跪其母類知禮者白澤

圖曰羊有一角當頂上龍也殺之震死又羊為孝獸故論畜產必以羊為首稱焉澎無綿羊只

有山羊一種從前各家割耳為記散牧于島嶼之上今民人日眾土地漸開乃各畜于家本艸

言羊肉于人最補澎湖之羊非為無補且有微毒中羊毒者飲甘艸湯則解銅器煮之男子損

陽女子暴下物性之

牛

異如此不可不知也  
耕畜也易坤為子母牛曲禮牛一元大武元頭  
也武足跡牛肥則跡大也周禮謂之大牢牢乃  
豢室牛大故大之羊小故曰少牢焦貢易林牛  
龍耳贖牛耳無竅以鼻聽龍則以角聽也牛齒  
有下無上察齒可知其年牛有黃牛水牛二種  
彭無水牛只有黃牛然黃中色革卦鞏用黃牛  
者是也

犬

爾雅以犬未成毫為狗說文以狗之懸蹄者為  
犬今通作狗易艮為狗術家以狗為地厭能穰  
逐一切邪魅妖術史記秦時殺狗磔四門以禦  
災殺白犬血題門以辟不祥則自古已然矣狗

豕

守畜故人家必畜之犬最有  
義古稱義犬事不勝書焉  
曲禮豕曰剛鬣註豕肥則鬣剛也豚曰肥腩臠  
者充滿貌也總名曰豕壯曰豕豕曰豕豕曰豕  
穠古者教民二母豕乃家畜也故家字從豕言  
無豕不成家也孕四月而生在畜屬水在卦屬

坎在禽應室宿易繫辭坎

猫

爾雅翼曰小獸之猛者禮郊特牲迎猫為其食  
田鼠也有黃黑白駁色尾長腰短目如金上齟  
多稜提耳而身團縮者良睛可定時子午卯酉  
如一線寅申巳亥如滿月辰戌丑未如棗核玉  
屑云猫出天竺國因鼠嚙佛書故畜之彼處猫  
死不埋掛于樹上唐僧取經得猫歸養之乃入

狸

中國此說謬也詩大雅有猫有  
虎禮云迎猫此豈在唐之後乎  
狸有數種大小似狐毛雜黃黑斑如猫員頭大  
尾者為猫狸善竊雞鴨斑如虎者方口銳頭者

獺

淮南子曰獺穴知水言獺能前知歲水潦高下  
預度水所不至而穴也人因以是為潦水之候  
月令正月獺祭魚取魚水瀆四面陳之不食謂  
之祭魚孟冬復祭之蔡邕月令章句曰獺毛虫  
西方白虎之屬埤雅曰似狐而小青黑色膚如  
伏翼一名水狗亦有白者吳主孫和舞鉄如意

悞傷鄧夫人類求白獺髓雜琥珀治之而愈又諸畜肝皆有定惟獺肝一月一葉十二月十二葉其間又有退葉魚骨鯁久嗽取獺肝燒灰服之愈獺肝必自取者乃真否則偽也  
鼠 穴虫之最黠者善竊晝伏夜動俗稱鼠為耗虫易良為鼠抱朴子云鼠百歲則色白似非也彭湖之姑婆與產白鼠毛如銀鼠四足兩眼俱紅余任澎三載僅搆得一隻數日即失去再求則不可得矣土人云近日與上有狸貓為其所食故不可得也

### 羽之屬

雞 易巽為雞禮雞曰翰音翰長也田饒告魯哀公曰雞有五德首戴冠文也足搏距武也敵在前敢鬪勇也見食相呼仁也守夜不失時信也故世稱為德禽風俗通云雞本朱氏所化故呼朱朱祝雞翁善養雞故呼祝祝若夫朝鮮之長尾雞南越之長鳴雞蜀中鷄雞江南矮雞之類名色甚夥不能多載

### 鴨

爾雅曰舒鳧尸子曰野鴨為鳧家鴨為鶩不能飛翔如庶人守耕而已故庶人執鶩為贄鴨皆雄瘖雌鳴重陽後乃肥臍清明後生卵則內陷不滿伏卵聞磨礮之聲則暇而不成無雌抱伏則以牛矢嫗而出之粵人以火焙而生子此皆物理之不可曉者也肉作白鳳膏甚良血解諸毒及小兒白痢尤効以白者為勝禽經曰雞鳴咿咿鴨鳴呶呶大抵皆象其聲而名之耳陸龜蒙有鬪鴨欄孟郊為

### 鵝

爾雅謂之舒雁一曰蒼鵝鵝類如臍長脰夜鳴應更又善旋轉運其項古者善書者法以動腕逸少所以好鵝也寫經換鵝有兩事晉史載右軍寫道德經換鵝又仙傳拾遺云山陰道士管霄霞籠鵝一雙請書黃庭經又是一事也世遂以黃庭經為換鵝經即黃魯直亦承其訛行有行列故兵有鵝鵠之陣

### 海鵝

即野鵝也大于雁謂之駕鵝亦曰鳴鵝鵠之別名則曰天鵝贊寧曰凡物之大皆謂之天

天大也海鵝常于海濱獵魚而食翎可為箭羽臺澎之人各曰南風翹又名布袋鵝

鷺鷥詩振鷺于飛于彼西雍詩義云水鳥也所好潔白調之白鳥凡渡海者見有白鳥飛翔則

喜以其將近與鳥也鷺涉淺水好自低昂如春如鋤故又名春鋤埤雅曰頂上有絲毳毳長尺餘欲取魚則弭之禽經曰鷺啄則絲偃鷹捕則

角弭藏殺機也陰陽變化論曰鷺目感而受胎一名雪客一

名風標公子

燕爾雅燕乙也齊人呼為馭取其自呼名馭也詩謂之元鳥禮記仲春元鳥至陶隱居曰紫胸輕

小者是越燕胸班黑聲大者是胡燕古今註一名神女一名天女說文燕布翅岐尾作巢避戊

巴春社來秋社去

百舌鳥即反舌鳥也能反覆其口隨百鳥之音朝野雜記春囀夏止禮記云仲夏之月反舌

無聲

練雀禽經謂之帶鳥俗名壽帶鳥似山雀而小頭上披一帶雌者尾短雄者尾長禽經云冠鳥

性勇纓鳥性樂帶鳥性仁張華云帶鳥者練雀之類是也臺灣人呼為長尾三娘澎本無此雀

間有自臺飛來余曾獲其一隻育之數日釋之而去

麻雀曹植賦頭如顆蒜目如襖椒躍而不步古今註一名嘉賓言棲宿簷瓦馴近階除如賓客

也禽經曰雀交不一雉交不再老而班者為麻雀小而黃口者為黃雀逸周書謂雀入大水為

蛤殆此類非家雀也澎湖當日亦無麻雀臺鎮呂瑞麟任澎湖時從內地攜百隻來育于署中

散遂蕃衍焉

叫天鳥土人名為山麻雀形與麻雀相類而畧大飛則向天而鳴故因以名焉

蟲之屬

蜂檀弓范則冠而蟬有綏范蜂也蜂毒在尾垂穎如鋒故謂之蜂傳曰蜂蠆垂芒是也蠆字象形

蜂動以萬計故借億萬之萬又蜂有兩衙應潮上下主蜂所在衆蜂旋繞之闕尹曰聖人師蜂之君臣是也蜂之種類甚多採花者爲蜜蜂

螺

螺一名蠃一名蠃一名蒲盧郭璞註細腰也莊子細腰者曰蒲盧故蜂亦如之詩螟蛉有子螺贏

負之鄭箋云螟蛉桑虫蒲盧取去養之以成已

子法言曰螟蛉之子殪而逢果羸祝之曰類我類我七日而化

蟻

禮記云玄駒爾雅名蚍蜉壅土成封口蟻封亦

處之一粒之食與衆畜之一罪無疑與衆戮之

行列隊伍抱朴子蟻有兼弱之智是也又有黑

白黃色等類閩越地潮濕白蟻之爲害更甚也

茶渣乾而爲末佈于中途蟻即裹足而不敢前矣

尺蠖

屈伸虫也似蠶而絕小行則促其腰使首尾

相就乃能進步易曰尺蠖之屈以求伸也亢

螳螂

爾雅謂之莫貍音鶴說文謂之斫父淮南註

謂之拒斧又謂之天馬此虫知進惟捕蟬則

蟋蟀

詩義蟋蟀似蝗而小正黑身有光澤如漆有

角翅或謂之促織里語促織鳴嬾婦驚袁瓊

秋日詩芳艸不復綠王孫今又歸人都金籠閉

蝻

戲鏤象牙爲籠而畜之今世亦有鬪蟋蟀事

江東人呼爲蝻今俗人皆呼爲蝻

蜻蛉

爾雅謂之蜻蛉音欣埤雅曰蜻蛉飲露六足四

翼翅輕薄如蟬遇雨多集水上欵飛青蠅言其  
色蛉灯言其狀或云其尾如丁也或云其尾好  
亭而挺故曰蜓也

蝴蝶古今註一名蛺蝶一名野娥一名鳳蝶亦名  
鳳子鳳車搜神記云朽葦為蠶朽麥為蝶以  
至桑化蝶花化蝶或枯蠹蔬葉壞帛尺蠖繭皆  
可化自無知化為有知造化固不可測耳四翅  
有粉以鬚代鼻其交皆以鼻道藏

經曰蝶交則粉退蜂交則黃退

西陽云蠅聲在翼身青者糞能敗物故詩刺青  
蠅巨者首如赤火號為景迹故歐賦曰大忌赤  
頭號為景迹也青蠅亂色故詩以刺讒蒼蠅亂  
聲故詩曰匪雞則鳴蒼蠅之聲埤雅云蠅好交  
其前足有絞繩之象

故繩為字從蠅省

蚊列子謂之脊芮王周賦曰蚋子古今註蚊所化  
不一滂水有子下之蛻江南有吐蚊之鳥塞北  
有蚊母之艸南中有產蚊之木是草木禽虫皆  
可化也註草虫昏虫也昏下從虫乃古篆文蠹

字也楊子法言善撓人通夕不寐晝伏夜飛又  
有一種名蠓子黑色而小于蚊不碍紗縠夜伏  
尤苦之人

蜘蛛布網如罾右繞蛛自處其中飛虫觸網者纏  
縛食之爾雅多名今皆省文作蜘蛛詩蠩蛸

在戶即小蜘蛛集而百事喜是也

子陸賈曰蜘蛛集而百事喜是也

蜘蛛爾雅謂之鼠負郭注曰甕器底虫陶隱居曰  
婦令入善淫故有婦名詩蜘蛛在室室無人  
則生故也太平御覽載葛洪瘡方用鼠負

蟾蜍狀如龍蝨綠壁善走好在厨篋中遇物嗜食  
亦嗜書與墨以其食油聞人或呼為油虫俗  
呼曰黃蠶正

語曰漆虫

蜥蜴似蛇而四足青碧色以五色者為雄而不備  
者為雌一種善緣籬壁形小而黑名蠃蜥亦

名蛇師以其常在屋壁故又名守官一種形小  
尾長見人不動名龍子在草澤中大者名蠓蠃

名蛇師以其常在屋壁故又名守官一種形小  
尾長見人不動名龍子在草澤中大者名蠓蠃

名蛇師以其常在屋壁故又名守官一種形小  
尾長見人不動名龍子在草澤中大者名蠓蠃

名蛇師以其常在屋壁故又名守官一種形小  
尾長見人不動名龍子在草澤中大者名蠓蠃

名蛇師以其常在屋壁故又名守官一種形小  
尾長見人不動名龍子在草澤中大者名蠓蠃

名蛇師以其常在屋壁故又名守官一種形小  
尾長見人不動名龍子在草澤中大者名蠓蠃

名蛇師以其常在屋壁故又名守官一種形小  
尾長見人不動名龍子在草澤中大者名蠓蠃

名蛇師以其常在屋壁故又名守官一種形小  
尾長見人不動名龍子在草澤中大者名蠓蠃

名蛇師以其常在屋壁故又名守官一種形小  
尾長見人不動名龍子在草澤中大者名蠓蠃

名蛇師以其常在屋壁故又名守官一種形小  
尾長見人不動名龍子在草澤中大者名蠓蠃

捕蠅曰蝎虎首隨十二時變色者曰十二時虫  
東方朔射覆曰臣以為龍又無角謂之為蛇又  
有足跛跛胛胛善緣  
壁非是守宮即蜥蜴

蚓

月令孟夏蚯蚓出冬至蚯蚓結結屈也天寒蚯蚓  
入穴首向下陽動則首向上其身屈曲也一  
名蟻一名胸唼音蠢閏一名土龍長吟于地中  
江東謂之歌女荀子蚓無爪牙之利筋骨之強  
上食稿壤下飲黃泉其用心一也凡中蚯蚓毒  
者以鹽湯洗之愈或更飲鹽湯一杯甚良不可  
不知也

蜈蚣

赤腹黑頭多足善啖蛇食其腦能螫人一名  
螂蛆莊子謂螂蛆甘帶是也舊說蟾蜍食螂

蠹

凡地蒸濕則多蠹甚為衣帛書畫之害始則黃  
色老則有粉碎之如銀一名白魚一名衣魚一  
名壁魚俗呼蠹魚一名蟬雜組載何諷得黃紙  
中一髮長四寸卷之無端用力絕之兩端滴水

方士云仙經云衣魚三食神仙字則化此名為  
瓜望夜持映天中星星使立降又壁魚入道經

中食神仙字則身有  
五色吞之可以致仙

寵雞

本草名灶馬俗呼亦同穴灶而居狀如蟋蟀  
詩義疏云似蝗而小善跳好鬪立秋後則夜

鳴俗言灶有  
馬足食之兆

蛇

毒虫也尾如指甲其舌雙其耳聾其聽以目其  
蟠向壬其毒在涎其珠在口其行也紆其食也  
吞蛇交蛇則雄入雌腹交已乃退出交雉則生  
蜃及蠟蚶居常饑稍飽即蛻冬含土入蟄春出  
蟄則吐之員重如石謂之蛇黃蛇  
之為類甚多大小不一不能悉載

蟾蜍

與蝦蟆同類居陸地下陰處身大背黑行遲  
腹下有丹書八字者真蟾蜍也抱朴子云蟾  
蜍千歲頭上有角腹下有丹書名曰肉芝食之  
得仙戰國策月魄象蟾兔故世謂月彩為蟾光  
者不考所  
從出耳

石之屬

文石產于西嶼外塹小池角二處石外有璞剖其璞而石始出石有五色錯而成文故名以黃者為上土人以有眼者為貴琢為念珠物類以供玩賞然石質鬆脆遇北風時則皆折裂近日挖掘殆盡構求甚難亦無有大如雞卵者不過零星細小只可作扇墜等物而已以余觀之殆不及壽山石遠矣

水產

水之大者莫過于海海為天池所以納百川者也上應天星下饒物產傳曰及其不測龍鼉蛟龍魚鼈生焉貨財殖焉傳亦約言之而已若夫析而言之則有爾雅之書所不及詳山海之經所能紀者

焉今澎湖一島四面環海汪洋巨浸茫無際涯何奇不有何怪不儲試就魚而論極其大可以吞龍舟極其小可以穿針孔更何有于天琛鮫絹詭暉異質者哉欲一一而詳之亦孰得而詳之也第澎人以海潮為田以魚蛤為命海之所生即穀之所出取之無禁用之不竭均有賴于水產余僅就其日夕採捕常見之物有名可稱有形可舉者類紀之而已至于耳之所未聞目之所未觀無濟于食貨無益于閭閻者存而勿論焉可耳

鱗之屬

鯨魚 一名海鯨俗呼為海翁身長數十丈虎口

者數千斤有言其背生草木樵者悞登其上須

記云最巨能吞舟日中閃鬣若簸朱旗道健

好動故又名鱗閩中海錯疏海鱗噴沫飛洒成

雨其來也形若山岳乍出乍沒舟人相值必鳴

金鼓以佈之布米以厭之鱗乃逝去否則鮮有

不罹其害者間有自斃沙上者土人梯而嚮之

炙其皮以為油船甚佳其目珠即明月之珠

死即脫落故鱗死兩目皆空世罕得而獲焉彭

湖于乾隆二十二年夏四月有一鱗自斃于虎

井巽灣上土人爭割其肉約有數千斤云今澎

署大門尚有支門魚骨一條長數尺大數把其

脊骨可以作確白兩眼亦空無目

珠澎人云此尚是鱗之小者也

海監 狀如海翁其大次之亦有千餘斤及數百斤

躍時水浪滔天如雨土人所

云如此其不可網也明矣

龍占魚 形似海鰲大僅一二斤醃以作齋

泥鱣魚 即塗鮐魚形如馬鮫而大重者四五十斤

云初冬時出仲春即止康熙二十二年平臺之

後提督施令輸魚規一千二百兩以為賞兵之

用及提督許良彬奏請將此項歸公以為提督

衙門之用歲以為常至乾隆二年四月二十五

日奉 上諭永行禁革此項陋規制憲郝遵奉出示曉諭

大哉 皇言澎民承受恩膏于無窮矣

白腹魚 狀如塗 馬鮫 形如白腹青斑色無

長翼魚 頭尖身圓而大有細鱗翼甚長重亦有二

梳齒魚 狀亦與塗鮐相同時而出形亦頗相類

鯢魚 即鮓魚頭大鱗有金色

**鯧魚** 閩中海錯疏鱗之小者其形扁諺云山上麀  
隨之食其涎沫有類

**鯊魚** 海族志以皮如沙得名其種不一有胡鯊青  
如鋸皮可鏤為膾蕘以為脩可充方物鮫鯊皮

如狗黃鯊好食百魚大者五六百斤  
凡鯊魚翼鬣取以作饌俱各魚翅

**獅刀魚** 背腹如刀故名無  
鱗肉多刺味亦美

**烏頰魚** 口尖身扁有鱗黑  
色故名大寒時出

**鰠魚** 三山志似鰠而多鰻海錯疏鱗鰠其美在腴  
鰠狹口劍脊亦多鰻大者長三四尺重六七斤

**鰻魚** 似鱧而腹大有黃色青色春生者毒  
者長二三尺重三四斤

**烏鰂** 即墨魚也閩書形如鞞囊肉白皮斑無鱗埤  
雅曰烏鰂八足絕短前有二鬚極長集足在

以縮害遇小魚蝦過其前即吐墨涎以致之背  
有板潔白形如布梭輕虛如通艸

**柔魚** 似烏鰂而小厚味甘美小者曰猴染  
又小者曰墨斗似鎖管墨斗能吐墨

**青鱗** 俗名青鱗  
味頗劣

**狗母魚** 身長嘴大尾  
尖以形名也

**金梭** 身圓如梭沙  
梭魚亦同類

**烏魚** 本草名鱮魚閩志稱從黃河而來冬至前捕  
之名曰正頭烏肥而味美冬至後捕之日回

頭則瘦而味劣吳王論魚以鱮為上隋大  
業六年帝出鱮魚以賜近臣稱為奇味

**跳魚** 生海嶼邊泥塗中大如指善跳故名俗曰  
花魚以其身有花文也作羹食味頗佳

**米魚** 身扁細鱗重  
止三四兩

**金目魚** 即松江之鱸  
四腮者也

**烏燕魚** 狀如燕子身有黑  
花大有十餘斤

**烏鰂** 狀如燕子身有黑  
花大有十餘斤

**烏鰂** 狀如燕子身有黑  
花大有十餘斤

**烏鰂** 狀如燕子身有黑  
花大有十餘斤

**烏鰂** 狀如燕子身有黑  
花大有十餘斤

**烏鰂** 狀如燕子身有黑  
花大有十餘斤

丁香 身圓尖長寸許澎人用以作醬名丁香醬

水尖魚 身圓而尖嘴尖而長

飛鳥魚 魚疑是燕所化兩翼尚存漁人俟夜深時懸燈以待乃結陣飛入舟中舟滿則滅燈

以避焉

白帶魚 身薄而長其形如帶無鱗小者謂之帶柳

尾而升故市者獨多或言帶無尾者非也蓋為羣帶相銜而尾脫也

赤鯨魚 身短頭大尾兩開赤色有鱗

馬鞭魚 身赤長而扁尾尖上有絲一條故名

竹葉鱧 身扁鱗相重疊大只二三兩作鮭佳

石老魚 頭圓身扁青色粗鱗大有十餘斤

鱧魚 口小鱗細色白赤有紅鱗者名紅鱧

青嘴魚 狀如龍占頭上有

象耳 身扁色黑其刺最利重有五六斤 雞魚 身扁赤色細鱗形頗如雞故名

鶯歌魚 鳥嘴紅色遍身皆綠如鶯故名即鸚鵡魚也

刺龜魚 身圓如毬頭尖尾短兩邊有小翼有刺無鱗形如龜其刺如蝟故名焉好事者脫其

皮以作燈留為上元節賞玩殊有可觀 鰕奇 頭圓而小紅色口上有鬚

花鰻魚 狀如長翼魚 魴魚 身扁無鱗尖頭短尾亦名牛牯魴

青威 遍身青色故名狀如石腦大有十餘斤

虎魚 狀如虎巨口細鱗長不滿尺肉嫩而美

比目魚 形如鰈沙鱗細色紫一目兩相比乃行故名閩人呼為鞋底魚以形名之又謂之

魚貼沙

章魚

腹圓口在腹下八足聚生口旁足內皆有圓文凸起紫色春初出夏初止彭人以火照取用作釣餌亦可充饌又一種似章魚而大居石穴中人或取之能以足粘石拒人名曰石拒又

塗婆

琵琶魚

郭璞江賦名鱗魚身圓而扁長尾狀如琵琶故名有紅黑二種無鱗尾上有刺能螫人俗呼為鍋蓋魚亦以形名也遊則浮于水面故又呼為浮魚

飼子飯

無細骨可和飯飼兒故名

鐵甲魚

鱗硬如甲去皮方可食

黃翅魚

狀如烏頰肉細味美其翅黃故名

扁魚

形如貼沙而薄晒乾作鮫味極香美閩人之所樂嗜者也鮮食亦佳一名塗刺

金錢魚

身圓眼有金睛故名體薄多刺

大頭丁

頭大尾尖狀如鉄丁故名

牛尾魚

狀如牛尾無鱗身直如條黑色

遍身苦魚

身有花點細鱗重只一二兩

班午魚

身有班點細鱗重只三四兩

咬網狗

黑色口歪無分左右狀似扁魚

來貓魚

頭大口濶細鱗有花點皮肉甚粗

黃爵

身薄而小多鯁疑為黃雀所化故名

鰕

溪澤江海皆有之磔鬚鉞鼻背有斷節尾有硬鱗多是好躍其腸屬腦子在腹外水母依以為眼越絕書云海鏡蟹為腹水母蝦為目是也一種龍蝦長有二三尺鬚長亦有一二尺割其肉

殼可以作燈一種紅蝦大亦有一二尺可理為杯名曰蝦杯多出於福清又南海雜誌云商船

見波中雙檣遙深高可十餘丈意其為舟老長年曰此海蝦乘霽晒雙鬚耳非舟也鰕之種大

小甚多不能悉載鰕本魚族故當從鰕

附淡水魚

以下數種澎地西溪大城北二社內水坑中有之

鯽魚

呂子曰魚之美者洞庭之鮒鮒小魚也即今之鯽魚肉厚味美性不食釣埤雅云此魚旅

行吐沫如星以相即也故謂之鯽以其相附故謂之鮒易并九二所謂谷射鮒者也本草云諸

魚屬火獨鯽魚屬土土能制水故有和胃實腸行水之功

**鯽**

肉鬣連尾無鱗有舌腹白脂膏甚多生于泥中

頭角焚之可以辟蠹說文云鯽與鱧同此魚有雄無雌以影漫于鱧而生故謂鯽鱧一曰鮒亦

生鯽蓋其乳子三分之一

為鮒一為鯽此說近之

**鱣**

鱣腹黃故世稱黃鱣異苑作黃鮓似蛇無鱗體多涎沫夏出冬蟄凡貯以水缸畜數百頭夜以

燈照之其蛇化者必項下有白點遍身浮水上當棄之勿食食則傷人

**泥鰍**

即泥鰍也似鱣而短無鱗以涎自染難握與也古云守魚以驚養魚以鱣蓋鱣性善擾令魚

利轉制字從鰍得毋是乎爾雅謂之鰍註鰍尋也尋習于泥而厭其清水也

**鬪魚**

魚經云狀如指長寸許有花文紅綠相間尾鮮紅有黃點善鬪養盆中令其相鬪閩書名

魚丁班

**金魚**

一謂之變魚春末生子好自吞啗初黑色久乃變為紅色或白色或紅黑白相間尾作三

岐又一種雙眼凸起尾作四岐者謂之龍頭金魚前古罕知惟自宋高宗始畜高宗畜之池中

置水銀其下畜之最大至三四寸止矣晉恒冲遊廬山見湖中有赤鱗魚即此也

**水雞**

即田雞也似石鱗閩省志稱石鱗陸產有五種尖嘴蛤青約青蛤黃蛤也世多食水雞而青

約等罕有食者石鱗即石嵒又名谷凍此種澎湖所無

無

**龍蝨**

又名水龜狀似蟾蜍而小黑色兩翅六足秋月暴風起從海上飛落水田中或池塘內闖

人取油鹽製藏以為珍味余于平和旅舍中主人設以饌余未有嘗也

介之屬

璫瑁

璫瑁狀如龜殼稍長背有甲十二片黑白斑

甲柔如皮因以作器顧玠海槎錄云老者甲厚

色明小者甲薄色暗世言鞭血成班者謬也陸

佃曰璫瑁不再交望卵影抱謂之護卵應邵曰

雄曰璫瑁雌曰背蟻劉欣期交州記作蚶蟻劉

郁西都記璫瑁遺精鮫魚吞食吐出年深結塊

者為撒八兒價如金澎人取璫瑁伺其登海岸

伏卵時尾而逐之其行甚疾眾併力反其背俾

其仰卧將石墊住四圍明早拾回剝之重者一

二百斤小者亦有數十斤

醃為脯鬻之味同牛肉

鰲

介而中圻厥色青黑殼甚堅可以作杓尾長如

鎗足十二眼在背上口在腹下雄小雌大置之

水中雄者浮雌者沉雌常負雄而行雖波濤終

不解散失雄則不能獨活故號鰲媚漁人獲必

雙焉腹中子如粟可醃以為醬閩書形云熨斗

如便面如惠文冠廣尺許韓昌黎詩鰲實如惠

文尾可為如意  
燒烟可辟蚊蚋

螃

一名郭索易說卦離為蟹埤雅曰蟹行側故

並無毛蟹及  
金錢蟹二種

蟬

埤雅云似蟹而大殼黃色青又有金蟬色黃

虎

海族志文有虎斑閩部疏色如瑪瑙其殼

蠟

閩中多黃蠟有稜鋸利截物如剪故曰蠟

蟛

在海所鑽穴而居比戶錄云有

寄生

閩書云生在蠣房蚌蛤腹中郭璞江賦璅蛞

螺

有枯螺殼存者寄生其中負殼而走形如蟹四

螺

足兩螯大如榆莢其味若蝦炒食味亦甘美

易說卦離為螺古字通亦作蠡今惟作螺本草

云公輸見螺引閉其戶不可開因效之作門文  
中子聖人法蠡蚌而閉戶是也彭之螺大者如  
盆小者如米種類甚夥所常見者則有巴螺錮  
螺俗云琉球螺可飾物器達摩螺可作杯花螺  
白螺黃螺紅螺可作醬俗名  
珠螺醬生水田者則曰田螺

牡蠣 又名蠓 韓昌黎詩蠓相粘為山百十各自生  
嶺表錄異地無石灰者燒蠓殼為之本草云鹹  
以軟堅化痰消瘰癧結核瀆以收脫治遺精崩  
帶止嗽斂汗固大小腸為肝腎  
血分之藥煨用亦有生用者

蚶 殼厚狀如瓦屋子其肉紫色嶺表錄異云盧鈞鎮南  
海改為瓦屋子其肉曰天齷肉有珠蚶絲蚶斧  
頭蚶數種斧頭蚶大者長一尺餘形如斧內郡  
蚶有埕悉係種養澎湖則自生于海中而已  
蛤 潮生一暈有白蛤赤蛤花蛤各種本草言殼  
煨為粉與牡蠣同  
功炒藥則用蛤粉

殼菜

即淡菜也生四明者肉大而肥閩中則肉小  
而瘦澎湖則更瘦小矣生海石中以苔為根  
殼長而堅硬紫色味頗佳其乾者閩人呼曰幹  
小名沙箭一頭尖中街少毛號東海夫人又有  
烏蜆烏投形狀俱同

蚌

易離為蚌蚌也形如蛤蚶殼厚而長五雜組蚌  
大者如箕海濱人習見不足異也爾雅蚌聞雷  
則瘵久則生珠中秋無月則蚌無胎左思賦蚌  
珠胎與月盈虧陸佃云蚌無牝牡須雀蛤化成

鮑魚

閩部疏云附石而生惟一殼無對大者如手  
小者如兩三指殼有孔土人名為九孔即本  
草所稱石決明是也煨灰可除肝肺風熱并內  
外障亦治骨蒸勞熱通五淋解酒酸雜組云即  
鮑魚而本草圖經另是一種與

海月

閩書一名蠓鏡以其圓如鏡故名其殼一面  
紅一面白亦名海鏡臨海志云海月大如鏡  
決明相近耳俗呼為將軍帽

謝靈運詩掛席拾海月是也

海雜產附

珍珠

說文蚌之陰精劉勰曰蚌病成珠淮南子曰

以禦火災是也通雅云古有辟塵珠辟寒珠夜

非獨出于蚌也陸佃云龍珠在額蛇珠在口魚

蚌珠沈懷遠南越志珠有九品寸五分以上至

者各瑞珠瑞珠之次名走珠走珠之次為滑珠

滑珠之次為磊砢珠磊砢之次為瑃珠見博物志澎

湖島中蚶蚌聞亦有珠皆碎如小米然得之亦

珊瑚

說文珊瑚石也生西海磐石中李時珍曰珊瑚

直而軟見風則曲而堅變紅色漢趙陀謂之火

樹是也亦有黑色碧色者碧色者良珊瑚初生

白如菌一歲變黃二歲變赤枝榦交錯高三四

尺明潤如紅玉中有孔亦有無孔者總以枝多

者為上澎湖海中亦有一種名土珊瑚在水

見淡紅色出水即白而枯槁並無紅潤之色且

極鬆脆收貯數月即自行碎折亦海樹耳有

一種黑色極堅實然色似牛角亦不堪用

石帆類書云即海樹也枝柯如鉄綆相勾聯以其

白數種外有鹹涎包裹

洗去其膜即見木本

紫菜狀如鹿角菜而細秋時生海底石上潮浸則

海藻

即海菜青色似菜而小春時生海底石上或

海者有大葉馬尾二種味鹹能軟堅性寒能行

水消癭瘤結核治痰飲脚氣水腫之濕熱澎地

止有大葉一種土人采其嫩者和米煮粥

食粗而老者采以飼猪亦濟人之物也

昆布 俗亦名海菜青色大葉如菜與海藻形亦相

中 海石 類木草云功用同海藻而少滑耳亦春時生

海藤 與海樹同類此乃單枝直上耳亦有紅黑白

如鐵線甚堅光如黑漆亦有可觀土

人名曰鐵線亦生海底礁石之上

海龍 土人名為海馬形如博古龍身方而有稜尾

二寸每于冬節時天寒甚則凍死浮于海面漁

人拾之目為珍物云入藥功同海狗閩人構求

者可多得也

海參 黑色有口無耳目無鱗足形如瑪璜而大長

有尺許大如把泉郡黑參雖不及遼東刺參

而味亦頗佳澎地雖產而肉薄味苦不中食並

無采用之者考閩地近海之郡福興泉漳福寧

各處皆產而閩省通志  
並不載入亦缺典也  
賦稅紀目錄

海參 黑色有口無耳目無鱗足形如瑪璜而大長  
有尺許大如把泉郡黑參雖不及遼東刺參  
並未薄厥味與甜典甜產而肉薄味苦不中食並  
谷夷習蠶而闕習蠶志海之郡龜與泉漳福寧

澎湖紀畧卷之九

賦稅紀目錄

緣起

款項 內分十三澳

度支

當稅

澎湖紀畧卷之九

嶺南胡建偉勉亭纂著

賦稅

緣起 纂集閩省諸志

賦出于田什一而稅天下之中正自禹貢以來無異也秦用商鞅開阡陌隨田之在民者而賦之而不復問其多寡而周之法壞漢承其後能輕其戶稅可也乃漢不師古而襲秦此亦田賦之一大關鍵也閩盛于唐請以唐論唐武德二年始定租庸調之法有田則有租有身則有庸有家則有調租

賦稅

出穀庸出絹調出緡續布麻至于揚州則以錢嶺  
南則以米安南則以絲益州則以羅綢綾絹閩中  
蓋賦錢也肅代而後軍旅煩興人戶流亡而籍僅  
存按籍而責租庸民無所控德宗建中元年從宰  
臣楊炎議遂更爲兩稅法戶無主客以見居爲籍  
人無丁中以貧富爲差行商所至稅三十之一度  
行貨與居者均使無僥利居人之稅則夏秋兩徵  
之夏稅無過六月秋稅無過十一月其租庸調諸雜徭名目悉省  
法簡易民便之後世相因而不可易誠以定稅以  
丁轉徙難稽定稅以畝地章易覈故兩稅之不可

廢也五代時僞閩王延鈞弓量田土第爲三等高  
腴以給僧道其次以給土著又次以給流寓其科  
取之法亦倣唐兩稅而加重焉宋興行均田法蠲  
僞閩錢五千三百二十一貫米七萬一千七百餘  
石遂以土田高下定出產錢而第多寡五等爲人  
戶貧富之差兩稅一以產錢爲宗產錢者田以種子論上等種子  
斗約二十文中等斗約十五文下等斗約十文後乃產錢失寔五等人戶  
無足據乃議方田議均稅及南渡軍興名色繁多  
至主者不能盡究此宋代田賦之大凡也元之科  
取略采唐法取于內郡曰丁稅曰地稅此倣唐租

庸調也取于江南者口夏稅曰秋稅此倣唐兩稅法也丁地之稅自元太宗始令諸路驗成丁之數每丁歲科粟一石驗丁五升新戶丁驗各半之或驗牛具之數或驗地土之等丁稅少而地稅多者納地稅地稅少而丁稅多者納丁稅工匠僧道則驗地凡官吏商賈皆驗丁于是會計之法皆備至元十七年定諸路差稅課程增益者上報隱漏者罪之皇慶元年遣官檢核江南匿田令民以私田自寔于官三年始免諸路自寔田大約元代稅輕稅重原無定額隨其主而已惟耶律楚材定三則

之稅實中正之良規也無如奉行之不率何哉明之賦稅與前代畧異明初籍天下田地山塘海蕩之名數分官民二等其係之官者有職田學田廢寺田沒官田官租田民田則一則而已亦分兩稅夏稅徵銀秋稅徵米官田米本折中半折色米徵銀解京本色米存留各倉民田米着以十分爲率七分徵本色派倉三分折色徵銀解京惟官田內米有一斗至一石大相懸殊者宣德四年下減分之詔凡官米畝徵一斗至四斗者減十分之二四斗一升至一石者減十分之三正德十四年議以

額重官田折價輕賣輕額民田加派耗米于是官米皆折銀解京民永俱存留在倉官田折解無徭役民田徵本色而有驛傳機兵均徭等役則是似輕而實重于是鬻田之家急于田售特以官則之輕而鬻之者移重作輕田去糧存里胥詭飛旁射寔始于此弊至嘉靖之季而極矣萬歷七年履畝丈量均勻攤補視田高下爲差截長補短彼此適均則壤成賦民間無不稅之田計畝均糧公家無不田之稅其後官吏更代奸胥悉易其籍亦無有能詰之者可勝道哉今

國家鑒古定制筐篚有常前代無名之徵悉從釐革載在賦役全書班班可考無庸贅述閩省官民田地池塘河蕩等銀併本色米每畝寔徵銀米各州縣起科則例不等附徵寺租漁課渡稅等銀各州縣科則亦不等康熙五年奉

旨俱彙解戶部一存留充本省兵餉及經制官役俸食驛站賓興紳衿吏承削免匠班等項其衛所歸併州縣屯田糧額起運存留俱照州縣例取民之制實有超越千古者焉豈唐宋元明之所得而同也哉澎湖自康熙二十二年始入版圖其地畝

則內郡民田之例也俱下則起科每畝徵銀五分  
六釐一毫八絲槩不徵米其船繪網滬等項卽內  
郡漁課之例總入正供項下每年除存留支本衙  
門俸工役食外起解臺灣府庫銀二百二十七兩  
七錢二分七釐乾隆三十二年新開當舖一所徵  
當稅銀五兩起解藩庫此外並無附徵雜項錢糧  
以及官租寺租等項此則澎湖之賦稅也所有實  
徵名目備開于左

東西澳

正額地種三石零五升 溢額地種一石四斗八  
升

新收地種一十一石七斗六升三合

共地種一十六石二斗九升三合 共徵銀六

兩六錢九分一釐八毫六絲

又新收地種一百畝零六釐四毫五絲 共徵銀

五兩六錢二分一釐六毫二絲三忽

正額杉板二隻 溢額杉板八隻

首報杉板八隻 新收杉板三隻

共徵銀八兩八錢二分

溢額尖艚二隻

新收尖艚一隻

共徵銀二兩五錢二分

新收小縉二口 共徵銀一兩六錢八分

灣內通共正溢首報新收地船等銀二十五兩  
三錢三分三釐四毫八絲三忽

蔴裡澳

正額地種十石二斗 溢額地種七斗

首報地種三石五斗 新收地種六石二斗四

升

共地種二十石六斗四升 共徵銀八兩六錢

六分八釐八毫

又新收地種一百三十九畝三分六釐九毫四絲

四忽 共徵銀七兩八錢二分九釐七毫七絲

五忽

正額大網十二口 首報大網四口

新收大網二口 共徵銀六十三兩

正額小滄二口 溢額小滄七口

新收小滄一口 共徵銀四兩二錢

正額小網十口 新收小網二口

共徵銀二十一兩

溢額小繪二口

首報小繪一口

新收小繪五口

共徵銀六兩七錢二分

正額杉板八隻

溢額杉板二十九隻

首報杉板二十五隻

新收杉板五隻

共徵銀二十八兩一錢四分

正額尖艚船一隻

新收尖艚船一隻

共徵銀一兩六錢八分

澳內通共正溢首報新收地船等銀共一百四十一兩二錢三分八釐五毫七絲五忽

通梁澳

正額地種八石四斗四升

新收地種一石一斗

共地種九石五斗四升

共徵銀四兩零陸釐

八毫

又新收地種三十八畝三分四釐六毫七絲五忽

共徵銀二兩一錢五分四釐三毫二絲

正額杉板三隻

溢額杉板八隻

首報杉板五隻

新收杉板三隻

共徵銀七兩九錢八分

正額小漕二口

共徵銀八錢四分

澳內通共正溢首報新收地船等銀共一十四

兩九錢八分一釐一毫二絲

鼎灣澳

正額地種十二石三斗六升 溢額地種二石三

斗九升 新收地種五石八斗八升

共地種二十石零六斗三升 共徵銀八兩六

錢六分四釐六毫

又新收地種一百零九畝五分零八毫七絲五忽

共徵銀六兩一錢五分二釐二毫一忽

正額杉板五隻 溢額杉板八隻

首報杉板七隻 共徵銀八兩四錢

溢額尖艚一隻 新收尖艚一隻

共徵銀一兩六錢八分

溢額小繒一口 新收小繒一口

共徵銀一兩六錢八分

正額小滬一口 溢額小滬七口

新收小滬一口半 共徵銀三兩九錢九分

澳內通共正溢首報新收地船等銀共三十兩

零五錢六分六釐八毫一忽

赤坎澳

正額地種二十三石六斗九升五合六勺

溢額地種七石二斗三升 新收地種六斗九升

共地種三十一石六斗一升五合六勺 共徵

銀一十三兩二錢七分八釐五毫五絲二忽

又新收地種二十畝零七分零五毫七絲五忽

共徵銀一兩一錢六分三釐二毫四絲九忽

正額杉板一十三隻 溢額杉板三十隻

首報杉板三隻 新收杉板二隻

共徵銀二十兩零一錢六分

首報小繪一口 徵銀八錢四分

正額小滬四口 共徵銀一兩六錢八分

澳內通共正溢首報新收地船等銀共三十七

兩一錢二分一釐八毫零一忽

林投澳

正額地種一十七石六斗 溢額地種一石二斗

四升

新收地種七石八斗

共地種二十六石六斗四升 共徵銀一十一

兩一錢八分八釐八毫

又新收地種一百三十三畝二分五釐八毫三絲

共徵銀七兩四錢八分六釐四毫五絲一忽

正額杉板七隻

溢額杉板二十隻

首報杉板十六隻

新收杉板一十一隻

共徵銀二十二兩六錢八分

正額大綱二口

溢額大綱二口

共徵銀十四兩

溢額尖艚一隻

徵銀八錢四分

溢額小繒三口

首報小繒二口

新收小繒九口

共徵銀十一兩七錢六

分

溢額小滬二口

新收小滬三口

共徵銀二兩一錢

澳內通共正溢首報新收地船等項共七十兩零五分五釐二毫五絲一忽

西與澳

正額地種一十四石三斗五升

溢額地種五石

八斗零六合七勺

首報地種一十二石六斗八

升

共地種三十九石一斗八升六合七勺

共徵

銀一十六兩四錢五分八釐四毫一絲四忽

又新收地種一百二十四畝八分三釐二毫五絲

共徵銀七兩零一分三釐零八絲九忽

正額杉板八隻 溢額杉板二十九隻

首報杉板六隻 新收杉板十隻

共徵銀二十二兩二錢六分

正額尖艚一隻 徵銀八錢四分

首報小網一十五口 新收小網九口

共徵銀四十二兩

新收小泊網一口 徵銀六錢三分

正額小滬四口 溢額小滬十口

新收小滬七口 共徵銀八兩八錢二分

澳內通共正溢首報新收地船等銀共九十八兩二分一釐五毫零三忽

奎壁澳

正額地種二十一石八斗六升 溢額地種三石

六斗五升 首報地種一石五斗 新收地種四

石三斗四升 共地種三十一石三斗五升

共徵銀一十三兩一錢六分七釐

又新收地種一百三十八畝一分三釐八毫

共徵銀七兩七錢六分零五毫九絲二忽

正額杉板八隻 溢額杉板一十三隻

首報杉板一十五隻

新收杉板一十四隻

共徵銀二十一兩

溢額尖艚一隻

徵銀八錢四分

新收大網二口

徵銀七兩

溢額小繪四口

首報小繪一口

共徵銀四兩二錢

正額大滬一口

徵銀八錢四分

正額小滬二口

溢額小滬二口

共徵銀一兩六錢八分

澳內通共正溢首報新收地船等銀共五十六

兩四錢八分七釐五毫九絲二忽

網坡澳

正額地種四石三斗六升 溢額地種四斗八升

新收地種一石二升

共地種五石八斗六升 共徵銀二兩四錢六

分一釐二毫

又新收地種四十六畝一分二釐零七絲五忽

共徵銀二兩五錢九分一釐六絲三忽

正額杉板一十五隻 溢額杉板十隻

首報杉板一十三隻 新收杉板一十九隻

共徵銀二十三兩九錢四分

正額大網一口

徵銀三兩五錢

新收小滬一口

徵銀四錢二分

澳內通共正溢首報新收地船等銀共三十二兩九錢一分二釐二毫六絲三忽

水埃澳

正額地種三石九斗九升

溢額地種一石三斗

四升 新收地種一石

共地種六石三斗三升

共徵銀二兩六錢五分八釐六毫

又新收地種三十七畝五分二釐四毫五絲

共徵銀二兩一錢零八釐一毫二絲七忽

正額杉板九隻

溢額杉板一十四隻

首報杉板三隻

新收杉板一十一隻

共徵銀一十五兩五錢四分

溢額尖艚三隻

共徵銀二兩五錢二分

新收小繪二口

共徵銀一兩六錢八分

澳內通共正溢首報新收地船等銀共二十四

兩五錢零七釐零六絲三忽

鎮海澳

正額地種一十三石五斗九升二合六新收地種

六斗七升 共地種一十四石二斗六升二合  
共徵銀五兩九錢九分零四絲

又新收地種三十四畝三分八釐五毫

共徵銀一兩九錢三分一釐七毫四絲九忽

正額杉板七隻 溢額杉板一十七隻

首報杉板三隻 共徵銀一十一兩三錢四分

溢額泊槽一隻 徵銀四錢二分

正額泊網二口 共徵銀二兩五錢二分

溢額小繪一口 徵銀八錢四分

新收尖艚一隻 徵銀八錢四分

正額小滬一口 溢額小滬三口

共徵銀一兩六錢八分

澳內通共正溢首報新收地船等銀共二十五兩五錢六分一釐七毫八絲九忽

瓦碕澳

正額地種一十八石四斗四升 溢額地種二石

二斗 新收地種二石一斗九升 共地種二十

二石八斗三升

共徵銀九兩五錢八分八釐六毫

又新收地種四十一畝七分一釐零五絲

共徵銀二兩三錢四分三釐二毫九絲五忽  
正額杉板一十一隻 溢額杉板一十七隻

首報杉板十隻 新收杉板三隻

共徵銀一十七兩二錢二分

溢額尖艚一隻 徵銀八錢四分

溢額小漕三口 新收小漕二口

共徵銀二兩一錢

首報小繪一口 新收小繪二口

共徵銀二兩五錢二分

澳內通共正溢首報新收地船等銀共三十四

兩六錢一分一釐九毫

吉貝澳

正額地種七石一斗六升 溢額地種一石七斗

新收地種二斗六升 共地種八石四斗九升

共徵銀三兩五錢六分五釐八毫

又新收地種二十畝一分八釐二毫五絲

共徵銀一兩一錢三分三釐八毫五絲二忽

正額杉板一隻 溢額杉板一十七隻

首報杉板三隻 新收杉板五隻

共徵銀一十兩九錢二分

正額大滬一口

徵銀八錢四分

正額小滬四口

共徵銀一兩六錢八分

澳內通共正溢首報新收地船等銀共一十八兩一錢三分九釐六毫五絲二忽

通澎計石起科地種共二百五十三石三斗零七

合三勺

每石折地七畝四分七釐五毫共折地四百五十畝零八分八釐五毫一絲五

忽零八分二沙

每石徵銀四錢二分共徵銀一百零六兩三錢八分九釐零六絲六忽

通澎計畝起科地種共九百八十四畝一分四釐

七毫二絲四忽 每畝徵銀五分六釐一毫八

絲共徵銀五十五兩二錢八分九釐三毫五絲

通澎共杉板五百二十隻 每隻徵銀四錢二分

共徵銀二百一十八兩四錢

通澎共尖艚一十五隻 每隻徵銀八錢四分共

徵銀十二兩六錢

通澎共小繪三十八口 每口徵銀八錢四分共

徵銀三十一兩九錢二分

通澎共大網二十五口 每口徵銀三兩五錢共

銀八十七兩五錢

通澎共小網三十六口 每口徵銀一兩七錢五分  
共徵銀六十三兩

通澎共大泊網二口 每口徵銀一兩二錢六分  
共徵銀二兩五錢二分

通澎共小滬六十九口半 每口徵銀四錢二分  
共徵銀二十九兩一錢九分

通澎共大滬二口 每口徵銀八錢四分共徵銀  
一兩六錢八分

通澎共船艚一隻 徵銀四錢二分

通澎小泊網一口 徵銀六錢三分

已上通澎共徵正額溢額首報新收地種船網  
繪滬等銀六百零九兩五錢二分七釐

### 度支

度支者每歲徵收存留支應起運之數也澎湖廳  
員秩正六品歲支俸銀六十兩役則有額設門子  
二名歲共支工食銀一十二兩四錢馬快八名歲  
共支工食銀四十九兩六錢皂隸十二名歲共支  
工食銀七十四兩四錢民壯二十名歲共支工食  
銀一百二十四兩轎傘扇夫七名歲共支工食銀  
四十三兩四錢至于祭祀

關聖每歲春秋誕辰三祭共支銀一十八兩通共  
應支正項銀三百八十一兩八錢除支外寔應起  
運銀二百二十七兩七錢二分七釐每年批解臺  
灣府庫歷年造冊 奏銷在案

當稅

乾隆三十二年據澳民彭興呈請開設文榮號當  
舖一間詳奉批允照例開設年徵當稅銀五兩起  
解藩庫其舖現開在媽宮市

澎湖紀畧卷之九終

澎湖紀畧卷之十

戶役紀目錄

戶口

丁役

人戶民數 內分十三澳

澎湖紀畧卷之十

嶺南胡建偉勉亭纂著

戶役紀

戶口 纂集閩省諸志

周禮大司寇掌民數登其生齒孟冬祀則獻于王  
王拜受之凡以田里貢賦祿食軍旅五禮五刑咸  
取諸民數也且民數之盈縮國家之氣運繫焉而  
可不敬乎自戶口之籍定而民數乃有可稽矣或  
十年而一造或五載而一編所貴詳檄人數令上  
下無相蒙里胥無奸利則戶口未有不實者也粵

稽前古西漢率以十戶爲四十八口東漢率以十戶爲五十二口可準周之下農唐人率以十戶爲五十八口可準周之中次農夫宋人率以十戶爲二十一口則一家止于兩口疑無是理必詭名于戶漏戶者衆也原唐人之著爲令者民始生爲黃四歲爲小十六爲中二十爲丁六十爲老里立手實法歲終其民生死與地濶狹之數爲鄉帳上之縣縣上州州上戶部爲計帳其來歲課役之數以報度支董戶口資產升降爲九等定戶以仲年子午卯酉造籍以季年辰戌丑未籍成上計戶而留

其二于州縣五代時僞閩承唐而版籍漶散無可稽焉宋之戶口類分主客主戶者土著之戶客戶者外邑之人寄庄守米者也皆以丁力多寡科差兼論資產自衙前之法與應役之民輒至罄產至父子兄弟各自爲戶或父子二丁自殘以避重差者有司方且以增戶課最拆客爲主額雖多而丁口賦稅無所益徒滋漫其文而已南渡以後詔州縣官以生齒多寡爲殿最而冒濫之弊遂終宋之世矣元之戶口籍無所稽大約額不及宋而口數彷彿之明洪武三年詔籍天下戶口各具姓名貫

址夫家之數謂之戶帖已著之籍編給勘合州縣  
上籍于公府而帖給之民令有司以時覈焉歲郊  
祀中書省以戶籍陳壇下薦之天祭畢而藏十四  
年頒黃冊令以一百一十戶爲里推丁糧多者十  
戶爲長餘百戶爲十甲甲十戶各全圖不能十戶  
名半圖城中曰坊近城曰廂鄉都曰里里各編一  
冊冊首爲總圖鰥寡孤獨不任役者則繫于百一  
十戶之外附圖尾曰畸畛帶管冊成上戶部而省  
府州縣各存其一以待會比至十年查比丁口存  
亡畜產除收補里長之消乏附絕戶于畸畛蓋唐

制戶有調丁有庸而明之取民則惟于丁而不于  
戶故每圖一百一十之數未嘗滅絕則拆而補之  
亦或二姓而朋一戶而戶口之有登耗此也以戶  
言則有三等曰民曰軍曰匠而民又有儒有醫軍  
又有校尉力士弓舖兵匠又有厨役裁縫馬船之  
別若近海有鹽寺有僧觀有道士咸各以其業著  
籍而人戶以籍爲斷民戶歸宗另爨者聽異籍惟  
軍匠有勾清以異籍爲規避禁不聽諸戶之中軍  
民爲重而軍戶又視民戶幾三之一其丁口幾半  
于民籍是何也蓋明初患兵籍之不足民三丁抽

一丁充之有犯者輒編入籍至父子兄弟不能相免後乃多耗矣以丁言則有二等曰成丁不成丁民始生登名于籍曰不成丁年十六曰成丁丁成而役六十而免婦女若不成丁不役官吏及老疾者復之皆十年一事自洪武至宏治代有增減嘉靖之季流寇充斥死徙流亡衰耗極矣萬歷中畧增而天啟又衰此明代戶口之大畧也

國朝鑒明初抽丁明季增戶之弊首定賦役全書丁口開載原額收除寔在康熙五十二年

恩詔但據康熙五十年丁冊定爲常額續生人丁永不加賦蓋明時戶有軍民匠三等康熙十七年于各衛所屯丁新編屯戶盡歸畫一雍正十三年奉文裁除匠戶休養生息涵濡煦育至今百有餘年閩省人戶丁口現有一百六十五萬餘千之盛卽澎湖一隅人戶丁口現有二萬五千八百餘閩省如此他省可知猗歟盛矣

丁役 纂集閩省諸志

有戶則有丁有丁則有役此力役之征三代以來所不能易者也然而役有重輕代有沿革或役其身或征其值于是始有丁口之賦焉漢法民年十

五而算出口賦五十六而除二十而傳給徭役亦五十六而除且賦之且役之也唐之法五百家爲鄉設鄉正一人百家爲里設里長一人邑居者曰坊正田野者曰村正各有職掌其用人之力歲二十日閏加二日不役者日爲絹三尺謂之庸加役二十五日免調三十日者租調皆免通役不過五十日災傷視所損輕重爲免歲十月收田授田皆里正預造簿籍上縣令稽給應退應授者大約里正管百丁田萬畝欲使百家仰事俯育不致匱乏耳此盛唐之法可比治于三代者也未幾世變兵

起版籍燬散戶部按籍而責租庸科徵迫促無復常準規避逃亡土著益寡楊炎當國乃立兩稅以救其弊戶以見居爲籍人以貧富爲差而雜役悉省至宣宗大中九年乃據人之貧富爲役之重輕作差役簿令據簿當差是則庸已歛而差役猶在民也豈法不善哉不奉法者之過也後世因而罪楊炎兩稅謂與商鞅變井田同科豈不謬乎五代中僞閩爲政諸州各計口算錢謂之身丁錢民年十六至六十放免其後漳泉等州拆變爲米五斗宋興閩地版籍仍僞閩之舊因取官斗較量閩時

五斗宋得七斗三升自是命民歲輸身丁米七斗  
 五升意以二升為加耗也真宗之世念南方地狹  
 兩浙福建除身丁錢四十五萬貫而漳泉興以丁  
 錢折米無人論奏除錢之惠遂不及于三州景祐  
 三年詔漳泉興三州計丁出米最重令主戶納米  
 五斗減二斗五勝客戶納米三斗減四斗五勝定  
 為例斗作斗勝作蓋是時龐籍為相也原宋之法  
 分鄉吏二役以人戶五等科差凡里正督財賦戶  
 長承符帖即明時里耆長弓手壯丁察盜賊即明  
 弓兵民壯此鄉役也以衙前主官物即明之庫子斗  
 級納戶解戶人

吏帖司書手掌案牘手役散從官給趨使即皂隸

縣曹司至押錄州曹司至孔目官下至雜職虞候

揀搨等人即今秤此吏役也吏役惟衙前最重是

時韓琦司馬光以及韓絳蔡襄等前後陳之乃衙

前之役破產如故熙寧中有衙前越千里輸內庫

金七錢吏恣留難踰年不返神宗廉得大傷之議

變法于是王安石議總州縣應用催直之數隨人

戶貲產高下出錢在官名免役錢其坊郭等戶及

未成丁單丁女丁寺觀品官之家舊無役令出半

錢名助役錢官得錢以催役民輸錢即訖而巧吏

之誅求一無所施稱便因行保甲法五家爲比五  
比爲保保有長十大保爲都有都保正副耑察鄉  
里非常令其相保餘差悉以稅戶等出錢催募王  
安石之法多不可行惟免役一法有可行者而溫  
公必欲盡革之亦過矣紹聖以後竟行催募耆戶  
長應募者役錢多時不給久之遂廢而役錢遂入  
爲上供矣自後丁役其流弊尚可問乎元代定人  
戶爲十等立科差法有絲料包銀夫役三項皆視  
丁力輸辦其詳不可考

縣設坊正鄉設里正都設  
主首專以催輸糧稅追會

公事後更爲季役  
其次爲貼役雜役

明代則括之戶口以籍爲定丁

成而役六十而免婦女若不成丁不役年七十以  
上許一子侍養免雜派役寡婦年三十前夫亡守  
志迨五十不改節者旌其門免家徭品官免役視  
職秩爲差官故仍免徭三年凡老人及里甲十年  
輪一役謂之正役餘謂泛役泛役有三以隸兵門  
斗凡在官人役給使令曰均徭以夫馬驢三等專  
接遞曰驛傳以機兵弓兵防盜賊曰民兵併正役  
謂之四差也洪武間黃冊編一百十戶爲圖十戶  
爲里長餘百戶附于十戶爲甲首里甲十年輪一  
役始惟催徵錢糧勾攝公事及出辦上供物料而

已後乃支應官府如春秋飲社存恤日用諸經費  
浸淫至雜供私饋無名百出令里甲賦錢以供至  
嘉靖之季而極矣隆慶四年江西布政司請將各  
項差役逐一較量輕重如力差則計代當工食之  
費銀差則計扛解交納之費加以溢耗通計歲用  
幾何悉照糧敷派開載各絲帖立限徵收異時之  
雜役悉革罷名爲一條鞭法戶部題允然未有行  
者至萬歷初年都御史龐尚鵬始推廣行之民間  
徵派名色一切省除

此法卽免役錢之意亦卽朱文公輸納產錢分利原額之意

其一時無不稱便者乃未幾以徵銀在官適資

其貪墨仍復舊制至額外費多支應不給仍令里  
甲貼辦稱曰班次又爲雜派名色猥瑣遂終明之  
世而莫可挽矣今

國朝現行定例人丁五年編審一次凡鄉紳舉貢  
生員得免一身謂之優免人丁餘曰當差人丁每  
丁科里徭銀每州縣一則輕重不等康熙五十二  
年

恩詔徵收錢糧但據康熙五十年丁冊定爲常額  
續生人丁永不加賦爲盛世滋生戶口澎湖原丁  
六百七十二丁銀照康熙二十三年題准臺灣

人丁徵銀之例每丁徵銀四錢七分六釐至雍正六年內地丁銀改爲隨田辦納澎湖未有奉文乾隆二年奉

上諭內開澎湖糧廳淡防廳均有額編人丁每丁徵銀四錢有零從前未曾裁減亦着照臺灣四縣之例行每丁徵銀二錢乾隆九年臺灣老民于化龍等僉呈懇請臺地丁銀照內地一體隨糧辦納巡臺御史六等爲據實陳奏等事摺奏臺屬丁銀勻入地糧徵收一案奉准部咨應請閩省督撫就臺屬情形悉心詳查妥議到日再議等因于乾隆

十二年福建巡撫陳疏稱據布政司高詳議以通郡之丁銀勻入通郡之田畝酌量變通自無偏枯允洽輿情至澎湖原係臺邑所轄人丁歸併該縣造報因該處一隅地皆斥鹵民藉捕魚爲業日久相安是以仍舊今奉部行于地方寔有利濟自應一視同仁等因奉部議准將臺灣及澎湖丁銀自乾隆十二年爲始勻入田園徵收以免光丁苦累欽遵辦理澎湖丁銀撥歸臺邑田畝勻徵豁免本處地糧攤派永沐皇仁之寬恤抑何幸哉

澎湖戶口

東西澳

人戶二百戶

男九百五十六丁 女七百二十五口

共男女一千六百八十一丁口

媽宮澳

人戶二百六十二戶

男九百三十四丁 女五百零六口

共男女一千四百四十丁口

林投澳

人戶三百三十二戶

男二千六百五十二丁 女一千三百二十

口

共男女二千九百七十七丁口

奎璧澳

人戶二百八十三戶

男二千八百六十丁 女一千三百一十口

鼎灣澳

鼎灣澳

人戶六百七十四戶

文小百二十二口

男八百七十一丁 女七百二十二口

共男女一千五百九十三丁口

峙裡澳

人戶二百五十二戶

男一千四百五十三丁 女一千一百三十

四口

共男女二千五百八十七丁口

瓦碇灣

人戶二百二十一戶

男一千二百三十四丁 女一千零八口

共男女二千一百四十二丁口

通梁澳

人戶八十七戶

男三百八十九丁 女三百五十二口

共男女七百四十一丁口

赤嵌澳

人戶一百四十六戶

男七百五十丁 女六百四十二口

共男女一千三百九十二丁口

鎮海澳

人戶一百一十六戶

男七百三十二丁 女六百二十一

共男女一千三百五十三丁口

西嶼澳

人戶三百三十二戶

男一千五百五十八丁 女一千三百三十

五口

共男女二千八百九十三丁口

吉貝澳

人戶六十四戶

男四百五十二丁 女三百七十四口

共男女八百二十六丁口

網垵澳

人戶二百戶

男一千零五十四丁 女七百六十八口

共男女一千八百二十二丁口

水垵澳

人戶一百三十四戶

男七百零五丁 女五百二十一

共男女一千二百二十六丁口

以上通澎一十三澳共人戶二千八百零二戶  
共男一萬四千五百丁

共女一萬一千三百四十三口

合男女共二萬五千八百四十三丁口

澎湖前項人戶丁口屆編審之年遵照章程實力  
查審汰老添壯除故增新總歸實在其增益下口  
則爲盛世滋生永不加賦又于請編臺地保甲等  
事案驗奏准每逢歲底造報民數之期將臺地戶  
口開明四柱與內地另立一條彙摺奏報以昭慎  
重等因歷來遵行在案查澎湖乃海外孤島稽查

誠不可以不慎也現在每年將一十三澳人戶編  
列保甲給予門牌親行查點一次其查點時書役  
飯食紙筆之費俱係官爲捐備並無私毫擾累其  
澳民盡皆土著並無移居別地及別地流寓來澎  
與他郡遷徙靡常者情形迥不相同且澎地率皆  
平衍無崇嶺密林可以藏奸聚匪人亦安分守己  
亦無爲非作歹之事頗稱淳樸易治官斯土者隨  
其俗而勿擾焉如荀子所云覩驅雞而得御民之  
術也則民安物馴戶盛丁增人有樂土之歌久之  
不成富庶之域也哉

澎湖紀畧卷之十終

澎湖紀畧卷之十一  
倉儲紀目錄

總論

常平倉 澎名文倉

社倉

武倉

澎湖紀畧卷之十一



嶺南胡建偉勉亭纂著

倉儲紀

總論

澎湖海中荒島土性斥鹵不殖五穀民鮮蓋藏其仰藉于倉儲者視他郡爲較急更不可不廣爲積儲以濟民食而寔海疆焉越稽周禮倉人掌粟入之藏此倉儲之所由起也而又有遺人掌鄉閭之委積以待艱阨廩人周稽民食以至耕三餘一國有九稔之積故雖遇水旱之災而民無菜色法至

善也迨漢宣帝時大司農丞耿壽昌奏請邊郡皆築倉貯穀穀賤則增價而糴以利農穀貴則減價而糶以充食名曰常平嗣後歷代悉遵其制如北齊之富民倉宋之廣惠倉明之預備倉之類皆其遺法也至於社倉則始於隋開皇三年度支尚書長孫平其法令民間每秋收穫之日隨其所得出粟及麥上戶一石中戶七斗小戶四斗以貧富爲差其粟麥設倉儲之於社委社司檢校名曰義倉厥後朱子於宋乾道四年建州歲饑請於府得粟六百石貸於民是冬有年民以粟償官遂仿社倉

之法儲於里中隨年加息斂散歲歉則蠲其息之大半大饑則盡蠲之凡十有四年息溢已多自此不復收息止收耗米三升所有條議至淳熙八年奏於朝請行於倉司及嘉定時真德秀又踵行於長沙人多賴之明侍郎王廷相言備荒之政莫善於義倉宜儲於里社推有德者爲社長善處事能會計者副焉凡出納皆聽民自爲第令登記冊籍以備稽考而吏胥不得預焉陳芳生云社倉之制專以賑貸凡官貸者必多侵冒貸官者必假追呼民求民貸必出倍息惟此三害俱無也故曰法之

善也然斟酌時宜監于往古常平社倉並行於世者則未有如今日者也第就澎論澎則常平之倉穀宜多積義倉之法所宜遵設乃諉於土地所限社倉既格而不行而常平之穀現止二千石連諸羅縣撥運備糶穀一千五百石尚不敷原議五千石之數余於三十二年詳請撥運并請留諸邑之一千五百石者寔有見於海疆荒陬不可不預爲籌備也至於按月碾放兵米似無關積儲然兵慶飽騰民安粒食於不產米之區藉此互相調劑甚有裨益此改米易穀運貯澎倉以爲有備無患之

計者法良意美故並備書於後以紀 列憲仁愛海疆之盛心於不朽焉

常平倉

在媽宮卽文倉

澎湖自雍正五年改設廳員于雍正七年一件遵旨議奏事案內定議撥儲澎湖常平倉穀五千石當奉 督憲高行司仰府嚴飭臺諸二縣各先撥運正供穀一千五百石運赴澎倉俟冬成各再運一千石以足五千石之數續因前廳王仁慮澎地潮濕呈詳懇將撥運澎倉穀三千石仍寄貯臺諸二邑設遇臺郡歉收之年杉板頭船隻無可買運

卽當行令臺諸二縣將寄貯倉穀立速撥運過澎  
隨時糶賣等情隨奉督憲高以澎湖建倉運貯穀  
石一案現准部文辦理事關奉

旨豈容延緩行府速行酌撥臺諸二縣乾新上等  
好穀共二千石先卽運赴澎倉試貯如或可以久  
貯卽呈報撥運不可令該通判因關考成恐將來  
賠補遂捏稱霉爛以圖卸責所以雍正七年止據  
臺諸二縣撥運到澎倉穀二千石尚缺三千未運  
者職此之故也惟是此案當日原議原案因雍正  
九年及乾隆十年等年屢遭非常風雨科房倒塌

案卷霉爛無存莫從查考是以臺諸二縣原運穀  
二千石自乾隆五六兩年前廳王詳糶解價歷久  
未經撥補至乾隆二十七年前廳張思振未知源  
委以倉貯久懸僅就二千石之數通詳請撥于二  
十八年就府倉撥運二千石歸補續於一件澎湖  
要地等事前廳張又不查詢原議率行詳請增貯  
監穀六千石張前廳前後兩詳非少卽多不中窾  
竅宜乎上憲之駁飭也嗣於二十九年准本府抄  
移諸羅縣檢送原案一本始知當日原議係撥五  
千石之數也二十九年六月乃再牒詳本府撥運

以符原議于七月准批澎倉添貯穀石業經核議轉詳已蒙藩憲飭令抄錄從前請貯原卷呈送察核當卽轉移在案應速檢查雍正年間詳題原案備錄移送以憑轉詳俟有憲示到日另移遵照此覆當於二十九年前提張以原卷霉爛前准本府移送諸羅縣檢抄原卷一本內多掛漏牒懇本府飭行諸邑就近抄全送府彙轉在案以後如何轉詳有無奉到憲示未准移知此案遂爾中止也但改設廳員迄今四十餘年生齒日繁大非昔比况海外要地積貯宜充卽使運足五千石之數尚虞

其少今於五千石之額尚缺三千石之多得不爲之深慮乎余察看澎地形乃備文詳府仰懇軫念海外要地不可不爲有備無患之計查照舊卷轉請列憲檄飭臺諸二縣各撥正供好穀一千五百石來澎以足原議之數焉又查倉內於乾隆二十四年一件爲倉貯無幾等事五月內據諸羅縣運到穀一千五百石收貯倉內以備平糶之用流交在倉三十二年十二月內准本府關移奉憲飭將此一千五百石之穀發糶將價解府發諸邑買補歸款等因查目下米價平減不敷買補未敢遽行

出糶有虧成本牒詳本府請將諸邑所運倉貯無幾等事現存澎倉穀一千五百石抵作諸邑遵旨議奏案內未運澎穀一千五百石之項在諸邑將來得免再運之費而澎倉亦免糶解之繁若必俟將來價貴將現存之一千五百石出糶解價歸還諸邑則澎湖祇有存貯正供穀二千石寔不足爲有備無患之需也奉准府批查前府詳請將澎湖添貯穀三千石在於彰邑供穀內撥補之處現奉糧道憲批駁案未歸結貴廳所議卽將諸邑現存澎倉之一千五百石抵作應運之穀原屬可行

應俟本案詳定再將臺邑之一千五百石應動何項撥運酌籌妥協再行移知牒詳議轉可也此復查此案三十三年並詳藩憲本府亦轉議詳請藩憲奉批查諸邑乾隆二十四年運澎備糶穀一千五百石原係存貯澎倉備糶之項今旣查明米價平減民食充裕自未便賤價濫糶轉恐將來無穀接濟之虞仰候咨明大部俟該地米價昂貴另行糶解買補歸款造報至應運增貯澎倉正供穀三千石旣稱現詳糧道駁查未經批准卽遵照道檄指駁情節作速歸案分晰詳候糧道覆核移司立

海濱紀畧 卷二  
等議轉飭遵事關預貯該府務須迅速妥辦詳覆  
慎勿再延等因屢奉批駁不得如數運貯者皆因  
前廳王仁從前借潮濕推卸不肯實貯足額之所  
致也使任地方之責者盡如此居心焉則地方亦  
何賴於是也哉

### 社倉

社倉者朱子稱其爲近古之良法不可不行者也  
澎湖自雍正六年改設廳員雍正八年十二月內  
爲一件遵 旨密奏等事案內准本府牒開照依  
事理善於勸導趨此大有之年多方勸輸積貯使  
貯蓄有資地方不擾將勸過穀石造冊出具倉收  
送府以憑彙轉等因此澎湖奉行勸捐社倉之始  
也又于雍正九年于欽奉

上諭事檄飭勸捐嗣後遞年奉行辦理緣澎湖不  
產稻穀並無澳民捐輸自雍正九年前廳王仁捐  
起至乾隆十六年分止各官捐穀并武營各官所  
捐共積穀二百五十九石卽於十六年八月十八  
日准本府陳關移於一件爲遵

旨詳議具奏事內開澎湖廳原存報部官捐積社  
共穀二百一十五石原奏計入臺屬額存官民捐

社贖潮共穀四萬八千一百六十五石之內今澎湖係屬臺邑地方似應將該廳穀石歸入臺邑撥貯三萬石數內造報以符額數今據臺灣縣詳稱卑職查得澎分憲倉存捐積社穀二百一十五石歸入卑縣撥貯三萬石數內造報相應撥載下縣等因前廳何器於十六年十一月將二百一十五石社穀碾米移澎營抵作撥臺穀石其時寔存二百五十九石之數除撥臺邑外寔存乾隆十一年以後捐穀四十七石又十八年六月同前事據臺灣縣詳請將澎湖社積乾隆十一十二兩年分社

穀八石撥縣等由前後二次共撥臺邑官捐社積穀二百二十三石尚存三十六石奉文改作溢捐穀石歸入常平倉內存貯此澎湖社倉奉行未行之始末也向使前廳何器果能軫念民食體恤地方自應委曲詳請列憲澎湖既屬臺邑地方今臺邑貯社穀至三萬石之多是臺邑處處皆有社倉則澎湖亦不可不設社倉自應分貯也請將三萬石之內分貯三十分之一來澎亦應得一千石之數何致將澎積社穀反撥臺邑致令產米之地倉有餘糧不產米之處反無粒貯在上憲仁慈澎民

澎湖紀略 卷二  
均屬臺邑赤子斷不忍令其獨處向隅未有不俯  
准者也乃不出此以致良法美意格而不行是誰  
之責耶

### 武倉

武倉者卽按月碾支澎營兵米之倉也向來澎營  
撥哨赴臺運米到澎儲倉支給兵食其改米易穀  
者則自乾隆二十年前廳王祖慶稟請始也稟稱  
澎地不產稻穀惟藉客米販澎以資民食第海疆  
風信靡定每致市米缺乏深以爲憂猶賴澎協兩  
營每月臺運兵米六百石依期散給互相調劑今

自本年以來每每逾期二千兵目豈能枵腹以待  
伏查澎協兵米每年通計七千二百石媽官現有  
武倉十間今俱空設但前人旣建武倉當年自必  
備貯兵米緣澎地潮濕貯米易致霉爛遂起按月  
赴臺運米之例不知按月臺運豈無風阻似於海  
疆究非盡善之道 卑職 謬議請自秋季爲始改米

爲穀先運秋冬二季穀七千二百石存貯武倉遵  
照兵餉之例令文員掌管按月碾米公同營員散  
給俟秋季之米給完冬季之米將動預行具文申  
請擇天氣晴和之候派撥哨船赴臺運載來年春

季之穀三千六百石存倉如此源源相接不特按月兵米有資即使颶風阻滯客販不通而一月半月之間民食亦暫藉兵糈而有濟一轉移間兵民兩益易米爲穀似于定例無違等情奉藩憲德爲據稟飭議事詳奉兩院憲奏准乾隆二十年十二月二十五日督憲略爲遵

旨議奏事准戶部咨開福建司案呈內閣抄出閩督略奏請澎湖兵米穀石預先撥運一季積貯澎湖一摺本年十一月初五日奉

硃批該部議奏本月初七日抄出到部臣等查澎湖兵食向例按月領運往來不能如期官弁兵丁不免有守候之虞相應仰懇

天恩俯准預先一季撥運穀石積貯澎湖倉責令澎湖通判掌管按月碾米會同營員依期散給該處現有倉廩無須另建而以米易穀先爲運貯不過畧爲轉移亦非更定章程俾臺灣諸羅二縣並免碾米之繁澎湖戍守各兵均得備貯之益等因前來伏查兵丁口糧例應按月散給如先期領運誠不免侵蝕之虞而臨時不能接濟兵丁又有守候之苦閩省澎湖地方孤懸海島兵糈米石向在臺

諸二縣按月領運而海洋風信靡常哨船往返不能刻期卽至兵丁之待食者自不能散給如期今據該督等奏請預撥秋冬二季穀七千二百石儲倉俟秋季散完將動冬季之時卽請撥運來年春季以資接濟自應如該督等所奏辦理惟是澎湖向運兵米今改運穀石爲數較多且預領一季存貯倉粒最關緊要自應責令文員加謹收貯毋令虧缺至碾米散給仍會同武弁按月支領毋得徇情預借並令該管道府按例盤查如有虧短挪移情弊卽行揭報查叅再查此項兵米係按月散給

預運一季存倉爲時無幾卽地氣潮濕何至不能收貯遽請改易穀石其中有無情節應令查明報部可也等因本年十一月二十九日奏本奉

旨依議二十一年五月准戶部咨開督憲喀查澎湖四面環海地本潮濕雖預貯一季存倉爲時無幾但計自季前領運迨按月散給卽一季之兵糧亦必得備預四五月之久春夏海氣薰蒸恐米性易致霉變是以議請改易穀石且以米易穀按二穀一米與例相符原屬因地制宜並無別有情節該督旣將澎湖地方情形聲覆並無別有情節應

毋庸議相應移咨該督轉飭遵照辦理可也等因  
同前事于二十一年六月前廳張埰詳稱奏准澎  
營兵米七千二百石今改米爲穀計需一萬四千  
四百石照運澎平糶事例每穀一石水脚銀三分  
核算約需四百二十餘金再碾穀斗級礮夫工食  
亦無所出向來運米來澎係兩營弁目自備哨船  
運回散給今改歸文員辦理是否仍用哨船飭兵  
日協同赴運抑或催募民艘卑職通盤籌及查向  
例協營赴臺運米所需脚費俱係臺諸二縣給發  
該縣額設有斗級其斗級應撥歸澎倉使用所需

車船脚費及斗級工食可否飭令臺諸二縣解給  
歸縣報銷等由詳請憲示奉兩院憲批藩憲查議  
于二十四年六月奉藩憲德奉督憲楊撫憲吳批  
准如詳移行遵照內開爲此牌仰該廳官吏遵照  
將澎營應運預備穀七千二百石照澎倉按年收  
貯常平倉之例速飭臺諸二縣務將好穀先撥杉  
板頭船運載令該二營同該廳各撥誠寔隊目人  
役協同赴臺領運回澎交收貯倉所有自臺運穀  
到船裝載至澎盤收入倉一切車船脚費在於臺  
屬各案墾耕應陞未陞各田園追存充公穀石變

價銀內照數撥用事竣造冊報銷統自預備穀石運足澎糧廳碾米給兵澎營停止往臺運米後卽令澎營照領運兵米例按月派撥弁目自備哨船赴臺領運兵穀回澎交收貯倉以資接濟其自臺領穀到船運至澎湖媽官水口盤收入倉悉令營中兵目自備料理該廳每於該二營領運兵穀之時着撥妥役隨同管船前往押運回澎以免紛更其按月領運兵穀照領米之例營中備具文領移送給發查核毋庸該廳年終與二縣清算所有斗級一項該廳循照澎倉碾糶民食之例一體酌辦

預運穀數務照原奏辦理倘倉厥果有不敷卽於常平倉內酌撥通勻收貯等因又同前事於乾隆二十四年九月十六日澎協鎮葉相德據二營詳請轉詳各憲奉批查議藩憲德查得澎湖協葉副將詳據該二營呈請按月派撥哨船赴臺領支兵米穀石不特船隻不敷抑且費無所出懇請統令臺諸二縣改撥杉板頭船載運等由奉憲批司立速查議詳奪本司念係預備之穀爲數旣多是以議如所請將應運前項穀石照澎倉常平倉之例行令臺諸二縣先撥杉板頭船載運一切車船脚

費飭令臺府查臺屬墾耕各案田園充公價銀內撥用而該營自行議詳請俟備貯穀石運足之日澎糧廳碾米給兵澎營停止往臺領運糧米然後接載按月之穀石忽欲一併派撥杉板頭船爲之運載不顧有無船脚之費惟圖一己之安逸背議率詳今該營原應派撥哨船赴臺關支之兵穀脫然事外耶且每月運穀止一千二百石需船不過二隻按月輪流派運何至每年用船三十餘隻輒行諉卸耶等由本年十月二十九日奉督憲楊批此案現准水師提督咨請再查照提督來咨及前

指情節悉心確查從長籌酌妥確另議詳奪藩憲德奉批再議遵查澎協二營兵米向係營中派撥哨船赴臺領運散給兵食今改米運穀自應照例辦理但全年運穀一萬四千四百石較之從前運米七千二百石爲數倍多需船亦必加倍且該營戰艦現在議裁三隻除每年屆期修造外其存營船隻又須派撥分巡總巡汛守以及渡載餉銀班兵差務絡繹按月領運兵穀誠有乏船之勢所有該二營按月應運兵糧穀石似應照依提督咨請將諸羅縣存貯笨港倉穀每年撥出一萬二千六

百石用杉板頭船按月載運直抵澎湖交收接濟  
兵食仍令該二營暨澎糧廳各派撥誠寔隊目人  
役協同赴臺諸各縣倉領押運回收貯至諸羅縣  
應運內地兵米粟石仍就府治倉存穀石配搭府  
治商船載運似屬彼此兩便其澎協左營秋季分  
應兌臺灣縣倉兵穀一千八百石併請一例派撥  
杉板頭船載運到澎盤收再由臺灣縣倉并諸邑  
笨港倉運穀載至澎湖媽宮水次盤收入倉一切  
車船脚費據稱每月需錢二千五百文年共  
需錢三百餘千文旣不便派之於兵又未便徵之

於民且臺屬各案墾耕粟石變價充公銀兩有無  
莫定似應請於司庫扣收各營截隨銀內按年通  
勻照數發給臺諸二縣承領給發統俟年終將按  
月寔需確數造冊送司核明詳銷其從前臺諸二  
縣每米一百石貼米一石五斗變價充用之處永  
行革除毋許隊目再行故措勒貼該二縣亦不得  
浮徵累民致干察究等因又乾隆二十四年十二  
月前廳王樞爲謹呈荔蕘等事摺稟二十五年五  
月二十四日臺防廳宋清源案准本府關開蒙藩  
憲德憲牌奉督憲楊批據澎湖通判王樞摺稟澎

海河紀畧 卷二  
協二營每年應需兵糧穀一萬四千四百石照依  
通年運貯常平倉之例令杉板頭船由笨港直運  
澎湖或照配運內地兵眷米穀之例令鹿耳門同  
知派撥商船就近裝載赴澎接濟等緣由奉批查  
臺灣各縣派運內地兵眷米穀槩係配給商船運  
載而澎湖二營兵穀派撥哨船領運致悞巡防辦  
理原不畫一但澎湖兵穀一例配給商船運載赴  
澎之處有無累商是否妥協仰布政司會同糧驛  
道再行查議詳覆察奪奉此查澎湖應運兵穀先  
奉兩院批司查議業經議照提督咨請將諸羅縣

存貯笨港穀石撥用杉板頭船就近運澎併臺灣  
粟一體派撥杉板頭船載運奉憲批示在案茲奉  
前批合行查議仰府逐一確查妥議詳覆等因蒙  
此轉移查詳備關到廳准此敝廳查臺屬杉板頭  
船例無由南北各港給照直達澎廈惟按年澎湖  
常平倉穀三千石係由鹿耳門給單出口茲查前  
項澎營兵穀例應哨船裝載若令杉板頭小船赴  
笨運府再行給單轉運到澎不但周折而杉板頭  
小船亦多此差累似屬未便若自臺渡廈商船照  
配運內地兵眷米穀之例給予免單令其裝運在

商船自臺渡厦順道到澎交卸與赴內地交卸事  
同一轍並無擾累尚屬妥便等由於四月十四日  
牒詳本府核轉奉藩憲德詳奉兩院憲允准商運  
轉飭遵行在案此澎湖兵米改易穀石配搭商船  
順道運澎之源委也按澎哨當運米之日於乾隆  
二十二年十一月內寧字十一號哨船赴臺運米  
四百四十石在洋遭風飄至廣東碣石地方丟水  
糧米二百石五斗是年十二月內綏字十三號哨  
船赴臺運米四百四十石全船飄沒無踪米石軍  
器一盡沉失淹歿兵丁二十二名二十三年正月

內寧字十四號哨船赴臺運米四百四十石在大  
嶼洋面遭風擊碎米石軍器一盡沉失後來補造  
戰船補運米石恤賞淹歿兵丁虛糜

國帑七八千金且爾時一連三個月哨船無米到  
澎接濟卽民船之杉板頭亦因風阻滯並無一船  
販運米石來澎發賣而澎地又不產米穀人情惶  
惶二千兵戍爭買民間雜糧以致民亦無食地瓜  
乾每斤賣錢五六十文卽番薯藤綠豆皮亦爭食  
殆盡兵民交困個個啼饑地方幾至不寧至今澎  
民言之猶令人心悸也可不懼哉縱商運有失所

配不過一百二十石九十石之數所失猶少於兵糈無悞何致有妨民食此商運之所以可行而兵哨之不能赴運者其明徵也卽杉板頭船一項無論例不許自笨港直達澎湖而當北風盛發之時亦不能負重載運以致有失則杉板頭船之運亦非可恃也荷蒙 列憲體察澎湖情形因地制宜改米爲穀易哨運爲商運至今一十餘載源源接濟兵慶飽騰民安粒食地方無饑困之憂戰艦獲巡防之益一舉而衆善皆備此真可以永遠遵行而萬世莫易者也彼道傍訾議者亦蛇足而已是

誠何心也哉

澎湖紀畧卷之十二終

澎湖紀畧卷之十二

藝文紀目錄

緣起

疏

書

議

序

引

記

賦

詩

詩
書
雜錄
藝文紀
澎湖紀畧卷之十二

澎湖紀畧卷之十二

嶺南胡建偉勉亭纂著

藝文紀

緣起

文所以載道也文而不衷於道以之治已則無補於身心性情以之問世又無關於國計民生雖盈編累牘月露風雲君子不取也澎湖自開闢以來向為荒裔鱷島彝洲蛋烟蠻雨固無所謂詩書禮樂政事文章也自康熙二十三年討平鄭逆乃隸版圖至今將及百年醇風漸染雅化薰陶盡洗文

身陋俗郁郁乎幾與中土相等易曰觀乎人文以化成天下文之時義大矣哉所有開疆闢土遠慮深謀見乎章奏問俗採風易直慈諒形于歌詠以及流寓經由文人墨士或文或詩有裨世教有益人心者輯而錄焉庶讀之者于地方之險要民俗之苦勤莫不一目瞭然是亦可以興矣

文

陳海上情形疏

靖海侯施

琅  
晉江人

鄭成功倡亂二十餘年恃海島爲險蔓延鴟張荼毒生靈故當時不得不從權折地絕其進取之路

嗣而

皇上廣開德意招徠撫綏漸散其黨成功疑懼乃遁踞臺灣以爲兔窟康熙元年間兵部郎中黨古里至閩臣備將逆島可取之勢面乞代奏復上疏密陳荷蒙

俞旨仰藉天威數島果一鼓而平逆孽鄭經逃竄負嵎恃固去歲

朝廷遣官前往招撫未見實意歸誠從來順撫逆勦大關國體豈容頑抗而止伏思天下一統胡爲一鄭經殘孽盤踞絕島而折五省邊海地方畫爲

滇海紀畧 卷三  
界外以避其患况東南膏腴田園及所產漁鹽最  
爲財賦之數可資中國之潤不可以西北長城塞  
外風土爲比倘不討平臺灣匪特賦稅缺減民困  
日蹙卽防邊若未爲定制錢糧動費加倍輸外省  
有限之餉年年協濟兵食何所底止又使邊防持  
久萬一有懼罪弁兵及冒死窮民以爲逃逋之窟  
遺害叵測似非長久之計且鄭成功之子有十遲  
之數年並皆長成假有一二機覺才能收拾黨類  
結連外島聯絡土番羽翼復張終爲後患我邊海  
各省水師雖布設周密以臣觀之亦僅能自守若

使之出海征勦擇其精銳習熟將卒實亦無幾况  
後此精銳者老習熟者疎何可長恃臣蒙  
皇上逾格擢用荷恩深重分應滅賊以盡厥職每  
細詢各投誠之人及陣獲一二賊夥備悉賊中情  
形審度可破之勢故敢具疏密將臺灣勦撫機宜  
爲我

皇上陳之查自故明時原住澎湖百姓有五六千  
人原住臺灣者有三萬俱係耕漁爲生至順治  
十八年鄭成功挈去水陸僞官兵并眷口共計三  
萬有奇爲伍操戈者不滿二萬又康熙三年間鄭

經復挈去僞官兵并眷口約有六七千爲伍操戈者不過四千此數年彼處不服水土病故及傷亡者五六千歷年渡海窺伺被我水師擒殺亦有數千相繼投誠者計有數百今雖稱三十餘鎮並係新拔俱非夙練之才或轄五六百兵或轄二三百兵不等計賊兵不滿二萬之衆船隻不及二百號散在南北二路墾耕而食上下相去千有餘里鄭經承父餘業智勇不足戰爭匪長其各僞鎮亦皆碌碌之流又且不相聯屬賊衆耕鑿自給失于操練終屬參差不齊內中無家口者十有五六豈甘

作一世鰥獨寧無故土之思但賊多係閩地之人其間縱使有心投誠者旣無陸路可通又乏舟楫可渡故不得不相依爲命鄭經得馭數萬之衆非有威德制服實賴汪洋大海爲之禁錮如專一意差官往招則操縱之權在乎鄭經一人恐無率衆歸誠之日若用大師壓境則去就之機在乎賊衆鄭經安能自主是爲因勦寓撫之法大師進勦先取澎湖以扼其吭則形勢可見聲息可通其利在我仍先遣幹員往宣

朝廷德意若鄭經勢窮向化可收全績倘頑梗不

清海紀略 卷十一  
四  
悔俟風信調順卽率舟師聯艚直抵臺灣拋泊港口以牽制之發輕快船隻一往南路打鼓港口一往北路蚊港海翁窟港口或用招誘或圖襲取使其首尾不得相顧自相疑惑疑則其中有變賊若分則力薄合則勢蹙于以用正用竒相機調度登岸次第攻擊臣知己知彼料敵頗審率節制之師賈勇用命可取萬全之勝倘賊踞城固守則先清勦其村落黨羽撫輯其各社土番狹隘孤城僅容二千餘衆用得勝之兵而攻無援之城使不卽破將有垓下之變賊可計日而平矣夫興師所慮募

兵措餉今沿邊防守經制及駐劄投誠閒曠官兵皆爲臺灣而設聽臣會同督提諸臣挑選習熟精銳用充征旅無事徵募動費之煩此等兵餉征亦用守亦用與其束手坐食于本汛孰若簡練東征于行間至脩整船隻就于應給大脩銀兩領收可無額外動支船未足用則浙粵二省水師亦爲防海設立均可選用仍行該省督提選配官兵各舉總兵一員領駕協勦每船用慣熟澎湖臺灣港路舵梢數人卽于福建投誠官兵內挑選分配不足則將投誠兵汰其老弱別募熟于海道之人補額

因此見在額給糧餉不須分外加增無煩夫役輓輸安配定妥以候風期毋論時日風信可渡立即長驅利便之舉誠莫過于此者但水路行兵出海水深利用大船進港水淺利用小哨今當新造小快哨一百隻以爲載兵進港及差撥哨探之用又當新造小八槳二百隻每大船各配一隻到臺灣臨敵登岸之時可以盤載官兵蜂擁而上其小快哨每隻新造只用價銀四十兩小八槳每隻新造只用價銀一十五兩二項共該用銀七千兩爲費不多若臺灣一平則邊疆寧靖防兵可減百姓得

享昇平

國家獲增餉稅沿邊文武將吏得安心供職可無意外罪累一時之勞萬世之逸也

密陳航海進勦機宜疏

施琅

臣荷

皇上特恩起用以臣深知水性賊情專畀進勦海逆之責受事以來練兵整船靡敢刻懈然用兵之法不得不熟審詳慎古者行兵多用奇計聲東擊西兵不厭詐非可直道而行去冬具疏請以今年三四月微北風進兵蓋爲鄭逆奸細頗多使賊知

我舟師必用北風而進然後出其不意而收之臣  
在在密用間諜亂其黨羽自相猜忌自去年逆艘  
糾集澎湖欲抗我師據險以逸待勞設我舟師到  
彼必由澎湖西與頭然後轉帆向東北而進正值  
春夏之交東北風爲多我船盡是頂風頂流斷難  
逆進賊已先站立外塹內塹接連娘媽宮俱居我  
上風上流其勢難以衝擊取勝故不可不慮及此  
也所以前議微北風之候猶恐未能萬全且水道  
行兵專賴風信潮水非比陸路任意馳驅可以計  
定進止臣日夜撫心熟籌莫如就夏至南風成信

連旬盛發從銅山開駕順風平浪船得聯艚齊行  
兵無暈眩之患逆賊縱有狡謀斯時反居下風下  
流賊進不得戰退不能守澎湖一得更知賊勢虛  
實直取臺灣便可克奏膚功倘逆孽退守臺灣死  
據要口我師暫屯澎湖扼其吭拊其背逼近巢穴  
使其不戰自潰內謀自應不然俟至十月乘小陽  
春時候大舉進勦立見蕩平此乃料敵制勝所當  
詳細一一披陳者也然臣切有請者督臣姚啓聖  
調兵製器獎勵士卒精敏整暇咄嗟立辨捐造船  
隻無所不備矢志滅賊國爾忘身堅圖報稱非臣

滄海紀畧 卷十一  
所能力止惟是生長北方雖有經緯全才汪洋巨浪之中恐非所長矧撫臣吳興祚見在陞任卽有新撫臣初到視事恐未識閩疆情形臣之鯁鯁謂督臣宜駐廈門居中節制別有調遣臣得揣統前進行間將士知有督臣後趨糧運策應則糧無匱乏之患兵有爭先之勇壯志勝于數萬甲兵今若與臣偕行征糧何以僱趨封疆何所仰賴安內攘外非督臣斷難彈壓緩急臣故密疏入告使督臣聞知必以臣阻其滿腔忠藎仰冀

皇上密行溫諭督臣免其躬親偕行臣同督臣操練水陸精銳官兵充足三萬分配戰艦儘可破賊但臣僅掌有水師提督印信未奉有征勦臺灣之勅諭伏望迅賜頒發以副轉睫師期俾得申嚴號令用以節制調度所有督臣題定功罪賞格賜臣循例而行則大小將士咸皆凜遵至于師中叅酌見有同安總兵官臣吳英智勇兼優竭忠自許可以爲臣之副尤望恩加獎勵又有興化總兵官臣林承金門總兵官臣陳龍平陽總兵官臣朱天貴海壇總兵官臣林賢留閩候補總兵官臣陳昌江東副將臣詹六奇隨征左都督臣李日烺等俱堪

衝風破浪勇敢克敵共勦搗巢藉我

皇上天威丕著醜類遊魂何難殄殲航勦滅賊關  
係臣之一身承當責任何等綦重以故凡賊之形  
勢風之順逆事之區畫亟當十分詳審以圖萬全  
况出汪洋大海之外非敢輕舉妄動苟且從事致  
負眷顧之隆臣當會商將軍合詞具題而將軍海  
務情形非所諳曉又恐奸細窺探洩漏是以自將  
戰畧師期密疏上聞

請決計進勦疏

施琅

鄭逆抗拒顏行深費

皇上宵旰南顧之憂臣茲復荷

聖恩起用非重臣以水師提督之任實用臣進平  
臺灣之逆患兼面奉

天語溫諭勦滅臺灣以免生靈塗炭銜

命以來兼程疾趨卽于去歲十月初六日抵廈門  
視事點驗船兵全無頭緒焉敢妄舉進勦時欲具  
疏入告恐傷寅恭和衷故日以繼夜廢忘寢食一  
面整船一面練兵兼製造器械躬親挑選整擷至  
今年四月終方稱船堅兵練事事全備移請寧海  
將軍臣喇哈達侍郎臣吳努春到廈門看閱此時

將士人人思奮臣卽于五月初五日會同督臣姚啓聖統率舟師開駕至銅山以俟夏至後南風成信聯艤進發第督臣以五月初一日准部咨進勦海賊關係重大之

旨隨轉意不前而三軍側聽並盡解體臣自初七日起日與督臣決計進取力爭十餘日至十六日將軍二臣抵銅山到臣營所臣面懇將軍轉勸督臣乘南風進勦以成摧枯拉朽之勢奈督臣終執旨意以督提同心合意爲辭臣故不便違抗姑聽督臣主疏展期實非臣之本意此二將軍臣親到

銅山所目擊而共悉臣衷也本月初九日承准兵部劄付內開寧海將軍喇哈達等疏稱總督提督稱南風不如北風臣深爲駭異切思臣當日在銅山與將軍二臣並無言及南風不如北風之語日與督臣爭執南風進勦不惟三軍皆悉其情卽通省士庶亦皆共曉且督臣日遣各總兵勸臣權依督臣之議今將軍二臣具疏竟不分晰明白陷臣推托不前若非

皇上寬置不究則臣先後疏章自相矛盾欺誑君父罪當萬死矣夫南風之信風輕浪平將士無暈

眩之患且居上風上流勢如破竹豈不一鼓而收全勝臣見督臣堅意難以挽回故聊遣趕繪快船二十三隻令隨征總兵臣董義投誠總兵臣曾成提標署左營遊擊事臣阮欽爲弁各鎮營千把等官領駕前往澎湖瞭探賊息據其回稱義等奉令遵于六月初四日午刻從古雷洲開船至初五日未時到澎湖猫嶼時各船未便輕進灣泊花嶼初六日黎明率各船由虎井過獅嶼頭瞭見劉國軒賊艘盡泊于媽官賊見我船大船槩起頭帆小船盡起大帆賊遂出趕繪二十餘隻駕出西嶼頭又

有八旱賊船十餘隻由南面而來我船恐衆寡不敵本日未時傳炮收回各船于初七日到大境初八日到廈門港歸汛等情據此則此行遣發巡哨船隻來去無阻見有明據矣乃坐塘筆帖式譚木哈圖具題大兵水面度日逆賊窺望空隙之疏殊非真知灼見臣全不解其故以臣生長濱海總角從戎風波險阻素所經歷且荷

簡命前任水師提督閱歷至今豈有海面形勢風信水性猶不暢熟胸中而筆帖式乃更勝于臣乎蓋賊中情形臣屢得舊時部曲密信稱臺灣人心

惶惑兼以劉國軒恃威妄殺稍有隙縫全家屠戮人人芒刺在背間有心欲向義奈隔絕汪洋難以朝呼夕應未敢輕舉此端便是可破可勦之機又此六月二十八日據守口兵丁遞送澎湖長髮賊柳勝林斗二人赴臣軍前投誠詢據柳勝等供稱原坐杉板頭船過來投誠澎湖新舊煩船鳥船趕繪雙帆船各船有一百一二十隻劉國軒林陞江欽等賊衆六千餘內有家口舊賊約二千其餘俱係無眷口新附之衆私相偶語提督不嗜殺人俟大軍到便瓦解歸順有偽蕭一鎮下將領謀議候

出娘媽宮操船乘勢駕舟投誠被其知覺立殺頭目九人因探聞我兵船自銅山撤回歸汛彼故調賊二千餘回臺灣耕種今僅留賊四千在澎湖配船防守等語據此則賊中虛實又已得其詳矣且臣更以賊中之情形言之昔之偽鎮營蟻附脇從皆受鄭成功鄭經父子結恩舊人籠絡相依今劉國軒暴戾操權動輒殺戮以威制人誰肯甘爲兒肉是我舟師未到澎湖權猶在劉國軒一人之主持我舟師若抵澎湖勢難遏各偽鎮偽卒之變亂則踞守澎湖逆賊縱有萬餘內多思叛驅萬賊萬

心之衆以抗我精練勇往之師何足比數雖劉國軒輕命死敵于人心猜忌之際靡不自潰則可破可勦之機又無加于是今我

皇上若以俟有可破可勦之機  
溫旨下頒則汪洋巨浸之中誰肯効命七尺之軀而殫力三窟之險勢必藉

旨意爲居竒遷延歲月虛糜浩費所謂築舍道傍三年不成是賊終無可破可勦之日矣矧夫按兵不動善以撫諭劉國軒沐猴鷓鴣張操縱自如志得意滿斷無輸誠向化之念其中有僞鎮營賊衆有

心歸正而邇來臺灣各港禁錮嚴密一船不許出港雖有謀叛隱情亦難通報故非聯踪進發疾行撲擊安有自甘獻俘坐待賊亡竟在何時在督臣滅賊之念實切惜乎生長北方水性海務非其所長登舟之際心搖嘔吐所以前疏懇留督臣居中調度蓋爲此也中有一二視此畏途未免低徊以致督臣疑惑不決臣雖庸愚料敵頗效前于康熙二年間海逆猖獗

皇上特差兵部郎中黨古里到閩問臣機宜當卽決意進攻廈門時督臣李率泰亦以臣過于擔當

然兩島竟爲臣克平旋于康熙六年十一月爲邊  
患宜靖逆賊難容等事具題未奉

俞旨乃使逆孽于甲寅年有燎原之變鄭經雖死  
留此餘黨負踞絕島臣丁年六十有二血氣未衰  
尚堪報稱今不使臣乘機撲滅再加數年將老無  
能爲後恐更無擔當之臣敢肩渡海滅賊之任是  
以臣鯁鯁必滅此朝食惟是臺灣殘孽未殲故溢  
設鎮營官兵糜費錢糧貽累民生未甦况所設水  
師鎮營原爲航海搗巢之用今就中挑選精兵二  
萬有奇大小戰船三百號儘堪破賊可以無用陸

師徒相牽制卒難成功若陸師之中間有勇敢効  
忠熟練海務能將客臣調選一二以爲臂指共勦  
大舉之需伏思臣累受

國恩奉召進京卽

寵擢內大臣之列豢養十餘載今復謬荷起用寸  
功未効又叨更晉宮銜  
特賜御膳亘古臣子未有受

君恩如是也卽赴湯蹈火臣志所不辭倘荷

皇上信臣愚忠獨任臣以討賊令督撫二臣催趲  
糧餉接應俾臣整搦官兵時常在海操演勿限時

日風利可行臣卽督發進取出其不意攻其無備  
何難一鼓而下事若不效治臣之罪臣樸質武夫  
一片圖報微誠惟知欽遵

天語煌煌責臣必破臺灣克奏膚功臣以

君命爲重故當克盡臣職不禁煩瑣激切瀝陳斷  
不敢以浮言飾辭冒昧陳于

君父之前伏乞

皇上睿鑒

飛報澎湖大捷疏

施 烺

臣自去年六月同督臣姚啓聖在銅山停師回汛  
劉國軒偵知自回臺灣留撥偽鎮營等船兵扼守  
澎湖不時來往調度今年四五月知臣乘南風決  
計進勦就臺灣賊夥選撥精壯敢死者及抽調草  
地佃丁民兵將洋船改爲戰船凡各偽文武等官  
所有私船盡行脩整弔集來澎湖大小砲船鳥船  
趕繪船洋船雙帆船船合計二百餘號賊夥二萬  
餘衆仍將偽鎮營等官兵各眷口監羈臺灣紅毛  
赤嵌二城堅其死戰劉國軒親統傾巢之衆復來  
澎湖將娘媽宮巽頭上下添築砲城二座風櫃尾  
砲城一座四角山砲城一座雞籠山砲城一座東

西峙內一列砲臺四座西面內外塹西奠頭一列砲臺四座牛心灣山頭頂砲臺一座凡沿海之處小船可以登岸者盡行築造短牆安置腰銃環繞二十餘里分遣賊衆死守星羅綦布堅如鐵桶臣總統鎮營舟師將各大小戰船風蓬上大書將弁姓名以便備知進退先後分別賞罰于六月十四日辰時由銅山開駕進發十五日申時到菴與花真有守汛賊哨數十餘隻見臣舟師將到卽奔回澎湖時值天晚將船灣泊八罩水坡澳遣官坐小哨到將軍澳南大澳等島安撫島民十六早進攻

澎湖逆賊排列船隻迎敵臣標署右營遊擊藍理等官兵配坐鳥船一隻署後營遊擊曾成等官兵配坐鳥船一隻署左營遊擊張勝等官兵配坐鳥船一隻二等待衛吳啓爵等官兵配坐鳥船一隻同安城守右營遊擊趙邦試等官兵配坐鳥船一隻海壇鎮標中營遊擊許英等官兵配坐鳥船一隻銅山鎮標右營遊擊阮欽爲等官兵配坐鳥船一隻此數船首先衝鋒破敵直入賊艖攻殺賊砲船二隻趕繒船六隻賊夥斬殺殆盡其船放火燒燬又用炮火攻擊立刻沉壞賊鳥船一隻趕繒船

清海紀略 卷三  
二隻副鋒臣標右營千總鄧高勻配水陸等官兵  
坐鳥船一隻烽火營遊擊王祚昌勻配水陸等官  
兵坐鳥船一隻臣標署右營守備方郤等官兵配  
坐鳥船一隻金門鎮標中營遊擊許應麟等官兵  
配坐鳥船一隻金門鎮標右營守備林芳等官兵  
配坐鳥船一隻臣標隨標功加守備李光琅等官  
兵配坐鳥船一隻用砲火攻擊打沉賊鳥船一隻  
趕繪船二隻賊夥溺死殆盡時值南潮正發前鋒  
數船逼近砲城賊艘齊出合圍臣恐數船深入難  
出自將坐駕船直衝入賊艖興化鎮臣吳英繼後

夾攻焚殺偽揚威將軍援勦左鎮沈誠統轄前鋒  
鎮姚朝玉義武鎮陳侃戎旗五鎮陳時雨偽協將  
弁大小賊目計七十餘員偽水師總督林陞中箭  
三枝中鹿銃二門左腿被大砲打折立即載回臺  
灣賊衆焚殺溺死計二千餘衆遂救出數船臣右  
眼被銃擊傷眼睛未壞因天色將晚收出西巔頭  
洋中拋泊十七日早將全艖舟師復收泊八罩水  
垵灣嚴申軍令查定功罪賞罰官兵十八日進取  
虎井桶盤嶼十九日臣坐小趕繪船往澎湖內外  
塹峙內細觀形勢二十二十一兩日故用老弱驕

兵之計用趕繪雙帆船船分二股假攻時內內外  
塹以分賊勢臣于二十二日再申軍令分股進發  
遣臣標隨征都督陳蟒魏明副將鄭元堂領趕繪  
雙帆船船五十隻爲一股從東畔時內直入鷄籠  
巽四角山爲奇兵夾攻又遣臣標隨征總兵董義  
康玉外委守備洪天錫領趕繪雙帆船船五十隻  
爲一股從西畔內塹直入牛心灣作疑兵牽制將  
大鳥船五十六隻居中分爲八股每股七隻各作  
三疊臣居中爲一股興化鎮臣吳英領一股居左  
平陽鎮臣朱天貴臣標前營遊擊何應元合領一

股居右金門鎮臣陳龍領一股在次左臣標署中  
營叅將羅士鈇署右營遊擊藍理署後營遊擊曾  
成合領一股在次右之右署銅山鎮臣陳昌領一  
股在次左之左海壇鎮臣林賢領一股在末右厦  
門鎮臣楊嘉瑞領一股在末左尚有船八十餘隻  
留爲後援臣督率嚴陣指揮直向娘媽宮撲勦賊  
各處砲城及迎敵砲船鳥船趕繪大小各船四面  
齊出迎敵每賊砲船安紅衣大銅砲一位重三四  
千觔在船頭兩邊安發煩二十餘門不等鹿銃一  
二百門不等砲火矢石交攻有如雨點烟燄蔽天

咫尺莫辨首衝破敵陷陣乃海壇鎮臣林賢平陽鎮臣朱天貴前營遊擊何應元海壇鎮標左營遊擊吳輝千總蔡琦鳳海壇鎮標右營守備林正春副鋒臣標前營千總林鵬海壇鎮標右營遊擊江新圍頭營遊擊陳義平海營遊擊鄭桂海壇鎮標中營遊擊許英等其分遣東西二股官兵船隻繼進夾擊互攻自辰至申我師奮不顧身抵死擊殺賊被我師用火桶火礮焚燬大砲船十八隻擊沉大砲船八隻焚燬大鳥船三十六隻趕繒船六十七隻洋船改戰船五隻又被我師火船乘風燒燬

鳥船一隻趕繒船二隻逆賊并力死鬪勢窮難支用火藥藏于船艙發衝心砲自焚砲船九隻鳥船一十三隻賊驚危勢急跳水得獲鳥船二隻趕繒船八隻雙帆船船二十五隻焚者焚殺者殺偽征北將軍曾瑞定北將軍王順水師副總督左虎衛江欽統領右先鋒陳諒戎旗二鎮吳潛援勦右鎮鄭仁援勦後鎮陳啓明宣毅左鎮邱輝護衛鎮黃聯後勁鎮劉明折衝左鎮林順斗壁宿鎮施廷親軍水師三鎮薛衡水師一鎮蕭武水師二鎮陳政水師四鎮陳立中提督中鎮洪邦柱中提督右鎮尤

俊中提督後鎮楊文柄中提督親隨一鎮陳士勛  
左龍驤中協黃國助右龍驤左協莊用侍衛中鎮  
黃德侍衛右協蔡智侍衛驍翊協蔡添侍衛領旗  
協林亮侍衛左總轄毛興勇衛中協張顯勇衛左  
協林德勇衛右協陳士勲勇衛前協會遂中提督  
領兵協吳畧中提督左協林德中提督前協會瑞  
中提督領旗協吳福中提督前鋒協陳陞中提督  
總理協陳國俊右武衛右協吳遜右武衛隨征二  
營梁麟水師二鎮前鋒副將李富水師二鎮左營  
副將張欽水師三鎮左營副將許端水師三鎮右

營副將林耀援勦右鎮右營廖義援勦前鎮前鋒  
營莊超折衝鎮左營陳勇左提督後鎮左營王受  
等四十七員其餘偽協管領兵監督翼將正副總  
班總理監營候缺將小頭目焚殺溺死約計三百  
餘員焚殺自焚跳水溺死賊夥約計一萬二千有  
奇屍浮滿海總兵朱天貴被砲穿脇立死遊擊趙  
邦試亦被砲擊腦立死總兵林賢被箭輕傷左臂  
總兵吳英被鹿銃輕傷右耳賊止剩有小砲船三  
隻小鳥船二隻趕繪船十一隻雙帆艍船十五隻  
脫出北面吼門遁走訊知劉國軒乘小快船亦從

吼門而逃時值黃昏難以追殺在山偽將軍果毅  
中鎮楊德遊兵鎮陳明果毅後鎮吳祿中提督前  
鎮黃球璧宿鎮楊章侍衛後鎮顏國祥中提督中  
協副總兵張顯驍翊營副將洪良佐統領右先鋒  
領兵副總兵李錫右先鋒營副總兵黃顯右虎衛  
領兵副總兵江高果毅鎮下左營林新左虎隨征  
營副將黃豹左虎副將江篇遊兵鎮中營周烈前  
營副將劉隆果毅後鎮右營副將林好旗鼓中軍  
嚴澤親隨營正總班阮恢中提督下副將李芳管  
理大砲副將林武前鎮下隨征副將湯興前鎮下

左營副將蔡穆戎旗二鎮右營副將吳陞果毅中  
鎮正領兵副將會勝中營副將楊傑左營副將吳  
振右營副將陳李隨征營副將黃桂前鋒營副將  
張佐春叅將楊彬偽提督後鎮領兵中軍徐其昌  
果毅後鎮左營林和左翼將廖冬神威營林啓後  
鎮左營楊壯璧宿鎮隨征叅將洪存光候缺親隨  
營叅將王建遊兵鎮親隨標叅將鄭泗隨標叅將  
何正前鎮正領班叅將林興衝鋒正總班叅將黃  
峨左虎衛正領遊擊林尾副領都司卬陞璧宿鎮  
旗鼓正中軍遊擊林朝暉宣毅左鎮左營卬睿果

海濱紀畧 卷三  
毅中鎮下遊擊王壽吳旋賴淑鄭應一正領遊擊  
黃壽二正領遊擊林明三正領遊擊林暢陳賢王  
招四正領遊擊陳勝遊兵鎮中營遊擊陳恕前營  
遊擊薛舅隨標營遊擊施辰果毅後鎮領兵洪陞  
坐營中軍劉斌翼將楊勝親隨營將徐秋隨征營  
將曾春遊擊鄭先庚前鎮隨征遊擊顏潛左翼遊  
擊錢孟喬左副領遊擊方勝右副領遊擊林盛掌  
標遊擊陳奕小監營遊擊戴耀左副總班都司黃  
陞右副總班都司黃義侍衛監營林仕領旗營陳  
寅旗鼓中軍林贊果毅中鎮下都司鄭辛王友順

何榮黃桂李陞吳麟管砲都司陳鳳壁宿鎮下正  
總理候缺都司林英楊勸宣令守備林玉監營守  
備陳和副總班守備林麟副總班守備楊瑞周明  
黃登中提督下二領林輝明三領梁三老果毅中  
鎮下守備沈雲隆許福柯偉陳仕陳定鄭興陳鑾  
林長陳德完蔡興洪祿林鳳林甫陳萬蔣鳳謝吉  
康順張福王麟曾良陳月陳尾遊兵鎮中營守備  
李忠前營守備朱義隨標營守備黃二林彩許五  
林泰管砲守備林換李受前鎮下守備吳傳胡哲  
龔耀陳新提督後鎮衝鋒總班陳斌候缺親隨營

王飛龍正總班曾道興副總班歐興都司高陞陳  
進果毅後鎮下司總陳貴楊美陳桂總班周虎中  
提督下司總林愛都司林三侍衛下副領陳祺遊  
兵鎮下親標營千總胡進黃璉隨征千總李四朱  
都王雄果毅後鎮下都司楊龍蔡珀監營林龍壁  
宿鎮下都司劉明許佐總班程雄趙和紅旗官沈  
冬陳勝果毅後鎮下司總謝里蔡明正總班洪忠  
柳賜正總理黃三副總理許攀隨征正總班張猛  
紅旗官許卯何煌陳勝董興總司黃貴等共一百  
六十五員帶賊衆四千八百五十三名削戈投降

臣仰體

皇上好生之德宥其自新俱已發令薙髮偽鎮營  
賞以袍帽賊衆給以銀米用彰我

朝廷不嗜殺鴻恩以策後效是役也逆賊盤踞海  
島四十餘載荼毒生靈蹂躪版圖致屢

皇上宵旰之憂臣體

聖衷誓心滅此淨盡故雖帶傷負創賈勇撲勦舟  
師自十四日深入汪洋巨浸之中水天相連稽古  
以來六月時序澎湖無五日和風怒濤山高變幻  
莫測今抵澎湖餘日海不揚波俾臣得以調度七

日夜破賊且二十二日進師午刻潮漲較多四尺  
莫非

上天垂祐

皇上彌天之福故使扼守澎湖巨魁巨鎮精銳逆  
賊巨艦不數日而全軍覆沒雖各鎮將弁日士卒  
戮力用命實賴

皇上天威丕振督臣姚啓聖捐造船隻捐養水兵  
與臣共勦大舉仍又親來廈門彈壓殫心催趲糧  
餉輓運不匱加以厚資犒賞將弁三軍莫不激勵  
思奮今日克取澎湖之大捷皆督臣賞賚鼓舞之

功乃有此成效也擬卽乘勝進勦但臺灣海道紆  
迴南風狂勇深淺莫辨似應少待八月或十月利  
在北風進取萬全倘有機會可破臣立卽進師三  
軍關係綦重尤當倍加慎愆不敢輕舉妄動澎湖  
爲臺灣咽喉今澎湖旣已克取臺灣殘賊必自驚  
潰膽落可以相機掃蕩矣但二穴克掃之後或去  
或留臣不敢自專合請

皇上睿奪或遴差內大臣一員來閩與督臣商酌  
主裁或諭督撫二臣會議俾臣得以遵行更有請  
者臣奉有

欽頒功罪格例賞罰期必嚴明行間將士首先衝鋒破敵自當題叙如逡巡不前法豈容寬必宜分別依格究處惟賞功一項臣前題明暫取二萬五千兩布政司纔發一萬六千兩尚少九千兩此番官兵用命血戰者多必須從優獎勵仰候銀兩遵照格例賞賚又見在進勦臺灣尤切需賞功銀兩以昭信賞用鼓士愾伏祈

勅部移咨督臣迅行酌給如投誠官兵中有自願歸農者臣查其原籍卽行該府縣安插老弱者亦在黜汰若欲入伍者糧餉在所必需應動何項錢糧并乞

勅部咨會督臣撥給策應使投誠之衆各得其所而無流離之嘆臺灣逆孽勢必望風歸附蕩平之後仍遵

旨裁汰此十六二十二等日水陸官兵攻殺賊衆死亡者計三百二十九員名帶傷者計一千八百餘員名悉被砲火攻擊以致傷亡甚多臣將被傷官兵按其輕重一等傷每名給銀三兩二等傷每名給銀二兩三等傷每名給銀一兩以資藥費死亡者酌給銀兩以備殯殮此項銀兩臣暫爲那應

容備造發給數目細冊送部稽核發給還項至于格外優卹出自

皇仁其重傷官兵不能荷戈者臣俱已撥船載回廈門延醫調治其所少兵額另咨督臣就于陸師挑選前來補足精兵實數時常操演尅期合踪進發至于分派衝鋒副鋒鎮營將弁配坐鳥船趕繪船鳥船每船或配大小將弁閒員及外委弁員二三十員不等趕繪船每船或配十員八員不等又如鎮將所領一股每股鳥船七隻其中分配水陸將弁首先跳船焚船者尚多其人疏內未得逐一

槩列容臣蕩平臺灣奏凱之日擬定功罪臚列在事文武官兵員名備造清冊開報請叙其投誠偽鎮營繳到偽關防牌劄與夫得獲船隻大砲甲器旗幟等項查所獲紅衣大銅砲十二位每位重有四五千觔砲子大者二十二三觔中者十七八觔次者十四五觔銑大砲二位每位重七千餘觔用砲子三十餘觔尚有焚燬砲船所配之砲俱已沉落在海見在尋撈其餘大小發煩砲火甲器等物容查明一并造冊繳部以聽查察

論臺鎮不可移澎書代

藍鼎元

漳浦人

臘月望三日連接憲翰五函及馬守備安遊擊口述鈞諭令某暫駐臺灣不可遽爾班師竊惟此時臺中大定署鎮黃總兵足資彈壓以某越俎久淹自顧亦覺無謂况當宁已議臺鎮移澎更設副將是一總兵處此尚嫌其多而某又爲蛇足獨留不去竟似貪戀雞肋殊堪羞慚裁營減兵之說臺人聞知頗有囂囂竊笑者某告以廷議未定必待督撫提臣遵依具奏方可施行茲奉憲檄減兵及裁回將弁名數某尚秘不宜露望早晚或有變更若果臺鎮移澎則海疆危若累卵部臣不識海外地

理情形憑臆妄斷視澎湖太重意以前此癸亥平臺止在澎湖戰勝便爾歸降今茲澎湖未失故臺郡七日可復是以澎湖一區爲可控制全臺乃有此議不知臺之視澎猶太倉外一粒耳澎湖不過水面一撮沙堆山不能長樹木地不能生米粟人民不足資捍禦形勝不足爲依據一草一木皆需臺厦若一二月舟楫不通則不待戰自斃矣臺灣沃野千里山海形勢皆非尋常其地亞于福建一省論理尚當增兵易總兵而設提督五營方足彈壓乃兵不增而反減又欲調離其帥于二三百里

之海中而以副將處之乎臺灣總兵果易以副將  
則水陸相去咫尺兩副將豈能相下南北二路叅  
將止去副將一階豈能俯聽調遣各人自大不相  
統屬萬一有事呼應不靈貽悞封疆誰任其咎以  
郭子儀九節度之師而不立元帥統攝尚且師徒  
潰散況今日耶澎湖至臺雖僅二百餘里順風揚  
帆一日可到若天時不清颶颶連綿浹旬累月莫  
能飛渡臺中百凡機宜鞭長不及以澎湖總兵控  
制臺灣猶執牛尾一毛欲制全牛雖有孟賁烏獲  
之力總無所用何異欲棄臺灣乎臺灣一去漳泉

先爲糜爛而閩浙江廣四省俱各寢食不寧山左  
遼陽皆有邊患某庸愚無識以爲此土萬萬不可  
委去若遵部議而行必悞封疆某杞人妄憂中心  
如焚非特爲桑梓身家之慮惟望恕其狂瞽且賜  
明示解惑焉

論哨船兵丁換班書

臺澎水師換班之兵自當悉數遣發不使私留一  
人諭旨當遵憲令亦不敢違也但哨船中舵繚  
斗旋各兵則有不可更易者蓋闔船性命關係數  
人之手而臺澎洋面橫截兩重潮流迅急島溲叢

雜暗礁淺沙處處險惡與內地迥然不同非二十  
分熟悉諳練夫寧易以駕駛哉內地所來換班之  
兵雖曉水務畢竟礁脉生疎不可倚賴而習熟可  
賴之舵工水手則內地水師各營俱欲留以自用  
誰肯舍已讓人縱令換班于遠勢必以疎劣嘗試  
苟且塞責以 朝廷戰艦官兵供斯人美錦學製  
之具希圖徼幸于萬一蓋亦危矣幸得苟安無辜  
以庶幾港道漸熟瞬息三年瓜期又至終不能長  
有此人不幸而中流風烈操縱失宜頃刻之間不  
在浙之東廣之南則扶桑天外一往不可復返卽

使收入臺港礁線相迎不知趨避衝磕一聲奮飛  
無翼以 朝廷戰艦官兵斷送于換班舵繚之手  
是良法美意適以傾人性命斯亦 當宁所惻然  
傷心不忍聽聞者也夫事有經權法有通變與其  
悔之于後何如慎之于初執事經濟宏深忠誠爲  
國不識尚有轉圜之機可于此中畧爲籌畫否上  
則繕疏入 告次則設法酌留依阿隱忍坐觀其  
敝諒高明必不出此惟執事留意焉

各汛口查船粘連印花議

胡建偉

三水人

案准臺灣府關奉飭議汛兵私刻木戳掛驗船隻

作何杜絕一欵伏查木戳原非印信關防可比汛口掛驗誠不足以昭信守也若船隻過口必需待用印信關防則汛口離署遠近不一往返蓋印勢必守候需時是欲絕弊而反以累民矣但木戳雖不足爲憑又不可不用以專汛口之責成卑職愚見莫善于印信關防與木戳粘連交用一法之爲妥也請嗣後凡屬汛口令該管文武衙門預用印花于中間換順填明號數或一百張或五十張給發汛口兵役收領備用俟用完再請于掛驗時將年月日船戶姓名填註印花內實貼該船牌照之

上該汛卽于印花騎縫處鈐蓋木戳使印花木戳搭連可查該管文武衙門設立循環印簿發交汛口將貼過印花號數月日船戶姓名一一填明簿內送該管衙門查核則印花得免盜貼之弊如汛口與衙署相近之處竟可專用印信關防其印花木戳均可不用如蒙准行之後尚有查出並無印花但用木戳者卽以私刻論罪并出示通行曉諭俾通省船隻商民人人共知縱有私刻木戳亦無所用之固可不禁而自絕也如是辦理汛口兵役旣各有責成不能諉卸亦無私刻盜用之虞矣卑

職管見如斯是否可採伏候 憲臺酌奪批示倘  
蒙 允准仰懇卽賜通飭以便通行

捐創澎湖書院序

原夫書院之設所以輔膠庠之教之所不逮也我  
國家加意作人振興士類于學校之外凡省會建  
置書院發帑金以資膏火法良意美士生于今抑  
何幸哉因而府廳州縣與夫通都巨鎮薄海遐陬  
靡不踵事而興以爲士人敬業樂羣之所藝林精  
舍遂徧寓內焉澎湖學隸臺郡遠阻大洋風聲迤  
聽人無奮志學鮮良師實膠庠之教所不逮也百

年以來風氣未開守土者豈能辭其責耶余下車  
伊始卽進諸生而校閱之間多秀杰但識解枯于  
見聞未能遠到耳繼而月有課季有考公餘之暇  
與之講求讀書之法舉業之式甫經數月漸有成  
就惟是僕僕往來奔走道路而無游息居學之安  
余甚憫之爰與都人士謀所以創興書院之意衆  
志僉僉欣然報可隨稟明 臺灣學政張憲並達  
知郡守秦公均以爲地方應辦之事深加獎勸嗟  
乎道待人行義因時起天將霖雨山川出雲豈偶  
然哉謹捐俸廉百金以爲諸君倡念我澎賢夙稱

好義矜耆士庶與夫客寓斯土者其各踴躍樂捐以勦斯舉俾翬飛鳥革以翼我士林凡歲中脩脯之需膏火之費均有賴焉則幸甚也昔文翁守蜀昌黎刺潮皆以興學爲先懃懃懇懇而不能以自已者何也記曰能爲師而後能爲長使詩書之道廢禮樂之教荒而欲人人親其親長其長野有敦睦之行庭無雀鼠之訟豈可得哉余雖學殖疎淺不足以振起人文儀型多士而于化民成俗之道則斷斷以是爲當務之急也是爲序

重修 關帝廟引

余蒞澎之三日循例謁神恭詣 武廟見其棟宇傾頽中心惻然夫修舉廢墜者守土之責也余亦何辭但此意蓄而未伸傳曰先勤民而後致力于神將與地方事宜次第舉行耳及晤 總戎林公戴公已先得我心諄切具陳厥舉囑余權輿肇始各捐俸廉以倡嗟乎事以義舉而四方響應者其心同也矧 關聖之德播在人間普天率土以至海隅日出庸夫愚婦罔不尊親焉非心同乎是役也衆志僉僉凡我屬兵民矜士以及四方商賈遊歷斯土者隨願捐輸以勦厥工庶 廟貌重新言

言翼翼以福我澎疆者寧有旣耶是爲引

### 創建西嶼義祠記

國家于郡邑地方咸建設無祀壇祠每歲致祭所以慰幽魂也况風師鼓浪沒命于波臣者可不有以安侑之乎乙酉九秋二十三日颶風陡發浪同山湧擊碎通洋船隻數不勝指而灣泊于澎湖西嶼內外塹被難者不下三十餘船淹斃人口至一百二十餘人之多此誠歷年來所未有之奇災異厄也孤魂渺渺永與波濤相上下誰實祀之總戎戴君特興義舉于西嶼內塹外塹適中之地創建

祠宇招溺者之孤魂而普祭由是靈有所依鬼無餒而非仁人君子之用心而能若是乎余于今歲仲春始來分守斯土聞之適洽予懷遂與護協鎮林君共贊成之鳩工庀材兩越月而告成從此昭茲來許厥祀克綿而戴君惻隱之懷不且與祠宇常存勿替耶是爲記

### 文石書院落成記

文石者澎產也產于澎而重于世此石之所以可貴也石何以貴以文爲貴也然文之見貴于人亦自有辨凡物之文華而不實者縱繪雲緇藻烘染

精工而柔脆難久實之不存文亦何取惟文石之  
文以堅貞之質著斑斕之耀五色紛綸應乎天則  
五緯昭應乎地則五行位應乎人則五常敘而五  
教彰充實光輝發越而不可掩斯文之所以可貴  
也君子觀此因以得爲學之道焉夫石之由璞而  
發于山也如人之自蒙而就于塾也石必擇工之  
良者而授之治也如人必擇師之賢者而從之遊  
也始而琢磨繼而攻錯久之而彫刻之形痕迹俱  
化以幾于純粹以精之候亦如學者之始而訓詁  
繼而服習久之而漸摩之至義精仁熟不知不覺

升堂入室進乎聖賢之域懷瑾握瑜不亦一藝林  
之純璧也哉昔漢髡成子遇異人受以文石吞之  
因而明悟遂爲一代儒宗後以授五鹿充宗亦爲  
通儒噫一文石也二公獲之俱以文顯如此然則  
生于斯長于斯萃山海之靈而孕竒毓瑰者又當  
何如也澎之人士從此居業得所游息有方而無  
言龐事雜之累春夏詩書秋冬禮樂以砥礪其心  
性潤澤其文章處則爲有道之士出則爲有用之  
儒記曰君子比德于玉豈欺我哉行將圭璋特達  
以上應

當宁之求當與夏瑚商璉輝映于清廟明堂之上  
矣緯地經天斯文爲至文也石云乎哉書院之名  
因有取焉是役也經始于丙戌之孟冬落成于丁  
亥之孟夏所有助貲宣力者例得備書以垂永久  
是爲記

增建 關聖廟頭門儀門記

澎湖 關聖廟迺康熙二十三年平臺後所建以  
主斯土之祀者也但時值草創規模未備且歲久  
飄搖丙戌秋余與協營林戴二君圮者復之剝者  
塤之畫棟雕甍業已一律維新矣茲協鎮許公謂

當今 武廟與 闕里並重廟制未宏非所以肅  
祀事而答神貺况去年歲時豐美海嶼安瀾兵民  
輯睦何莫非仰賴 神庥之所致也治民祀神非  
守土之責耶因與余謀所以廓其制焉兩營諸同  
事亦欣然報可遂各捐廉俸增建頭門一進三間  
門內東西翼以兩廊各三間又增建儀門一進三  
間門內東西亦建兩廊各二間以爲祭祀時各官  
至止聽候行禮之所也其天井堦除鋪砌磚石俱  
各修整相稱焉噫道待人行時至義起許公之誠  
意如斯其所見者遠矣是役也肇于丁亥之季冬

成于戊子之仲春越兩月而告成從此 廟貌森  
嚴規模宏敞神所憑依其在斯乎所有助財宣力  
者並備書于匾以垂永久云是爲記

澎湖紀畧卷之十二

賦

觀海賦

澎湖廳

周于仁

西蜀  
孝廉

讀書而周知萬彙窮居而備悉九寰祇能心識乎  
名物尚未目及夫班班予也生長西蜀求志槃阿  
造車結網閉戶爲多間有所適千里還軻名山大  
川閱歷幾何迨竊賢書長綏斯握歷雲間之巘岈  
辨涇渭之清濁睹流沙之黃河盼插天之華嶽驚  
寒風之裂肌訝堅冰之須斲由秦晉而達神京益  
驚心乎卓犖集萬國之冠裳拱

宸居之雲倬極人物之殷繁兼車馬之喧囂苟株

守乎窮鄉終鴻觀之罔覺憶余春秋五十有五謁  
選屆期再治我輔熟路兮輕車越山兮度浦及銓  
授永春

庭對

聖主三觀

天顏感興欲舞啣 命就道幽燕齊魯經泰岱之  
旁率濟水之滸觀亦云多指不勝數由淮入吳天  
塹雄圖擊楫瓜步載酒西湖仙霞峻極聞浙機樞  
雖人物之不異却言語之大殊浦城登舟尤溪入  
陸石吼兮灘高山連兮嶺複心悸兮忡忡身疲兮

僕僕長林兮森森豐草兮蓼蓼希味兮悅口

如荔子海

味等竒觀兮豁目崎嶇歷盡乃至桃源銅符初縮事  
劇且煩譬之鴛力懼不勝轅復承

簡命調我鏞州路當衝要刑政須修人豪地勝有  
暇亦遊望龜山兮仰止搜玉華兮窮幽謂縱觀之  
已極寧賒望而他求甫越期年胡又量遷澎湖重  
地海島孤懸捧檄邁往再歷興泉廈門暫憇詹吉  
登船淼淼大洋從茲捌舵非山而浪擁千峰無花  
而波開萬朶不雨而風激如霖搖星而眼迷似火  
時起霧而騰烟間堆垠而列塚正子午于星經防

風颿之相左中有二溝尤稱竒特紅溝兮如丹黑  
溝兮似墨形稍竅而不平勢橫流而若仄傍綠水  
之清泓亘萬古而不忒潮旣往而旋來日應時而合  
刻窮睇盼于汪洋覺疇昔之言海不啻乎管窺而  
蠡測炯炯然合五十載之睹記傳聞不覺于斯而  
有得嗟嗟觀屬于目理通于心量可有容兮吾觀  
其大虛乃能受兮吾觀其深觀豈徒然哉擴所觀  
以服政兮又何難當  
明聖之世而堯舜乎斯民獨鄙人識闇而才疎兮  
愧有志而未能

文石賦

有序

澎湖產文石在外塹山麓掘地劈石得之外  
其醜惡經磨礪而文出其文與質不一其色  
淡而不濃淺而不艷其形大小不倫欹陷稜  
斜尖突異狀絕無方圓平直者其直低昂不  
一佳者倍之爲念珠重而涼不宜于冬餘亦  
堪爲案頭玩具云

考文石之托始兮韞于璞而深藏迨畸人之穿鑿  
兮乃由闇而之章色清淡而不艷兮形多稜而少  
方不可點而成金兮不可餐而爲糧不可爲圖而

作篆兮不可爲器而薦香不可入藥而供丹竈兮  
不可作硯而伴文房胡爭取之若鶩兮致厥直之  
常昂購之無謂兮棄之何傷石若艷然而自鳴曰  
君不吾取吾爲君宜吾聞君子不責人以全美不  
沒人之微賢矧吾粹品出自天然質瑩瑩而不駁  
性硜硜而恒堅不追琢而自麗不粉飾而成鮮含  
雲帶霧染黛浮烟依海島而儲秀歷寒暑而永年  
匪自衒以求售偏競羨而投錢曾雜珍竒于五都  
之市幾供玩悅于七寶之前士逢知己而自貴物  
經賞識而益妍君不吾取吾無憾焉余聞其言歎

異者久之乃恍然曰非石之貴惟文爲貴文不雷  
同故其色各出文不柔靡故其質常貞文不好異  
而矜奇故淺淡而不可厭文不悅人而逢世故平  
常而不可輕惟其如是是以取之嗚呼一石之微  
尚以文見重于海隅况士君子斯文自任懷瑾握  
瑜選珪璋兮黜砮砮探英竒于崑崙之巔識卞璞  
于荆山之區視茲石又當何如也

澎湖文石歌

福建藩臺錢琦

茫茫元氣虛空鼓長波汗湧蛟鼉舞忽然蓬萊失  
左股幻結澎湖擁仙府秀靈磅礴孕扶輿滄桑閱

歷成今古遂有寶氣磨青蒼知是奎星墮沙渚雷  
電追取勅神丁冰雪瑠鍤運鬼斧合則成璧分如  
珪員或應規方就矩蘇斑隱躍漬磷磷螺文屈曲  
旋楚楚或如端溪鷓鴣眼或如炎洲翡翠羽蒼然  
古色露精堅秀絕清姿工媚嫵几案有時烟雲供  
光怪猶作蛟龍吐底用珊瑚採鐵網那復夜光誇  
懸圃我來海外搜奇材誰料眼中盡塵土塵土塵  
土何足數此石莫共匣劍處猶恐神物不自主夜  
半飛騰作風雨

乙酉三月十七夜渡海遇颶天曉覓澎湖不

得回西北帆屢瀕于危作歌以紀其事

臺防廳  
孫元衡  
桐城人

羲和鞭日日已西金門理檝烏鵲棲滿張風帆夜  
濟海天吳鎮靜無纖翳東方蟾蜍照顏色高低萬  
頃黃琉璃飛廉倏來海若怒殞颼鼓銳喧鯨鯢南  
箕簸揚北斗亂馬銜罔象隨蛟犀暴駭鏗訇兩耳  
裂金甲格鬪交鼓輦倒懸不解雲動席宛有異物  
來訶詆伏虍僮僕嘔欲死膽汁瀝盡攣腰臍長夜  
漫漫半人鬼舵樓一唱疑天雞阿班眩捷痿筋力  
出海环玦頻難稽不見澎湖見飛鳥鳥飛已沒山

轉迷旁羅子午晷度錯陷身異域同酸嘶况聞北  
嶠沙似鐵誤爾觸之為粉壑澎湖山南有北嶠下為鐵板沙回帆  
北向豈得已失所猶作中原泥浪鋒春漢鷁首立  
下漩渦白高桅低怒濤內濺頂踵濕悔不脫殼為  
鳧鷖此事但蒙神鬼力盲然大地真浮穉翠華南  
幸公卿集從臣舊職咸金閨挂冠神武蹤已邁願  
乞骸骨還山谿讀書有兒織有妻春深烟雨把鋤  
犁

危舟得泊晚飯書懷

大海狂瀾驚轉舵金山到似解重圍此生不道有

來日欲往何如成獨歸麤糲儒餐初定痛蕭疎旅  
鬢忽知非百年好是雙行脚夢繞湖山舊翠微

海波夜動燄如流火天黑彌爛亦奇觀也

亂若春燈遠度螢坐看光怪滿滄溟天風吹却半  
邊月波水杳然無數星是色是空迷住著非山非  
鬼照青熒夜珠十斛誰拋得欲掬微聞龍氣腥

客以海圖見遺漫賦一篇寄諸同學

中原十五州無地託我足銜命荷蘭國峭帆截海  
腹披茲瀛壖圖島嶼紛可矚回身指南斗東西日  
月浴颶風怒有聲駭浪堆蓬幅滌汜終古心瀆瀆

萬里目毫釐晰舟輿稊米辨巖谷道犇裸體人市  
莽連雲竹覽者睫生芒聞之肌起粟寄語平生親  
將母盡一哭

抵澎湖澳

孤島如稊一葦航情懷跋扈興相羊身隨雲鳥投

清塹洋少淺曰夜鼓天風過黑洋翠鱗胎魚堪入

饌海鱗翠色竹灣花嶼俱澎湖有飛觴此間未是

埋憂地貫月浮查正渺茫

紅夷劍歌

海潮迅復千丈波寶劍出匣悲風多劍身三尺莒

蒲葉文成蚪蚪星辰羅耿耿光明拖疋練潢潢氣  
勢翻長河繞膝柔如弓抱月錚然脫手鏘鳴珂壯  
士斫石迸陰火應聲解物無延俄寒燈照夜老蛟  
泣冷雨入屋神龍歌長鬚遺民向我說兒時喪亂  
淪于倭長歷荷蘭諸絕國酷嗜長劍情靡他蕃禁  
例同盜神器得此逋竄遭蹉跎渡海中流鬼物奪  
雷公電母頻撝訶歸向中原迺拂拭照見頭髮霜  
爲皤良工導我開生面千金裝飾十年磨佩之邪  
心除已盡世人不敢輕摩挲我有墨兵久不用睹  
此神物心平和願見聖人舞干羽喜逢宇內銷兵

戈遺民掀髯發長嘯太平對此將如何萬事不平  
今已矣掉頭蹈海雙滂沱

黑水溝

氣勢不容陳茂罵犇騰難著謝安吟十洲徧歷橫  
洋險百谷同歸弱水沈黔浪隱檣天在曰神光湧  
懼日當心方知渾沌無終極不省人間變古今

颶風歌

九瀛怪事生微茫瘴母舍胎颶母長虹篷出水勢

傾墮

斷虹飲水稱  
為破篷主風

雲車翼日爭迴翔

雲如車  
輪主風

須彌

山下風輪張獰悍燦怒天為盲塙然于扶桑之木

未吞吐夫天池之巨洋訶哮簸蕩鼓神力不崇朝  
而周迴于裸人之絕國黑齒之窮鄉颶颶颶颶無  
不有一一堞掘塵飛揚突如神兵交萬馬崩若秦  
家天地瓦颶颶起中央沙礫盡飄灑鼇身鼎屨柱  
坤軸羲轂軒軒欲回輒怒鯨張齒鵬奮飛涸鱗陸  
死鹽田肥嗟哉元龜入殼避武威伏蟲盡蹂躪植  
物將誰依東門大鳥何時歸我聞山頭磐石墜海  
水夔鼓轟騰五百里戰舸連檣吹上山乖龍罔象  
追遷徙萬人牽之返於止嗚呼海田幻化良如此  
又有麒麟之颶火為妖颶颶燭燭如焚燒黃髮遺

民一再見闔門堅壁逃蒸燭青青者黃黃者黑死  
海破塊山枯焦飛廉狂癡肆其虐祝融表裏夫誰  
要帝天不下聽仰首空雲霄舉筆用紀其事爲長  
誦昨者估客歸爲言落滌事入溜爲落滌遭此四面風  
湖滂無由避連山波合遠埋空湧嶂劃開驚裂地  
木龍冥鬱叫幽泉海船下用直木稱爲木龍神實樓之忽有異聲則云木龍叫主  
桅不勝帆柁出位閃閃異物來告凶鬼蝶干羣  
下窺伺赤蛇逆浪掉兩頭白鳥掠人鼓雙翅天妃  
神杖椎老蛟攘臂登檣叱魔崇名媽祖棍可驅水怪事急矣  
划水求仙披髮執箸虛搖船牛馬其身蹄其手口

銜珠勒加鞍韉雷霆一震黃麻宣金雞放赦天所  
憐扶歎盡仗六丁力中原一髮投蒼烟芒刺在背  
鉗在口自量歸渡霜盈顛爲舉一杯酌南斗胡爲  
乎職司喉舌而箕張其口聖人御極不鳴條噫此  
厲氣焉能久雄兮雌兮理則均強爲區別楚人狙  
花信何妨甘有四扶搖不礙萬盈九動物神功齊  
雨暘南風薰兮愠何有願箕察所好剛柔用其中  
戢威自艾安爾宮三年不波萬國來同吾將查乘  
貫月歷四荒八極徜徉而東

過澎湖嶼

巡臺景考祥汲縣人  
御史

渺矣澎湖嶼海中天一涯島開環四面民聚約千家風剝山無樹潮侵石有花捕魚生計足不解植桑麻

登大登山

巡臺 御吏 范 咸 仁和人

瞥見山坳翠欲流葱蘢密樹景清幽嵐光迥與羣峰別海色遙看四面收日暮碧雲驚異彩雨過寒氣逼深秋天南鎖鑰橫江外不放鯨魚夜出遊

三月二十五日渡海紀所見

海門峽如束放舟還趁潮島嶼漸以遠仰視惟雲霄天與水為一遠颿同秋毫極目杳無際意氣慘

不驕問程藉指南

放洋全以羅經定方向

出海稱人豪

船主

亞班攬篷索上下等懸猿

占風望向者曰亞班緣篷桅而上登降盤

旋了無 佈畏

巨浪拍天起比似桅檣高龍骨

船底大木 曰龍骨

從上過一落輕于毛遠望峻嶺轟水沸山岳搖柁

師噤不語謂是鯤魚尻噴沫散作雨十里聞腥臊

轉瞬無所覩但覺心旌搖晚霞日初落星斗何迢

迢夜黑青燐生非鬼亦非妖燄燄千萬點誰將十

斛拋此景洵竒絕坐看過中宵鷄鳴天欲曙華彩

掀波濤天吳與紫鳳野火春風燒萬頃蕩金碧蛟

鼉爭潛逃動心復駭目快事傾醇醪幸逢

聖御宇海宴無飄飄生平見未見恣意誇同曹得  
藉滄溟力永靜番俗聳歸將畫蓬壺游仙足解嘲  
笑語金華人跼踏虛鳴鑣

二十六日晚泊澎湖

計程問澎湖取道疑已遠沿洄逾七更花嶼杳難

辨金烏已西落風微柁欲轉黑溝驚狂瀾橫洋畏

屯蹇傳聞弱水近東去不復返

桐城孫元衡赤嵌集臺與厦藏岸七

百里號曰橫洋中有黑水溝色如黑曰黑洋險冠諸海或言順流而東則為弱水自來浮去之舟無

一還者豈必飽魚腹竊自輕軒冕藤緮數百尺用試

水深淺

大洋中欲下碇用鉛錘試水櫻藤艸三緮約長六七十丈

俄見白鳥飛

夢魂跌宕雷霆間是時望雨憂如渴極目園疇斷  
餘薛北風可但濟行船喚起癡龍驅旱魃

渡海紀行

胡建偉

三水人

時維二月中和節天氣清明浪澄徹鷺門待濟匝  
月餘一朝理楫心怡悅鳴鑼擊鼓舟師迎拔棹許  
許歡同聲抓桅整繚候風信四面飄飄揚旗旌港  
繞山迴指大登兩峰對峙如門徑絮絮鐘磬出雲  
端共言此地頗幽勝探竒未暇蠟屐登訂遊約爽  
虎溪僧虎溪僧會約余舟過遊大登山好山看徧且觀海眼界開  
豁心神凝停橈忽向寮羅地掉呀呷無風亦簸灑

更兼海氣湧臊腥重暈頭眩輕也憐守風七日藉  
風便倏忽千里茫無邊島嶼青青四山失只見上  
天下水相膠連渾淪囊括地軸逸洗濯星辰浴月  
日有如混沌未分之兩儀朔南何方東西暱餘皇  
巨艦輕于毛一葉泛泛隨波濤後船瞥見前船底  
彷彿露出鯢魚尻形形色色見未見灼灼爍爍閃  
流電似燹非燹燐非燐云乃鹹氣浮光夜炫煽認  
副駕渡洋官船為正  
駕餘船為副駕招隣舟火號高燒明星流天  
鷄未鳴天已白茫茫飛渡黑水溝海中有黑  
水如溝黑水  
之溝黑逾墨蛟鯨宮闕龍伯國任爾銅船鐵梢公

每每過之生喘息我曾泛歷江與湖自謂大觀難  
為徒覩此爽然翻自失川渟瀆渚等盃盃浩浩落  
落有如此一腔豪氣何時已酒酣夜半擊楫歌刮  
起黃頭盡傾耳最憐徐福三千人昔年過此曾問  
津求仙採藥那可得至今漆齒作文身八十年前  
驅鱷戰調平鄭  
逆也兇人革心先革面九州之外又九  
州盡入版圖要荒甸置官命吏滄漠東捧檄萬里  
乘長風坎險如夷履平地丈夫如此亦英雄

到澎湖境

舟人告我水中沚青青一點小于米此是澎湖西

嶼頭好向望樓遙瞪視七更洋走十二時白鳥翻  
飛輾然喜使槎錄云近島嶼則有白鳥飛漁火星星漸漸明到境  
不過三十里風微卸蓆下櫓搖齊心協力力足恃  
引緮探淺復量深恐防沙線與礁址大船進港本  
來難恰值今宵好潮水四角仔金龜背港口如門  
屹山峙紛紛吏役懽相迎紅紗夾岸籠燈俟連日  
驚心千尺濤足踏實地樂無比從容就館謁諸生  
殷勤問俗挈大指一十三澳民頗悖澆漓只有媽  
宮市

文石

石產于澎湖之西嶼居人採取琢爲人物  
花卉鳥獸魚蟲圓璧方圭念珠手串色色  
皆備以供案頭雅玩閩中人士過此者莫  
不構求焉斯亦大塊之菁華一方之貴重  
歟

地靈何處不仙洲且看文章點石頭寶氣陸離威  
鳳舞金光灼爍錦龍浮好將閱世存雙眼石以有眼者爲  
佳未許違時老一坵海外自來多瑰異願隨方物  
備共球

其二

輝山潤木最精神雅重儒林席上珍幾度沉埋封  
草莽一朝磨琢出風塵不愁抱泣同和氏轉恐拋  
竒有魏人藻采更饒堅確性問從何處覓緇磷

其三

光華日月著文名肯共雕蟲小巧爭鎮物本來資  
厚重補天由此費經營樹從玄圃花常滿種向藍  
田玉自生絲竹一時訢合奏大成猶藉振金聲

其四

大作圭璋小念珠方員隨意總規模鏤光錯彩如  
三棘奪目怡神亦五都成子漢庭推碩學充宗文

苑頌鴻儒

二公俱遇異人授文石吞之後大明悟遂爲一代名儒

瑯玕肺腑

璠璵品價重連城出海隅

時建書院額名文石

澎湖歌

藐茲澎湖一孤島幅員百里彈丸小九州不入禹  
貢圖開闢以來置不道荷蘭驅逐僞鄭平設官命  
吏名斯肇臺陽喉咽壯藩維金厦戶庭資障堡宅  
澗爲村一十三民居錯落晨星渺歲不十雨月千  
風多風少雨之地波翻浪覆勢傾倒匝時鹹水漲漫天白  
日昏昏晝宵宵流沙一片恍飛霜草未逢秋已盡  
黃地無高岡與陵麓又無溪澗與橋梁又無飛禽

與走獸又無花木與箐篁織紝不事無麻苧絲帛  
不出無蠶桑三農最重無牟麥五穀最貴無稻梁爨

糞爲柴仗牛矢

土人燒牛糞  
呼爲牛柴

薯乾作食呼薯米

喚薯

乾爲薯米

土瘠民貧何處無未有土瘠民貧到如此只

合乘潮討海爲新畚揚帆掉槳爲犁鋤張繒掛網  
爲稼穡戳埃塞滬爲篝車多黍多稌頌蜃蛤千倉  
萬箱祝蝦魚不祭田祖祭龍伯吹邠擊鼓水中瀦  
俗儉勤人椎魯熙熙恬恬風近古不崇佛教絕僧  
尼寺觀禪林日未覩漁者恒漁農者農饑食渴飲  
安井伍更無雀鼠訟譎張公庭清晏如召杜論文

時亦聚諸生詩書善氣溢眉宇千里一聖百里賢  
化導在人須鼓舞割雞慣笑子游刀家絃戶誦並

中土

時余興學課文  
生童大加奮勵

惟有媽宮市上頗不馴言龐

事雜多游民草竊無聊兼牙僧鰥兵蜂聚重爲隣  
赫赫炎炎盡烈火厝薪不徙勢必焚溱洧有蔞野  
有蔓鶉奔狐走鳥獸羣從此洗心先草面海宇清  
寧看虎變褊心杞國日焦憂隻手欲挽狂瀾濺勿  
云叢爾無重輕半壁東南關帝眷作此長歌備  
採風形勢輿情一日見告我凡百諸君子勿棄芻  
蕘下里諺

除夕作

白酒黃柑共勸酬  
歲除清燕也風流  
明朝考歷欣添算  
此夕傳杯笑舉籌  
暖氣迎春爐火活  
寒香送臘嶺梅幽  
占年何事憑龜卜  
海晏河清是有秋

元旦次前韻 丁亥歲

震行坎止迺相酬  
律轉東皇大化流  
萬國朝元嚴鵠立  
五更待漏聽雞籌  
陽回澎海韶光普  
春到湖山淑景幽  
滿酌屠蘇人盡醉  
椒花銀勝祝千秋

立春日作

農祥晨正肇今朝  
有脚陽春到海嶠  
但願均調多

雨露更祈清晏絕風颭  
澎地多風少雨故云洞庭酒酌黃柑

滿粉署花明白晝饒  
地無花卉僅植得美人蕉二株溇社十三人

盡樂秧歌齊唱舞翹翹

其二

九十春光第一朝  
十分和氣滿孤嶠  
祥開紫陌迎新貺  
瑞擁青旛拂曙颭  
寶字帖來人事快  
土牛鞭罷歲華饒  
瞻雲海國思羅勝  
莫笑坡公老插翹

其三

春應堯萸六葉朝  
東風何地不員嶠  
仙齡浪侈三千歲  
花信難忘廿四飈  
白首橫釵喧戴勝  
青郊行

酒羨杯饒從今天地多生意甲拆勾萌漸長翹

其四

宦遊閩地八春朝遠駐澎湖海外嶠舊雨縈懷舒

柳眼故園入夢憶梅飈及瓜方代星初易澎湖地海疆三年

報滿剪絲相遺俗尚饒株守一官虛歲月風流何日

扈雞翹

十三澳詩 文澳

粉署何嫌冷似冰廳署在澳內東西分衛蔚雲蒸澳即東西

衛少躬稼穡先疇美多羨魚鹽舊業增屋結海隅

隣叔敖人誇豪氣擬陳登案山頭看鯤遊浪會向

風雷化大鵬

媽宮澳即東西衛澳

豈特雄封一馬頭澎地舖舍往來商船皆萃于此重洋天塹此咽

喉西援泉厦連犄角東護臺陽控上游遣戍干城

歌肅兔編氓環堵類居鳩自維海甸分符重夙夜

難忘馭遠猷

鼎灣灣

沙廻港繞錦相聯海濶銀河落九天鼎峙中分廬

上下澳有上下三社灣開四面地方員潭邊月載求魚

艇水涵人耕立鶴田潭邊水涵皆社名禮讓易興緣俗樸

書聲時聽和春絃

林投澳

行春按部過林投人物豐盈里社休東石社名風晴

看鷺翥西溪社名浪暖起龍游大夫計富惟詢馬比

戶能封在畜牛地多牛羊海國太平真樂土安居漁佃

卽仙洲

奎壁澳

奎壁光芒本列星化作人間應地靈俗尚漁樵知

力穡戶敦仁讓喜橫經城當北拱瞻辰極湖自東

連浴日溟城北湖東皆社名紅罩青螺皆瑞氣紅罩青螺亦皆社名

乾坤何處不清寧

蒔社澳

四邊無樹浪爲花猪母雲趨落水涯猪母落水社名看徧

魚龍思結網蕩搖星斗快乘槎石泉社名日麗眠黃

犢鐵線社名風勃捲白沙傍島倚坡爰作室晨星三

五是鄰家

赤嵌澳

赤嵌紅毛舊日城臺郡亦有赤嵌城文身陋俗久全更十

洲海外逢清晏百忍堂前好弟兄澳內張姓最稱敦睦羨有

多魚頻入夢漫勞春鳥喚催耕官閒到處詢民隱

巷舞衢歌咏太平

鎮海澳

屹立洪濤鎮海門星分棋布壯聲援雷鳴百里風

雲會豹變重溟雨露屯港仔社名行春車駕犢旗頭

社名擊楫浪騰鯤蒼茫極目浮天水縹渺蓬壺粒米

痕

通梁澳

亂石磊砢砌作牆磊砢石俗名老古石綢繆人事擬苞桑鈎

來烟雨龜蒙棹牧徧阿池卜式羊海絕鯨波逢道

泰民無鱷夢覘官良採風閒聽滄浪咏步入通梁

過大倉

社名

瓦硎澳

四澳星連萃北山

赤嵌鎮海通梁瓦硎四澳統名北山

瓦硎看徧頓

開顏雞窓夜照青藜火魚網朝圍綠水灣港尾社名

地饒花蛤盛城前社名人樂鷺絲閒豚肩斗酒春風

社白叟黃童帶醉還

西嶼澳

一嶼孤懸澎島西小門

嶼名風亂水雲迷珊瑚海底

魚龍護

外塹海中有珊瑚樹番人曾到採不獲說有蛟龍守此云

文石山頭鳳

鳥啼

灣產文石居人琢為麟鳳玩器

夜半橫礁社名喧掛網春深合

界社名課耕犁塹分內外帆檣集共訝泉臺百貨齊

吉貝澳

地隆元武壯坤維鑠鑰難忘保障思吉字有礁藏

鐵板澳北鐵板砂一帶形如吉字最為險要貝文無價重金蠟蠟即玳瑁

皮可飾物以黃金色為尚風晴日麗神山現浪捲颺馳海角迷

邊徼自來天設險烟臺烽火慨紅夷澳北有紅毛炮臺舊址

八罩澳即網坡水按二澳

八罩澎南海外村也憑漁艇當田園珠璣海出映蚌珠

月尋花嶼高名玳瑁乘潮澳多玳瑁大者重百餘斤截挽門汛名九

夏望雷消颺母三秋祈雨長薯孫澎地雨水最少往來商

船安瀾渡此地泊船最險馬腹鞭長可勿論遠馱口岸稽查頗難

同戴文煒林五雲雨總戎閱紅毛城舊址因

懷靖海侯賦

頽墉依舊紀紅毛露冷雲寒野鼠嗥負固夜郎曾

自大恢張天網更誰逃鯨鯢勢絕波濤靜世傳鄭成功為

鯨魚妖氛臺厦勳懸日月高世盛永無烽火警太平黼

黻屬吾曹

牛柴澎地並無薪木以牛糞炊爨土人呼為牛柴

漫云牛後遜雞聲糞出呼柴亦令名跨竈人驚烟

縷縷登山誰聽斧丁丁輸他楫楸原無累剩得廢

廖更有情雖不用燔郊上帝力能調鼎著和羹

薯米 彭無稻梁居人以薯乾供食因名為薯米

番薯當米度年華鼓腹安閒海外家義士不須勞

指囷將軍何事慨量沙笑殊香秔供天府喜竝山

芋喚地瓜 閩人呼番薯為地瓜 一自島隅分種後風流隨處

咏桃花 紅白相參為桃花米

文石 次胡別駕原韻

范君倅 浙江人

澎湖一島類瀛洲石韞山輝品望優敲鑿得來文

自顯 產于山之根破璞而石始出 磨礮琢就彩應浮漫啣落落

輸雙琥最愛粼粼重九邱海嶼只今非易覓 石已採取

殆盡 十分珍貴勝鳴球

把玩低徊妙入神他山怎與比儒珍連珠的爍渾

懸蕙 謂有眼為重 五色晶瑩那染塵詎似梧臺藏大寶

還同禹穴探遊人休言堅潤難如玉 冬寒風燥常易裂 磨

琢功深却不磷

誰云海外妄邀名虹氣光隨日月爭象物宛然傳

睿巧摹人彷彿極經營莫嫌碌碌零星見須識瑩

瑩大塊生不必價增踰十萬留情人盡布芳聲

分明聲價等明珠玉振于今紹聖模案上生花排

筆陣 有做成筆架玩好者甚佳 日邊浮尹誦瓊都九疑覆去傳

金簡五鹿吞來見碩儒從此文名增海甸璠璣應

貢鳳城隅

時建書院以文石為名故云

澎湖

孝廉張五典 涇陽人

三十六島知何似數點烟缸數尺磯出海來占風  
信好時時白鳥傍人飛

澳口新晴日未斜拍天碧水浸紅霞撥船三板乘  
風軟礁嶼東西揀石花

文石書院詩 并序

澎島無學宮別駕胡勉亭先生出俸錢構講  
院公餘輒課諸生官府山長兼之矣詩以紀

之

寸莛由來許叩鐘植林開礪謝長供千間廣庇勞  
工部六百還捐自曼容何翅經師推北海應從天  
下說中庸移情我亦隨烟權悟得琴心在衆峰

與文石諸生

海邊無事偶相過遞引深杯且和歌風雨閉門黎  
進士記從笠底識東坡

題澎湖嶼

唐時人施肩吾

腥臊海邊多鬼市島夷居處無鄉里黑皮年少學  
採珠手把生犀照鹹水

澎湖

臺郡丞齊禮物奉天

海外遙聞一島孤好風經宿到澎湖  
蟬含玉舌名西子蚌吸冰輪養綠珠  
蕩漾金波浮玳瑁連環鐵網出珊瑚  
登臨試問滄桑客猶有田橫義士無

西嶼落霞

臺郡八景之一

臺灣道

高拱乾

陝西人

孤嶼澎湖近晴霞返照時秋高移絳樹  
海晏捲朱旗孫楚城頭賦劉郎江上詩  
淋漓五彩筆直欲補天虧

澎湖紀畧卷之十二